

# পঞ্চাশের মঘত্তর

১৯৫২

শ্রী  
১৯৫২

কলিকাতা

শ্রীশ্যামাপ্রসাদ মুখোপাধ্যায়

বেঙ্গল পাবলিশাস  
১৪, বঙ্কিম চাট্জে স্ট্রীট,  
কলিকাতা

বেঙ্গল পাবলিশার্সের পক্ষে প্রকাশক—শ্রীমনোজ বসু  
১৪, বঙ্কিম চাট্জে স্ট্রীট, কলিকাতা

সং. ১৯০২  
৪৯৯ ২১৩৩৫  
৯/২৪/২০৬

প্রথম সংস্করণ পৌষ—১৩৫০ বঙ্গাব্দ  
দ্বিতীয় সংস্করণ বৈশাখ—১৩৫১ বঙ্গাব্দ

মূল্য—দুই টাকা

শ্রীপতি প্রেসের পক্ষে মুদ্রাকর—শ্রীনিভূতিভূষণ বিদ্যাস  
১৪, ডি এল রায় স্ট্রীট, কলিকাতা

## নিবেদন

কয়েকজন উৎসাহী কণীব একান্ত আগ্রহে 'পঞ্চাশেব মমস্তু' প্রকাশিত হইল।

শাস্ত্র আবেষ্টনীৰ মধ্যে সম্পূর্ণ নিরাসক্ত দৃষ্টি লইয়া এ বই লেখা নয়। মমস্তুৰ সম্পর্কে ব্যবস্থা-পরিষদে ও অন্তরে অনেকগুলি বক্তৃতা করিতে হইয়াছে। নিত্যান্ত কাজের প্রয়োজনে কয়েকটি বিবৃতিও দিয়াছি। সেগুলির মর্মান্ববাদ বইয়ে দেওয়া হইয়াছে। শাস্ত্রানের ভয়াবহতার মধ্যে দুর্গতের আর্তিধ্বনি শুনিতে শুনিতে যাহা লিখিয়াছি ও বলিয়াছি তাহাই যে বইয়ের আকারে বাহির হইবে, কয়েক সপ্তাহ পূর্বেও ইহা কল্পনার অতীত ছিল।

একই বিষয় লইয়া বহু স্থানে বলিতে হইয়াছে, তাই অনেক পুনরুক্তি ঘটয়াছে। বক্তৃতায় যাহা বলিতে পাবিঘাছিলাম, পবাবীন দেশের অবস্থা-বৈশিষ্ট্য তাহাব অনেক কথাই ছাপা যায় নাই, সেজন্য কোথাও কোথাও ভাবের অসঙ্গতি ঘটিতে পারে। অন্তর্বাদে ভাষার স্বচ্ছন্দতাও হয়তো কোন কোন স্থানে নষ্ট হইয়াছে।

তবু ইহাব মধ্যে কতকগুলি মর্মান্তিক সত্যের উদ্ঘাটন হইয়াছে। কর্মক্ষেত্রে সহস্র সহস্র হুংগী দেশবাসীৰ সান্নিধ্যে আসিয়া এইসব সত্যের উপলব্ধি কবিয়াছি। দোষ-ত্রুটি সত্ত্বেও এগুলি একত্রে সংগৃহিত হইলে আমাদের অসহায় অবস্থা বুঝিবার সুবিধা হইবে। এইজন্যই উচ্ছোক্তাদেব আমি বাধা দিই নাই।

আরও একটি কারণ আছে। মমস্তুৰ সম্পর্কিত সকল তথ্য সংগৃহীত হওয়া একান্ত প্রয়োজন। তাহাতে বহু রহস্য প্রকাশ পাইবে; এইরূপ

ছুর্দৈব যাহাতে আব ঘটিতে না পারে, দেশবাসী সে বিষয়ে যথাসম্ভব সতর্ক হইতে পারিবেন। ষাঁহাদের শক্তি ও অবসর আছে, 'পঞ্চাশের যশস্কব' তাঁহাদের অল্পসঙ্কিৎসা জাগাইতে পারিলে আমাদের উদ্দেশ্য সফল হইবে।

সরকারের অল্পগ্রহপুষ্ট দল আমাদের কার্যকলাপের অবিরত বিকৃত ব্যাখ্যা করিয়াছেন। ছুর্গতির সেবা-প্রচেষ্টার মধ্যেও রাজনীতিক অভিসন্ধি আবোপিত হইয়াছে। যে মানসিকতা চরমতম দুঃসময়েও কুৎসা রচনা করিয়াছে ও বাবদ্যাব অকর্মণ্যতার পবিচয় দিয়াও লজ্জা বোধ করে নাই, উত্তর দিতে গেলে তাহার সম্মাননা করা হয়। ছুর্গতির তুলনায় আমবা নিতান্ত সীমাবদ্ধ আয়োজন লইয়াই কাজ আবস্ত করি। প্রাণপাত চেষ্টায় সাহায্য-ব্যবস্থা যাহা হইয়াছে, তাহার শতগুণ হওয়া উচিত ছিল। কিন্তু একটা কাজ হইয়াছে—পর্বতপ্রমাণ দুষ্কৃতি ও নিষ্ক্রিয়তা গোপন করিবার চেষ্টা হইয়াছিল, আমবা উহা ব্যর্থ করিয়া দিয়াছি। মানুষ মাঝা গিয়াছে; কিন্তু মুমূর্ষু আতর্নাদ প্রদেশেব গভীর মধ্যে নিরুদ্ধ করিয়া রাখা সম্ভব হয় নাই—সমুদ্রপাব হইয়া দেশ-দেশান্তর অবধি পৌঁছিয়া গিয়াছে।

আমাব লেখা ও বক্তৃতায় যদি কেহ আহত হইয়া থাকেন, আমি নিরুপায়। ষাঁহাদের হঠকাবিতায় আমাব দেশবাসীর এই সীমাহীন ছুর্গতি, কোন কারণেই আমবা তাঁহাদের ক্ষমা করিতে পারি না। ইতিহাস চিবকাল তাঁহাদিগকে কলঙ্কলিপ্ত করিয়া দেখাইবে, মুখের ভাষায় আমবা তাঁহাদের কি শাস্তি দিতে পারিয়াছি ?

করাল মনুষ্যের মধ্যে মানুষের দুঃখ-ছুর্গতি ও নীচাশয়তা দেখিয়াছি, তেমনই আবার মানুষের উদার মহামুভবতার বিমুগ্ধ হইয়া গিয়াছি। দেশবাসীর কাছে আবেদন জানাইয়াছিলাম। ষাঁহাবা

ক্ষমতার আসনে প্রতিষ্ঠিত, অবস্থা লবু কবিয়া দেখাইয়া ও অভিসন্ধির আবেগ কবিয়া তাঁহারা প্রকারান্তরে সাহায্য-চেষ্টা ব্যাহতই কবিতেন্তিলেন। ইহা সত্ত্বেও ভারতবর্ষ ও ভারতের বাহির হইতে অল্পসংখ্যক সাহায্য আসিয়াছে। আর্থ মানুষকে বাঁচাইবার আশ্রয়ে প্রাদেশিকতার বিভেদ ও সাম্প্রদায়িক সঙ্কীর্ণতা কোথায় ভাসিয়া গিয়াছে।

সহস্র সহস্র দাতার এই অধঃ বিশ্বাস ও প্রীতি-ধাবায় আমবা অভিভূত হইয়াছি। বেঙ্গল বিলিফ কমিটি ও বঙ্গীয় প্রাদেশিক হিন্দু-মহাসভা বিলিফ কমিটির সঙ্গে আমি নিবিড় ভাবে সংশ্লিষ্ট। ঐ দুইটি প্রতিষ্ঠান যাহা কবিয়াছেন, পরিশিষ্টে তাহাব সংক্ষিপ্ত বিবরণ দেওয়া হইল। শত শত সেবক সেবাকর্মে অহোবাত্র শ্রম করিয়াছেন। বিরুদ্ধ-বাদীবা ভ্রুকুটি ককন, কিন্তু সঙ্কটমূহূতে দেশবাসী আর একবার সংহতি ও অপবিমেঘ সেবাবৃত্তির পবিচয় দিযাছেন।

কিন্তু দুর্গতের মুখে অন্ন তুলিয়া দেওয়াই একমাত্র বা প্রধানতম কাজ নয়। মনুষ্যতবে মানুষের ঘব-গৃহস্থালী ভাঙিয়াছে; জীবন-ব্যবস্থা, অর্থনীতিক বনিয়াদ উন্টাইয়া গিয়াছে। বাঙালি পবপ্রত্যায়ী ভিখারিন জাতি হইতে চলিয়াছে। মধ্যবিত্ত শ্রেণী এবং যাহারা অল্পবিত্ত শ্রেণী বলিয়া কথিত, তাঁহাদের অবস্থাই সকলের চেয়ে মর্মস্পর্শী। লক্ষ লক্ষ দেশবাসী—বিশেষ কবিয়া এই দুই শ্রেণীর—হতমর্য়াদা উদ্ধার করিয়া সকলকে সমাজ-জীবনে পুনঃ-প্রতিষ্ঠিত কবা এখন আমাদের বৃহত্তম কর্তব্য।

বিংশ শতাব্দীর প্রায় মধ্যভাগে মাসের পর মাস ধরিয়া কি শোচনীয় দৃশ্য চোখের উপর দেখিলাম। এমন যে সত্যই ঘটতে পারে, ভাবী-যুগের মানুষ বিশ্বাস কবিতেন্তে চাহিবে না। এখন যাঠের ফসল

যরে উঠিতেছে। অব্যবস্থা ও দুর্নীতি দেখা না দিলে হয়তো স্কদিন ফিবিয়া আসিবে। কিন্তু লক্ষ লক্ষ আনন্দোচ্চল শান্ত সংসাব একেবারে নিশ্চিহ্ন হইয়া গিয়াছে, নিষ্পবোধ নবনাবীব দল অনাহাবে তিলে তিলে বাস্তব পড়িয়া মবিয়াছে—তাহাদের অসহায় ধ্বংস-দৃশ্য চিরজীবন আমাদের বিত্তীমিকা হইয়া থাকিবে।

৭৭, অ. স্তোত্রাষ নুখাজি বোড,

কলিকাতা

শ্রীশ্যামা প্রসাদ মুখোপাধ্যায়

১লা পৌষ, ১৩৫০ বঙ্গাব্দ

## দ্বিতীয় সংস্করণ সম্পর্কে প্রকাশকের নিবেদন

‘মঙ্গলময় মঙ্গলময়’ প্রথম সংস্করণ তিন মাস্যাহ নিঃশেষিত হইয়াছিল। দ্বিতীয় সংস্করণ ছাপিবার সম্পর্কে প্রকৃৎকাবে দ্বিধা কনিত্তেছিলেম, তাহাদের শক্তি ও অবসব আছে তাঁহাবাই এ সম্বন্ধে তদাবহুল প্রামাণিক বই লিখিলেম, এই তাঁহার ইচ্ছা। কিন্তু শত শত ব্যক্তি বই না পাইয়া দুঃখ প্রকাশ কবিত্তেছেন, অজস্র চিঠি আসিয়া জমিয়াছে। দেশবাসীব এইরূপ আত্মহাতিশায্য নূতন সংস্করণ বাহিব হইল।

এই সংস্করণে দুইটি নূতন প্রসঙ্গ সংযোজিত হইয়াছে। একটি জানুয়ারিতে ও একটি মার্চ মাসে বচিত। ইতা তই ত মঙ্গলময়ের সাম্প্রতিক অবস্থা জানা যাইবে।

আট খানি চুর্ভিক্ষেব ছবি দেওয়া হইল। সর্বশেষ খানি মাণিকগঞ্জ শ্রীশ্রীবামকৃষ্ণ মহিলা সংঘের তোলা। বাকি ছবিগুলি ইন্টার-ম্যাশন্সাল বোর্ডে নিউজ (১৫৩ চৌবন্ধি বোর্ড, কলিকাতা) সবৎবাত কবিয়াছেন। প্রচ্ছদপট আঁকিয়াছেন শিল্পী শ্রীশৈল চক্রবর্তী। ইহাদের নিকট রুতজতা স্তাপন কবি। বহু দুর্গত বাজবন্দী পরীক্ষার ফী ধোগাড কবিত্তে গ্যাবিত্তেছিলেম না, প্রথম সংস্করণেব সমুদয় লভ্যাংশে তাহাদের ফী দেওয়া হইয়াছে।

১লা বৈশাখ

১৩৫১ বঙ্গাব্দ

শ্রীপ্রকাশক



বব-গৃহস্থালী লজ্জা-সঙ্কোচ সমস্ত গিষাছে,  
চাগি-মাতা কলিকাতার পথে আসিষ'  
পিডাইয়াছেন। শুধু বুকু একছোঁটা দুধ  
নাই, সন্তানকে কে বাঁচাইবে ?







এই মানুষ শত্রুর সামনে বক পাঁচি  
নাড়াই। পার্ব। ভাবো না লালক  
গাঢ়ে তুলি। এউ শাস্ত।

এক মণ, ভাবেব জ্ঞ  
বাস্তাস পাঁচি। মানুন  
মবিভেছে। সভা  
গর্বি বলিকাণ শহব।







স্বপ্রকাশ হারিসন রোডের উপর :

মাসুম গোরুর সঙ্গে ডাষ্টবিনের আবর্জনা পাইতেছে।




ছেলের নল দেগতে না পাবিষা বা  
ভাতাকে আবলু কবর দিগেছিলেন।  
মাগাটি কেবল ঢাকা পড়ে নাই, এমনি  
সময়ে ইস্কুলের ছেলেবা আসিযা উদ্ধার  
ববে। ছেলেটি কাথা হিন্দুামশনেব  
থা শ্রাযে আছে।



আমেবি সাহাবেব মতে, গতি-গোজনের  
দৃষ্টান্ত নাকি বালাব থালা সফট।



ইম গাৰুৰ প্ৰায়ে,  
বৰবে মৃতদেহ খাওঁবোঁচ



বাঁ-হাত, বুকেৰ বাঁমদিকটা ও পাজৰ শিয়ালে পাইবা গিয়াছে। মেয়েটিৰ নাম মোক্ষদা, বানিয়াজুডি  
গাৰুৰ প্ৰায়ে। ২০শে অক্টোবৰ (১৯৭৩) সান্থিকগঞ্জ ব্ৰাহ্মণে এই তৰসায় পাইবা গিয়াছে।

পঞ্চমোন্নয়ন যজ্ঞ

‘অলঙ্কারগুলি বিভস্ক হইলে একজন দহ্মা বলিল, “আমরা সোনারূপা লইয়া কি করিব, একখানা গহনা লইয়া কেহ আমাদের এক মুঠা চাল দাও, ক্ষুধায় প্রাণ যায়,— আজ কেবল গাছের পাতা খাইয়া আছি।” একজন এই কথা বলিলে সকলেই সেইরূপ বলিয়া শোল করিতে লাগিল, “চাল দাও, চাল দাও, ক্ষুধায় প্রাণ যায়, সোনারূপা চাহি না।” দলপতি তাহাদিগকে ধামাইতে লাগিল, কেহ ধামে না, ক্রমে উচ্চ উচ্চ কথা হইতে লাগিল, গালাগালি হইতে লাগিল, মারামারির উপক্রম। যে যে অলঙ্কার ভাগে পাইয়াছিল সে সে অলঙ্কার ভাগে তাহার দলপতির গায়ে ছুড়িয়া মারিল। দলপতি দুই একজনকে মারিল। তখন সকলে দলপতিকে আক্রমণ করিয়া তাহাকে আঘাত করিতে লাগিল। দলপতি অনাহারে শীর্ণ ও ক্লিষ্ট ছিল, দুই এক আঘাতেই ভূপতিত হইয়া প্রাণত্যাগ করিল। তখন ক্ষুধিত, রুষ্ট, উত্তেজিত, জ্ঞানশূন্য দহ্মাদের মধ্যে একজন বলিল, “শূণ্য কুকুরের মাংস খাইয়াছি, ক্ষুধায় প্রাণ যায়, এস ভাই! আজ এই বেটাকে খাই।” এই বলিয়া সেই বিশীর্ণ দেহ কৃককায় প্রেতবৎ মূর্ত্তিসকল অন্ধকারে থলথল হস্ত করিয়া করতালি দিয়া নাচিতে আরম্ভ করিল। দলপতির দেহ পোড়াইবার জন্য একজন অগ্নি জ্বালিতে প্রবৃত্ত হইল।’ —আনন্দমঠ



## পঞ্চাশের মন্বন্তর

ছিয়াত্তুরে মন্বন্তরের ভয়াবহ স্মৃতি বাঙালি ভুলিতে পারে নাই। পঞ্চাশের মন্বন্তরও বাংলার ইতিহাস চিরদিন মসীচিহ্নিত করিয়া রাখিবে।

১৭৬৫ খৃস্টাব্দের ১২ই আগস্ট ক্লাইভ ইস্ট ইন্ডিয়া কোম্পানির নামে বাংলা বিহার ও উড়িষ্যার দেওয়ানি লইলেন। দেশে তখন যে অবস্থা চলিতেছিল, তাহা অরাজকতারই নামান্তর। নানা কৰ্তা—অসংখ্য শাসন-বিধি। শোষণ পুরাদস্তুর তো চলিতেই ছিল, তাহার উপর অনাবৃষ্টি ও অনাবৃষ্টির দকন অজন্মা ও শস্তহানি ঘটিল। ইহারই অবশ্যস্বাবী ফল মন্বন্তর (১৭৭০ অব্দ)। দেশ শ্মশান হইয়া গেল। ছিয়াত্তুরে মন্বন্তরের কতকটা কৈফিয়ৎ চলিতে পারে,—ইংরেজ যে শাসন-মহিমার অগৎময় ঢকা পিটাইয়া থাকে, মাত্র পাঁচ বৎসর কালের মধ্যে উহা তখনও দৃঢ়মূল হইবার অবকাশ পায় নাই।

কিন্তু ১৯৪৩ অব্দে এরূপ কোন কৈফিয়ৎ চলিতে পারে না। পৌনে দুই শত বৎসরের অধিককাল দোর্দণ্ড প্রতাপে খেত-রাজত্ব চলিয়াছে। বিংশ শতাব্দী অজস্র সুযোগ-সুবিধা মানুষের হাতে আনিয়া দিয়াছে; বিজ্ঞান-দাক্ষিণ্যে সমগ্র পৃথিবীর সঙ্গে আত্মীয়তা ঘটিয়াছে। এখনও ছুধের অভাবে কত ছেলে মায়ের কোলে মরিয়া গেল, ডাক্তারবিনে মানুষ পশুর সঙ্গে কাড়াকাড়ি করিয়া উচ্ছিষ্ট খাইল, এ দৃশ্য মাসের পর মাস আমরা চোখে দেখিয়াছি।

বাংলার অসামরিক সরবরাহ-সচিব পঞ্চাশের মন্বন্তরের বারোটি কারণ দিয়াছিলেন, তাহা এইরূপ—

- (১) ১৯৪২ অব্দে আউশ ফসল ভাল হয় নাই।
- (২) ১৯৪২-৪৩ অব্দে আমন ধানও কম ফলিয়াছে।

(৩) মেদিনীপুর ও ২৪ পরগণা জেলা বাত্যায় ক্ষতিগ্রস্ত হওয়ার উৎপাদন কম হইয়াছে।

(৪) কীটের উপদ্রবে ফসল নষ্ট হইয়াছে।

(৫) সরকারের নৌকা-নিয়ন্ত্রণ নীতি চলাচলের বিঘ্ন ঘটাইয়াছে।

(৬) সমুদ্রকূল হইতে লোক-অপসারণের ফলে উৎপাদনের ক্ষতি হইয়াছে।

(৭) ব্রহ্ম ও আরাকান হইতে আগত আশ্রয়ার্থীরা ভিড় জমাইয়াছে।

(৮) শিল্পকেন্দ্রগুলিতে ভিন্ন প্রদেশের মজুর অনেক বাড়িয়াছে।

(৯) ব্রহ্মদেশ হইতে চাউলের আমদানি বন্ধ হওয়ার ঘটতি-পূরণের উপায় হয় নাই।

(১০) অনেক বিমানঘাটি তৈয়ারি হওয়ার সেই সব জায়গায় চাব হইতে পারে নাই।

(১১) সামরিক লোকের সংখ্যা অনেক বাড়িয়া যাওয়ার খাবার বেশি খরচ হইয়াছে।

(১২) অস্ফাল্ট প্রদেশ হইতে আমদানি কম হইয়াছে।

৪ঠা নবেম্বর (১৯৪৩) পার্লামেন্টে ভাবত সম্বন্ধে এক বিতর্ক হইয়াছিল, তাহাতে ইনক্লেশন বা মুদ্রাস্ফীতিকে পঞ্চাশের মনস্তরের অন্ততম প্রধান কারণ বলিয়া ধরা হইয়াছে। সরবরাহ-সচিবের বারো দফার মধ্যে ইহার উল্লেখ মাত্র নাই। স্পষ্টত তিনি গৌণ কারণগুলির উপর জোর দিয়া আসল ব্যাপার চাপিয়া গিয়াছেন। সরকার-পক্ষ যুদ্ধের ব্যাপারে তাঁহাদের কেনা জিনিষের দাম দিতে গিয়া প্রচুর কাগজি-নোট বাজারে ছাড়িয়াছেন। যাহারা সরকারি কাজ করে, যুদ্ধের মালপত্র জোগান দেয়, কলকার-খানায় নানাবিধ যুদ্ধদ্রব্য উৎপাদন করে, তাহারা সেই কাগজি-নোট অল্প পরিমাণে পাইল; তাহা দিয়া মহাস্ফূর্তিতে জিনিষপত্র

## পঞ্চাশের মঞ্চের

কিনিতে লাগিল। দেশের অধিকাংশ লোকই ইহার অনেক পূর্বে অপেক্ষাকৃত ভাল দাম পাইয়া মাল বেচিয়া দিয়াছে; ফাঁপানো-মুদ্রার অংশ তাহাদের হাতে পড়িল না। জিনিষপত্র তাহাদের ক্রয়-ক্ষমতার সীমা ছাড়াইয়া বহু দূরে চলিয়া গেল। লক্ষ লক্ষ লোক না খাইয়া মরিজে লাগিল। ফাঁপানো-মুদ্রানীতির জন্য ভারত-সরকার তথা ব্রিটিশ শাসন-যন্ত্র দায়ী। এই বিষয়ে খুলিয়া বলিলে সাহস ও সত্যভাষণের জন্য সরবরাহ-সচিবকে প্রশংসা করা যাইত।

পার্লিমেণ্টের বিতর্ক-সভায় মিঃ পেথিক লরেন্স কয়েকটি খাটি কথা বলিয়াছিলেন। 'বাঁচিয়া থাকিবার জন্য যে খাদ্যশস্যের প্রয়োজন, তাহা কিনিবার ক্ষমতা অসংখ্য লোকের নাই। মুদ্রাস্ফীতিই এই অত্যধিক মূল্য-বৃদ্ধির কারণ। ইহার জন্য আর কেহ নয়—একমাত্র ভারত-গবর্নমেন্টই দায়ী।' মিঃ আমেরিও আমতা-আমতা করিয়া ইহাতে একরকম সাহা দিলেন। তিনি বলিলেন, 'সমস্তটি হইতেছে অত্যধিক মূল্যবৃদ্ধি ও খাদ্যশস্যের অপ্রতুলতা। জনসাধারণের হাতে কিনিবার যতো টাকা ছিল না, ইহা ঠিক। তাহা হইলে অবস্থাটা আধিকার যতো এমন শোচনীয় হইয়া উঠিতে পারিত না।'

একটা কথা মনে রাখিতে হইবে। টাকা থাকিলেই হয় না। অনেকে দিন আনিত, দিন খাইত; জিনিষের ক্রয়-বর্ধমান দামের সহিত তাহাদের সম্মতি ভাল রাখিতে পারিল না। নিঃস্ব নিরস হইয়া এমন অবস্থার লোক প্রভূত পরিমাণে মরিয়াছে। অথচ মুদ্রাস্ফীতি রোধ করিবার উল্লেখযোগ্য চেষ্টা কিছুই হয় নাই; অবস্থা আরক্তের বাহিরে গেলে তবে কর্তাদের কিছু টনক নড়িয়াছে।

সরবরাহ-সচিবের হিসাবে অপচয়ের কথাটাও নাই। কুবক, মধ্যবিত্ত-ক্ষেত্র, দোকানদার প্রভৃতির বিরুদ্ধে এ যাবত খুব আন্দোলন চলিয়াছে;

মিঃ আমেরির দল বলিয়াছেন, যাল মজুত করিয়া রাখিয়া ইহারাই  
 দুর্ভিক্ষ ঘটাইয়াছে। আসল গলদ যেখানে, সেদিক হইতে এই প্রকারে  
 সকলের দৃষ্টি আচ্ছন্ন করিয়া রাখা হইয়াছে। বাজারের সব চেয়ে বড়  
 ক্রেতা সরকার; সব চেয়ে বড় মজুতদারও সরকার এবং সরকারের  
 সাহায্যকারী কলকারখানার মালিক ও ধনিক-সম্প্রদায়। মজুত খাদ্যের  
 মধ্যে কত যে অপচয় হইয়াছে, তাহাব হিসাব কে দিবে? বন্ধ-সীমাস্তের  
 যুদ্ধ-ভাণ্ডাবে অপরিমেয় আহাৰ্য নষ্ট হইয়াছে। ভারত-সরকারের সঞ্চিত  
 আটা ময়দা ছোলা ছাতু প্রভৃতির কি পরিমাণ অপচয় হইয়াছে, তাহার  
 সঠিক হিসাব পাইলে বর্তমান দুর্ভিক্ষেব অনেক রহস্য উদ্ঘাটিত হইবে।  
 কলিকাতার এ. আর. পি. ব আনুকূল্যে শত্রু-বিভক্তদের জন্ত যে সামান্য  
 পরিমাণ জিনিস মজুত করা হইয়াছিল—তাহাতেও প্রচুর অপচয় ঘটিয়া-  
 ছিল, এ তথ্য সকলের জানা আছে।

দুর্ভিক্ষ একদিনে আসে নাই। সরববাহ-সচিবের উল্লিখিত বাবো  
 দফার কারণ হইতেই বুঝিতে পারা যায়, করাল মম্বস্তর ধীরে ধীরে  
 বাংলাকে গ্রাস করিয়াছে। ইহার প্রতিকার-চেষ্টায় কেন্দ্রীয় সরকার  
 শোচনীয় ঔদাসীন্য দেখাইয়াছেন। দেশ-বিদেশের সৈন্য দলে দলে  
 আসিয়া বাংলাদেশ ভরিয়া ফেলিল, সহস্র সহস্র শত্রুকে বন্দী করিয়া  
 আনা হইল—তাহাদের অনেকের বোঝা বাংলার কাঁধে চাপিল, বন্ধ  
 হইতে অসংখ্য আশ্রয়ার্থী আসিয়া জুটিল, কলকারখানায় ভিন্ন প্রদেশ  
 হইতে সংখ্যাভীত মজুর আসিল। কেন্দ্রীয় সরকার ভখনও মনে  
 করিতেছেন বাংলাদেশ অবাধে সকলের অন্ন যোগাইয়া যাইবে, কোন  
 প্রকার অতিরিক্ত ব্যবস্থার প্রয়োজন নাই।

সৈন্যদের খাদ্য সাধারণ বরাদ্দ হইতে অনেক বেশি। শুধু চাউল  
 নয়—কলমূল তরিক-তরকারি মাছ-ডিম-মাংস প্রভৃতিও তাহাদের অন্ন

প্রচুর পরিমাণে ক্রীত হয়। ঐ সব জিনিস দুর্গা ও হুস্তাপ্য হওয়ার চাউলের উপর টান বাড়িয়া গেল। ইহার উপর সরকার আবার ঐক্যদলের জন্ত দশ লক্ষ টন খাদ্যশস্য সর্বদাই মজুত রাখিতে লাগিলেন। বড় বড় কারখানার মালিকরা যুদ্ধের ব্যাপারে প্রচুর লাভবান হইয়া মজুর ও কর্মচারীদের জন্ত ভবিষ্যতের খাদ্য-সঞ্চয় করিতে লাগিলেন। সরকার পরোক্ষে ইহাদের সহায়তা করিলেন। জনসাধারণের কথা কেহ ভাবিল না।

শত্রুর আক্রমণের আশঙ্কায় কয়েকটি জেলা হইতে ধান সরানো হইল। ধান সরাইলেই তো স্থানীয় লোকের পেটের ক্ষুধা ঐ সঙ্গে লোপ পায় না। খাদ্যবস্তুর সঙ্কানে তাহারা ঘোরাঘুরি করিতে লাগিল। চাউলের দর হঠাৎ খুব বাড়িয়া গেল। ইহার উপর নৌকা ডুবাঁইয়া দিয়া নৌকার চলাচল নিয়ন্ত্রণ করিয়া জনসাধারণকে আরও ভীতিগ্রস্ত করা হইল। একপক্ষে লোকেব মনে ভরসা জাগাইয়া রাখিবাই চেষ্টা করা উচিত। সরকার তাড়াহুড়া করিয়া এমন সব কাণ্ড করিতে লাগিলেন যে সাধারণে সরকারের উপর ক্রমশ আস্থা হারাইয়া ফেলিল। মন্বন্তর দেশব্যাপ্ত হইয়া পড়িল।

ছিয়াত্তুরে মন্বন্তরের ছবি বঙ্কিমচন্দ্রের আনন্দমঠে প্রোজ্ঞল হইয়া বহিয়াছে। এই বর্ণনার সাহিত্যিক-মূলভ অতিশয়োক্তি কিছুমাত্র নাই। ১৭৭৮ খৃস্টাব্দে একটি ছুভিক্স-কমিশন বসে। কমিশন যে রিপোর্ট দিয়াছিলেন, আনন্দমঠের বর্ণনা তাহার কোন কোন অংশের ছবছ বাংলা অনুবাদ। আনন্দমঠের চিত্রের সঙ্গে আঞ্জিকার ছুরবস্থা মিলাইয়া দেখিলে বোঝা যাইবে, ইতিহাসের পুনরাবৃত্তি খটিয়াছে।

ছিয়াত্তুরে মন্বন্তরের পরেও ছুভিক্স অনেকবার হইয়াছে \*। ইহার

\* বর্ষা :—১৭৮৩, ১৮৩৬, ১৮৭৫-৭৬, ১৮৭৫-৭৬, ১৮৮৪-৮৫, ১৮৯১-৯২, ১৮৯৭-৯৮ ইত্যাদি।

মধ্যে ১৮৭৩-৭৪ অব্দের দুর্ভিক্ষে দুই কোটি লোকের অন্নকষ্ট হইয়াছিল। কিন্তু ক্রমতঃ সহিত ষথাযোগ্য ব্যবস্থা অবলম্বিত হয়; তাই সেবাব লোকের সামান্যই হইয়াছিল। দুর্ভিক্ষ-দমনে এই একবার মাত্র সরকার কৃতিত্ব দেখাইয়াছিলেন। কিন্তু ৭৩-৭৪ অব্দের ব্যবস্থা এবারে সম্পূর্ণ উপেক্ষিত হইয়াছে। বরঞ্চ ১৭৭০, ১৭৮৩ ও ১৮৬৬ অব্দে যে অদূরদর্শিতা ও অব্যবস্থার ফলে অবস্থা ভয়াবহ হইয়াছিল, পঞ্চাশের মন্বন্তরে অবিকল তাহাই দেখা যাইতেছে। আজিকার মতো তখন অবশ্য বৈদেশিক আক্রমণের আতঙ্ক ছিল না, কিন্তু এই একটি বিষয় ছাড়া সকল পারিপার্শ্বিকতা আশ্চর্যরূপ মিলিয়া যায়।

১৭৭০ খৃস্টাব্দে দুর্ভিক্ষের সূচনা হইল, কর্তৃপক্ষ অমনি 'সৈন্তমণ্ডলী' ছয়মাসের খোরাকি কিনিয়া গুদামজাত করিবার মতলব করিলেন। অক্টোবর মাস হইতে দেশে হাহাকার উঠিল; নবেম্বর মাসে 'বাহার দুই এক কাহন হইয়াছিল, রাজপুরুষেরা তাহা সিপাহীর জন্য কিনিয়া রাখিলেন।' এই নবেম্বর মাসেই 'কালেক্টর-জেনারেল আশঙ্কা করিলেন, দেশ জনশূন্য হইয়া যাইবে।'

১৯৪৩ অব্দের অবস্থা অল্পরূপ নয় কি? সরকারি ভাষাই উদ্ধৃত করিতেছি—'দেশরক্ষীদের ক্রমবর্ধমান প্রয়োজনে সৈন্ত-বিভাগের তরফ হইতে প্রচুর পরিমাণে খাদ্য-ক্রয় হইল। তাহা ছাড়া 'জরুরি অবস্থার প্রতিবেদন হিসাবেও খাদ্য-ক্রয় করিতে হইয়াছে।'

তখনকার দিনে এই চাউল-মজুতের ব্যাপারে এলাহাবাদ ও ফৈজাবাদের বৃটিশ অফিসারের নিকট কোম্পানি চাউল কিনিতে পারেন নাই। এবারেও দেখা গিয়াছে, অল্প প্রদেশ হইতে—বিশেষত মাট-শাসিত প্রদেশগুলি হইতে চাউল কিনিতে গিয়া বাংলা-সরকার সুবিধা করিয়া উঠিতে পারেন নাই।

ছিয়াস্তুরে মন্বন্তরের আমলে সন্দেহ করা হইয়াছে, 'ব্যক্তিগত লাভের কারবার খুব চলিয়াছিল।' কোম্পানির কর্মচারিরা এমন অবস্থা করিয়া তুলিল যে বাজারে চাউল পাইবার উপায় রহিল না। দেশে হাহাকার উঠিল; প্রতিবাদ উঠিতে লাগিল। এমন কি কোম্পানির ডিরেক্টররাও কর্মচারীদের অপকর্ম ও অর্থগৃহুতার অজস্র নিন্দা করিয়াছিলেন। কিন্তু তাহাতে ফল হয় নাই।

১২৪৩ অক্টোবর ঐরূপ ঘটনা ঘটিয়াছে। চারিদিকে প্রচুর কলরব উঠিলে মাত্র ১৫ই সেপ্টেম্বর সরবরাহ-সচিব স্বীকার করিলেন, অল্প প্রদেশের চাউল বাংলায় বেচিয়া গবর্ণমেন্টের লাভ হইয়াছে বটে, তবে সেটা গোড়ার দিকটায়। ইত্যাদি, ইত্যাদি।

তখনকার দিনেও অধিক পরিমাণে মাল কেনা ও মজুত করার বিরুদ্ধে হুকুম জারি হইয়াছিল। অরাতাবে মানুষ মরিতেছে, আবু অবাধ-রপ্তানি চলিতেছিল। জর্জ টমসনের মতে, 'দুর্ভিক্ষের সময়ে রপ্তানিটা যদি বন্ধ থাকিত, তাহা হইলে চাউলে কুলাইয়া বাইত—অনাহারে মানুষ মরিত না।' এই রপ্তানি কবে শুরু হইয়াছিল জানা যায় নাই; ১৪ই নবেম্বর (১৭৭০) অনেক চেষ্টার পর রপ্তানি বন্ধ করা হয়, ইতিহাসে এই বিবরণ রহিয়াছে।

এবারেও রপ্তানির বিরুদ্ধে অনেক চেষ্টামেচি হইয়াছিল; কর্তৃপক্ষ কর্ণপাত করেন নাই। অনেক বিলয়ে ২৩শে জুলাই তারিখ হইতে রপ্তানি কতক পরিমাণে বন্ধ হইল, একেবারে বন্ধ হয় নাই। এখনও কয়েকটি ব্যাপারে বিদেশে চাউল রপ্তানি হইতে পারিবে, তবে সরকারি হিসাবে উহা মাসিক এক হাজার টনের অধিক হইবে না। সরবরাহ-সচিব পঞ্চাশের মন্বন্তরের বেসব কারণ দিয়াছেন, তাহার মধ্যে এই রপ্তানি-প্রসঙ্গেরও উল্লেখ নাই।

বাংলাদেশ ১৭৭০ অব্দের ধাক্কা সহজে সামলাইতে পারে নাই ; অভাব লাগিয়াই ছিল। ১৭৮৩ অব্দে আবার দুর্ভিক্ষ দেখা দিল। এইবার কর্তৃপক্ষ একটু সুবুদ্ধিব পরিচয় দিলেন, জলপথে রপ্তানি একে-বারে বন্ধ করিয়া দিলেন। একটি কমিটি তৈয়ারি করিয়া তাহার উপর দণ্ডমুণ্ডের চরম ক্ষমতা দেওয়া হইল। নির্দেশ দেওয়া হইল, যদি কোন ব্যবসাদার খাতশস্ত্র গোপনে মজুত করিয়া রাখে, বাজারে আনিয়া স্রাঘ্য মূল্যে বেচিতে অস্বীকার করে—তবে তাহাকে ভয়ানক শাস্তি দেওয়া তো হইবেই, অধিকন্তু তাহার মাল বাজেয়াপ্ত করিয়া গরিবদেব মধ্যে বিলাইয়া দেওয়া হইবে।

পঞ্চাশের মন্বন্তরেও এইরূপ আদেশ দেওয়া হইয়াছিল। ফল কি হইয়াছে, হাজার হাজার মানুষ প্রাণ দিয়া তাহা দেখাইয়া গেল। সব-কারি আদেশ অবাধে এবং প্রায় প্রকাশ্য ভাবেই অবহেলিত হইয়াছে। সবকারণ আদেশের পর আদেশ সংশোধন করিয়া চলিয়াছিলেন।

১৭৮৩ অব্দের দুর্ভিক্ষে আর একটি উল্লেখযোগ্য প্রস্তাব হইয়াছিল, বাংলা ও বিহার এই দুই প্রদেশের জন্য একটি কার্ণেমি শস্তাগার তৈয়ারি করিতে হইবে। তদনুযায়ী পাটনায় পাকা-গাঁথনির এক প্রকাণ্ড গোলাঘর নির্মিত হইয়াছিল। তাহাতে লেখা আছে—For the perpetual prevention of famines in India, কিন্তু গোলাঘর চিরদিনই শূন্য রহিয়া গেল, কোনদিন একমুঠা ধান তাহার মধ্যে পড়ে নাই।

পঞ্চাশের মন্বন্তরের সময়েও ফুড গ্রেইনস্ কমিটি সুপারিশ করিয়া-ছেন, একটা কেন্দ্রীয় শস্তাগার তৈয়ারি করিতে। এই শস্তাগারের জন্য পাকা ইয়ারত তৈয়ারি হইবে কিনা, এবং শেষ পর্যন্ত ইহাতে কি পরিমাণ শস্ত উঠিবে, তাহা দেখিবার বিষয়।



১৮৬৬ অব্দে যে মন্বন্তর ঘটে, উহাকে সাধারণত উড়িষ্যার ছুড়িক বলা হয়। 'সর্বগ্রামী ছুড়িকের সমুদ্রে' সমগ্র উড়িষ্যা পরিণামিত হইয়া গিয়াছিল। বাংলাদেশের মেদিনীপুর, বাঁকুড়া, বর্ধমান, নদীয়া, হুগলি ও মুর্শিদাবাদ জেলার উহার ঢেউ আসিয়াছিল। এই মন্বন্তরের কবলে উড়িষ্যার যে অবস্থা বর্ণিত হইয়াছে, আজ বাংলার অবস্থাও অবিকল সেইরূপ। দেশেব এক প্রান্ত হইতে অপর প্রান্ত পর্যন্ত প্রতিদিন অগণিত অন্নহীন যারা পড়িতেছে, শিয়াল-কুকুরে মানুষের শব ছেঁড়াছেঁড়ি করিতেছে। সরবরাহ-সচিব অবশ্য বলিতে চাহিয়াছেন, বাংলার সমস্ত অঞ্চল ছুড়িকগ্রস্ত হয় নাই। কিন্তু ধান্না দিয়া সত্যকে চাপা দেওয়া যায় নাই। ১৮৬৬ অব্দের মন্বন্তরে প্রায় দশ লক্ষ লোক মরিয়াছিল। যদি কোনদিন ১৯৪৩ অব্দের নিরপেক্ষ সত্য বিবরণ বাহির হয়, দেখা যাইবে সেবারের লোকক্ষয় পূর্ববর্তী সকল মন্বন্তরকে ছাড়াইয়া গিয়াছে।

১৮৬৫ অব্দে বিভিন্ন জেলার কালেক্টররা আংশিক অল্পম্মা লক্ষ্য কবিয়া প্রকৃত অবস্থা অনুসন্ধান করিতে চাহিলেন। কিছু খাজনা-মকুদ করিবারও কথা হইল। কিন্তু কমিশনারেরা উহা সন্নর্ধন করিলেন না। রেভেনিউ-বোর্ডও এইরূপ প্রস্তাব সবারবি বাতিল করিয়া দিলেন। বোর্ড এক বিস্তৃত বিবরণীতে বাংলা-সরকারকে জানাইলেন, ফসল কিছু কম হইতে পারে বটে—কিন্তু তাহাতে ভাবনার কিছু নাই; এই ফসলেই লোকের খাবার কুলাইয়া যাইবে। আগামী বৎসরের অল্প মজুত অবশ্য কম থাকিবে, কিন্তু ছুড়িক হইবার কোনই সম্ভাবনা নাই।

১৯৪৩ অব্দেও সেই অবস্থা। ব্রহ্মদেশ বেহাত হইয়া যাইবার পর কথা উঠিল, বৎসরের শেষের দিকে বাংলার অন্নাতাব ঘটিতে পারে। কথাটা তুলিলেন, ভারত-সরকারের খুব মোটা মাহিনার এক কর্মচারী। ব্যস, ঐ পর্যন্ত। ৩০শে এপ্রিল (১৯৪৩) তারিখের কাগজে বাহির হইল।

একটা লোকের শব্দ ব্যবচ্ছেদ করিয়া পেটের মধ্যে ঘাস পাওয়া গিয়াছে। ক্ষুধার তাড়নায় হতভাগ্য ঘাস খাইয়াছে, হজম করিতে পারে নাই। কিন্তু উহারই এক সপ্তাহ পরে (৭ই মে) সরবরাহ সচিব বলিলেন, 'সরকারের সমাধান অদূরবর্তী'। পরদিন ৮ই মে বলিলেন, 'বাস্তবিক পক্ষে বাংলার যথেষ্ট খাদ্যশস্য রহিয়াছে'। তখনকার খাদ্য-বিভাগের বড়কর্তা মেজর জেনারল উড ১৩ই মে বিস্তারিত অঙ্ক করিয়া দেখাইলেন, বাংলার কোন অভাব নাই। কেন্দ্রীয় সরকারের সচিব মাননীয় আফ্রিজুল হক ১৫ই মে কুমিল্লায় বলিলেন, 'বাংলার এখনও চাউলের কমতি হয় নাই'। ৩০শে তারিখেও 'বাংলার অপ্রচুর খাদ্য রহিয়াছে অথবা আমদানি অপ্রচুর হইতেছে'—একথা সুরাবর্দি সাহেব বলিতে পারেন নাই।

১৮৬৬ অব্দে তখনকার লাট লর্ড সিসিল বীডনের গবর্নমেন্ট বলিয়াছিলেন, দেশে প্রকৃত অভাব হয় নাই; ব্যবসায়ীদের হাতে প্রচুর খাদ্যশস্য রহিয়াছে, অতিরিক্ত মুনাফার আশায় তাহারা মজুত করিয়া রাখিয়াছে। ১৯৪৩ অব্দে বাংলা-সরকারও বলিলেন, 'বাংলার যে পরিমাণ খাদ্য রহিয়াছে তদনুপাতে মূল্যবৃদ্ধি অসঙ্গত হইয়াছে। মজুত মাল বাজারে বাহির করিতে পারিলেই সঙ্কট দূর হইয়া যাইবে।'

১৮৬৬ অব্দের মার্চ মাসেই চাউল-আমদানির দাবি উঠিয়াছিল। তখন বাড়ি-ঘর ছাড়িয়া লোকে ইতস্তত করিতে শুরু করিয়াছে, স্থানে স্থানে খাদ্য লুণ্ঠ হইতেছে। কিন্তু সরকার প্রত্যাসন্ন সঙ্কট উপলব্ধি করিতে পারিলেন না। ২৮শে মার্চ সুর আর্থার কটন ছুঁতিকা-নিবারণের জন্য সরকারকে অবহিত হইতে বলিলেন। এপ্রিল মাসে কলিকাতায় চাঁদা তুলিয়া লোক খাওয়াইবার ব্যবস্থা হইল। কিন্তু রেভিনিউ-বোর্ডের তখনও সন্দেহ, সত্যই খাদ্যভাব ঘটিয়াছে কিনা। ক্রমে চাউল একেবারে অমিল হইয়া গেল। সৈন্য, সরকারি চাকুরিয়া এবং কয়েদিদের জন্যও চাউল

## পঞ্চাশের সময়ের

মিলে না। তখন লেকটেন্যান্ট-গবর্নর বাহির হইতে চাউল আয়তনের  
হুকুম দিলেন। সরকারের অকর্মণ্যতায় এই দুর্ভিক্ষে প্রায় দশ লক্ষ লোক  
মারা যায়। এই দুর্ভিক্ষ-কমিশন রেভেনিউ-বোর্ডকে যুব দোষ দিল।  
১৮৬৭ অব্দের ১১ই আগস্ট রেভেনিউ-বোর্ড অল্প ক্রটি স্বীকার করিয়া  
বসিলেন, 'সময় মতো কাজে হাত না দেওয়ায় এবং প্রয়োজনের তুলনায়  
ব্যবস্থা নিতান্ত অপরিপক্ব হওয়ার হুঁদেব ঘটিয়াছে। কর্মকর্তাদের মধ্যে  
আনাড়ি লোক ছিল, দুর্ভিক্ষের লক্ষণ দেখিয়াও তাঁহারা ধরিতে পারেন  
নাই। কাজে নামিতে অনেক দেরি হইয়া যাওয়ায় এমন অবস্থা ঘটিল  
যে শেষে টাকা দিয়াও খাদ্য মিলে নাই।' রেভেনিউ বোর্ড স্বীকার  
করিলেন, মিঃ র্যাভেন শ'র টেলিগ্রাম পাইয়া তৎক্ষণাৎ যদি কাজে  
নামা হইত, তাহা হইলে অসংখ্য জীবন রক্ষা পাইত।

১৯৪৩ অব্দের দুর্ভিক্ষেও ঠিক এই অবস্থা। আনাড়ি লোকের উপর  
ভার দিয়া বিস্তর অঘটন ঘটিয়াছে। একতানে একটা কাজের ভার  
পাইলেন, সে বিষয়ে কিছু অভিজ্ঞতা লাভের পূর্বেই তাঁহাকে অন্য  
বিভাগে চালান করা হইল। বাংলা ও কেন্দ্রীয় সরকার খাদ্য-সংক্রান্ত  
কর্মচারীদের এত রদবদল করিয়াছেন যে ক্রমতায় উহার কাছে গিনেম্যা-  
ছবিও হার মানিয়া যায়। ১৯৩৯ অব্দের অক্টোবর হইতে ১৯৪২ অব্দের  
সেপ্টেম্বর পর্যন্ত কেন্দ্রীয় সরকার মূল্য-নিয়ন্ত্রণের অল্প ছয়টি কমফারেন্স  
করিয়াছেন। ১৯৪২ অব্দের ডিসেম্বরে খাদ্য-বিভাগ সৃষ্ট হয়; ১৯৪২  
অব্দের এপ্রিলে ফুড এডভাইসরি কাউন্সিল হয়। ১৯৪৩ অব্দের এপ্রিলে  
রিজিওনাল ফুড-কমিশনার নিযুক্ত হন। গড়ে মাস দুয়েক অন্তর পর  
পব চারি জন ফুড-মেশার হইলেন। ইহা কেন্দ্রীয় সরকারের ব্যাপার ;  
বাংলায় যে কত রকম পট-পরিবর্তন হইয়াছে, তাহা সকলেই আয়তন  
চোখের উপর দেখিয়াছি।

সরকারি ঊদ্যানীশ্বের ফলে ১৯৪৩ অব্দে ঠিক ১৮৬৬ অব্দের মতো অবস্থা অতি শোচনীয় হইল। টাকা ফেলিলেও চাউল মিলে নাই। টাঁদা তুলিয়া নানা প্রতিষ্ঠান লোক খাওয়াইবার ব্যবস্থা করিল। সরকার মনে করিলেন, এই রকম হাজার কয়েক লোক খাওয়াইয়াই জনসাধারণ হান্ধাঘাটা চুকাইয়া দিবে, তাঁহাদের মাথা ঘামাইবার গরজ হইবে না। পেটের দায়ে মানুষ যে ঘরবাড়ি ছাড়িয়া পথে বাহির হইয়াছে, শহর-যুখে ধাওয়া কবিয়াছে, কর্তাদের সেদিকে নজর পড়িল না।

অধচ এই অবস্থাই সকলের চেয়ে মারাত্মক। গ্রামের মধ্যে খাদ্য পৌছাইয়া দিলে লোকের ঘর-গৃহস্থালি পানিকটা বজায় থাকিত, তাহারা কিছু কিছু আয় কবিতোও পারিত, যথাসম্ভব শীত স্বাবলম্বী হইয়া আবার মাথা তুলিবার প্রবৃত্তি তাহাদের মনের মধ্যে জাগরুক থাকিত। কৃত্তিক গ্রামেব মানুষকে ভাড়াইয়া শহরে আনে। যে ছিল গৃহস্থ, আত্ম-সম্মান হারাইয়া সে পথের ভিখারী হইয়া দাড়ায়। ১৮৭৮ অব্দের কৃত্তিক-কমিশনে স্যর রিচার্ড টেম্পল এই সম্পর্কে বলেন, 'খাদ্যের সন্ধানে মানুষ ঘরবাড়ি ছাড়িয়া যখন ঘোরাঘুরি আরম্ভ করে, কৃত্তিকে সেই অবস্থা সকলের চেয়ে ভয়াবহ। ইহার ফলে লোক নীতিশ্রষ্ট হইয়া পড়ে। গ্রামে শৃঙ্খলার সহিত সাহায্যদানের ব্যবস্থা করিয়া এই ঘোরাঘুরি বন্ধ করিয়া ফেলা উচিত। কয়েকটি গ্রাম লইয়া এক একটি সাহায্যকেন্দ্র হইবে। উপযুক্ত সময়ে ক্রত সাহায্যের ব্যবস্থা করিলে ঘোরাঘুরি বন্ধ হইবে।'

১৮৬৬ অব্দেও লোকে ঘরবাড়ি ছাড়িয়াছিল ; ১৯৪৩ অব্দের মতোই সদর রাজায় মুমূর্ষু অবস্থায় মানুষ পড়িয়া থাকিত। আগস্ট মাসে বৃষ্টিতে ভিজিয়া সেবার বিস্তর লোক মরিয়াছিল। দলে দলে অস্থির মানুষ লক্ষরখানায় জমায়েত হইত। তাহাদের উপযুক্ত আশ্রয় ছিল না। সরকার লক্ষ্য করিলেন, বাহিরের লোক আনিয়া শহরের স্বাস্থ্য নষ্ট করিতেছে।

তখন একরকম জোর করিয়াই শহরের অন্নসত্র বন্ধ করিয়া দেওয়া হইল ; দুঃস্থদের বাহিরে পাঠানো হইল । সত্বর বৎসর পরে সেই ঘটনারই পুনরাবৃত্তি দেখিতে পাইয়াছি । সেবার কলিকাতা শহরে লোক জন্মিয়াছিল পনের ষোল হাজার । ১৯৪৩ অব্দে সরকারি অনুমান, একলক্ষ ।

সেবারও রান্না-করা খাদ্য দেওয়া হইত । এ সম্বন্ধে আপত্তি উঠিয়াছিল । কটকের রিলিফ-ম্যানেজার মিঃ কার্কেউডের মতে, এই প্রকার সাহায্য দানে গ্রহীতার নৈতিক অধোগতি হয় । এ কথা ঠিক যে, লোকে রান্না-করা খাদ্য গোপনে বিক্রি করিয়া উদ্দেশ্যের অপব্যবহার করিতে পারে না । কিন্তু আর একটা দিক ভাবিবার আছে । বহু পরিবারেই এইরূপ সাহায্য লইতে ইচ্ছাতে বাধে, তাহারা নিঃশব্দে মৃত্যুপথের স্বামী হয় । ১৯৪৩ অব্দেও এই সমস্যা দেখা দিয়াছে । বাহারা লজরখানায় বাইতে পারে না, তাহাদিগকে বাঁচাইবার জন্য সরকারি তরফ হইতে কি বিশেষ ব্যবস্থা হইয়াছিল ?

১৮৭৩-৭৪ অব্দে দুর্ভিক্ষের সূচনাতেই সরকার অবহিত হইয়াছিলেন, তাই সেবার বেশি লোকক্ষয় হইতে পারে নাই । খাদ্যের সন্ধান লোকে গ্রাম ছাড়িবার পূর্বেই বাহাতে সাহায্য পৌঁছায়, দেহের শক্তি অবশেষ হইবার আগে বাহাতে কাজ পায়, অতি দ্রুত তাহার ব্যবস্থা হইয়াছিল । প্রার্থী সাহায্যের যোগ্য কিনা, এ বিষয়ে স্থানীয় লোকের সাক্ষ্য সকলের চেয়ে প্রামাণ্য । শহরের উপর অন্নসত্র খুলিলে এই প্রমাণের উপায় থাকে না ; অনেক বাজে লোক সাহায্য পায়, অথচ অধিকাংশ দুঃস্থ সেবাকেন্দ্রে পৌঁছিয়া উঠিতে পারে না । বাহাতে এইরকম গোলযোগ না ঘটে, তখনকার ছোটলাট স্তর জর্জ ক্যাম্পবেল সে বিষয়ে বিশেষ উদ্যোগী হইয়াছিলেন । লোকজনকে তাহাদের ঘরবাড়িতে বসাইয়া নামে নামে এবং গ্রাম হিসাবে ভাগ না করিলে মৃত্যু সাহায্য

অসম্ভব, এই ছিল তাঁহার অভিমত। পঞ্চাশ হইতে একশ'টি গ্রাম লইয়া এক একটি সাহায্যকেন্দ্র খোলা হইল; সমগ্র বাংলাদেশকে এইভাবে ভাগ করিয়া ফেলা হইল। প্রতি কেন্দ্রে এক একটি বড় শস্তাগার—সেখান হইতে গ্রামের শস্তভাণ্ডারে খাদ্য পাঠান হইত। একজন দায়িত্বশীল কর্মচারী প্রতি সপ্তাহে কাঙ্ক্ষকর্ম পরিদর্শন করিতেন। ১৮৭৩-৭৪ অব্দে দুর্ভিক্ষ দমনের এই প্রচেষ্টা—সকল দিক দিয়া ইহাকে আদর্শস্থানীয় বলা যাইতে পারে। কিন্তু পঞ্চাশের মন্বন্তরে ইহা সম্পূর্ণ অবহেলিত হইয়াছে।

কিন্তু সেবার এত সুব্যবস্থার মধ্যেও চাউল রপ্তানি হইতেছিল। গুর জর্জ ক্যাম্পবেল উহার ভীষণ প্রতিবাদ করেন। ১২ই অক্টোবর (১৮৭৩) তিনি আগর বিপদ সম্পর্কে ভারত সরকারকে সতর্ক করিয়া অনুরোধ জানাইলেন যেন—(১) অবিলম্বে সেবাকার্য শুরু করিয়া দেওয়া হয়; (২) বাহির হইতে চাউল আনিবার বন্দোবস্ত হয়; এবং (৩) ভারতবর্ষ হইতে চাউল রপ্তানি একেবারে বন্ধ করিয়া দেওয়া হয়। বড়লাট চাউল রপ্তানি বন্ধ করিতে রাজি হইলেন না; সেক্রেটারি অব স্টেটকে তাঁহার আপত্তির বিষয়ে জানাইলেন। যে সব ভারতীয় কুলি মরিসস ওয়েস্ট-ইন্ডিজ সিংহল ও অন্যান্য দেশে গিয়াছে (বেশির ভাগই ইউরোপীয় বাণিজ্যের কাজ করিতে) চাউল বন্ধ করিলে তাহাদের উপায় কি? ১৯৪৩ অব্দে অবিকল ইহারই প্রতিধ্বনি শোনা গিয়াছে। সিংহলের ভারতীয় কুলি, ছুমধ্যসাগরের ভারতীয় সৈন্য—তাহাদের সকলের ভাবনা আমাদেরকে ভাবিতে হইয়াছে। ১৮৭৩-৭৪ অব্দে সুব্যবস্থা যত কিছু হইয়াছিল, কিছুই গ্রহণ করি নাই; কেবল সেবারকার চাউল রপ্তানি নীতিটা বহাল রাখিয়াছিলাম। \*

\* এই প্রবন্ধ-সকলই মূলত কালীচরণ ঘোষ সংগৃহীত উপাদানের সাহায্য লওয়া হইয়াছে।

## বাংলার সঙ্কট

আজ আমরা এক বিরাট জাতীয় সঙ্কটের সম্মুখীন হইয়াছি। গবর্নমেন্টের কোন কোন মুখপাত্রের পক্ষ হইতে এই কথা প্রকাশিত হইয়াছে যে, প্রাক্তন মন্ত্রিমণ্ডলীর কার্যের ফলেই বর্তমান জুরবস্থা আসিয়াছে। ঐ মন্ত্রিমণ্ডলীর দোষগুণ সম্পর্কে বিস্তারিত আলোচনা কবিবার ইচ্ছা আমার নাই। কিন্তু একটি ব্যাপার আমাদের সকলের নিকট স্পষ্ট। প্রাক্তন মন্ত্রিমণ্ডলী বাস্তবসম্মত সমাধানের জন্য অকপট চেষ্টা করিয়াছিলেন; যেখানে তাঁহাদের চেষ্টা সফল হয় নাই, সেখানেও তাঁহারা উহার কারণ বাংলার জনসাধারণ বা ব্যবস্থা পবিষদের নিকট হইতে গোপন রাখেন নাই। বাংলাদেশে এমন অনেক ব্যাপার ঘটিয়াছে, যাহার জন্য মন্ত্রীদের কিছুমাত্র দায়িত্ব ছিল না। একদিকে ভারত-সরকারের সিদ্ধান্ত এবং অন্যদিকে গবর্নমেন্টের হস্তক্ষেপ ও বাধাদানই ঐ জন্য দায়ী। দৃষ্টান্তস্বরূপ, অপসারণনীতি, ভাবতের বাহিরে খাদ্যশস্য রপ্তানি এবং ভারত সরকারের পক্ষ হইতে চাউল-ক্রয়ের বিষয়ে উল্লেখ করা যাক।

তখন সপ্তাহের পর সপ্তাহ, মাসের পর মাস নিদারুণ শঙ্কার মধ্যে অতিবাহিত হইতেছিল। কর্তৃপক্ষ মনে করিলেন, জাপান বন্ধ-জয় শেষ করিয়া বাংলার অভিযান করিবে; শত্রুর অসুবিধা ঘটাইবার জন্য সমুদ্রকূলবর্তী অঞ্চল হইতে নৌকা ও অপসারণ যানবাহন এবং চাউলের অপসারণ একান্তরূপে আবশ্যিক। তখনকার প্রধান মন্ত্রী ফজলুল হক সাহেব পরিকাররূপে বলিয়াছিলেন, গবর্নর ও কতিপয় স্থায়ী কর্মচারী বাধাদানের ঘনোত্তাব লইয়া কাজ করিতেছেন; উহার ফলে মন্ত্রিমণ্ডলীর অবলম্বিত নীতি কার্যে পরিণত করা অসম্ভব।

বে-সামরিক সরবরাহ বিভাগ আজ গর্ব করিতেছেন, ঐ বিভাগে খ্যাতিমান ভারতীয় কর্মচারীরা বহিয়াছেন। প্রাক্তন মন্ত্রিমণ্ডলী যখন এই বিভাগে ভারতীয় কর্মচারী লইবার চেষ্টা করেন, তখন গবর্নর তাঁহার বিশেষ ক্ষমতাবলে উহা পণ্ড করিয়া দেন; বিভাগের কোন গুরুত্বপূর্ণ পদ যুরোপীয় ছাড়া আর কাহাকেও দিতে তিনি রাজি ছিলেন না। ঐসব কর্মচারীদের বিরুদ্ধে ব্যক্তিগতভাবে আমার কিছু বলিবাব নাই। কিন্তু ইহা অনস্বীকার্য, তাঁহারা যে নীতি প্রবর্তন করিয়াছিলেন তাহা একেবারে ব্যর্থ হইয়াছে। সেই কর্মচারীরা এখনও নিজ নিজ পদে অধিষ্ঠিত রহিয়াছেন—কাহারও কাহাবও পদোন্নতিও হইয়াছে; কিন্তু বাংলা দেশে তাঁহারা যে ভয়াবহ অবস্থার সৃষ্টি করিয়াছেন, তাহাব হিসাব খতাইয়া দেখিবে কে? বে-সামরিক সরবরাহ-বিভাগ পরিচালনার জন্ত হাইকোর্ট হইতে একজন জজকে আনা হইল। তিনি দ্রুত স্বস্থানে ফিরিয়া সোয়াস্তির নিখাস ফেলিলেন।

প্রাক্তন মন্ত্রিমণ্ডলী কি কি করিয়াছিলেন এবং কি কি করিতে পারেন নাই, তাহার আলোচনা আজিকার দিনে প্রাসঙ্গিক নয়। গত মার্চ মাসে ব্যবস্থা-পরিষদের অধিবেশনে তাঁহাদের বিরুদ্ধে আক্রমণ চালান হয়; আক্রমণেব প্রধান অস্ত্র ছিল, খাণ্ড-সমস্তার সমাধানে উক্ত মন্ত্রিমণ্ডলীর তথাকথিত অসমর্থতা। বর্তমান মন্ত্রিমণ্ডলী ঐ বিষয়ে কি করিয়াছেন, আমি আজ সেই প্রশ্ন কবিতৈছি। ক্ষমতা-লাভের প্রারম্ভ হইতে ইহারা যে সকল সুযোগ পাইয়াছেন তাহার পূর্ণ সদ্যবহার হইয়াছে কিনা, এবং এই প্রদেশের বৃহত্তর স্বার্থের প্রতি লক্ষ্য রাখিয়া ইহারা কাজ করিয়াছেন কিনা, সেই কথা নিরাসক্ত ভাবে বিচার করিয়া দেখা প্রয়োজন।



সরবরাহ সচিব নূতন পদ পাইবার পর হইতে বিবৃতির পর বিবৃতি দান করিয়াছেন। এই সম্পর্কে আমার দু-একটি কথা আছে। প্রাক্তন মন্ত্রিমণ্ডলী অন্তত একটি বড় কাজ করিয়াছিলেন—বাংলায় যে খাদ্য-দ্রব্যের অভাব বহিয়াছে, একথা তাঁহারা মুক্তকণ্ঠে ঘোষণা করিয়াছিলেন। ভারত-সরকারকে দিয়া তাঁহারা স্বীকার করাইয়াছিলেন, খাদ্যশস্যের স্বল্পতা এই প্রদেশ গুরুতর অবস্থায় সম্মুখীন হইতেছে। ইহা গত মার্চ মাসের কথা। এপ্রিল মাসে সুরাবর্দি সাহেব বে-সামরিক সরবরাহ বিভাগের ভার পাইলেন। মনোদম ভাষায় তিনি বহু বিবৃতি দিয়াছেন। নূতন মন্ত্রিমণ্ডলীর পক্ষ হইতেও অপর বহু বিবৃতি বাহির হইয়াছে। সেইসব বিবৃতি আমি যত্ন কবিয়া পড়িয়াছি।

বাংলাদেশে খাদ্যের স্বল্পতা নাই, চাউলের অভাব নাই;—বর্টন-ব্যবস্থার দোষে, ছোট ছোট মজুতদার, সাধারণ গৃহস্থ এবং কৃষকদের দোষে শোচনীয় অবস্থার সৃষ্টি হইয়াছে—এই কথা বারবার ঘোষণা কবিয়া বাংলায় দুর্ভাগ্য অধিবাসীদিগের সহিত সরবরাহ-সচিব এক বিবৃতি প্রতারণা করিয়াছেন। কেন ইহা করিলেন, ঈশ্বরই জানেন।

সুরাবর্দি সাহেবেব এক বিবৃতিতে বলা হইয়াছে, প্রাক্তন মন্ত্রিমণ্ডলী খাদ্যশস্যের স্বল্পতার উপবেই জোব দিতেন; তাঁহাদের খাদ্যনীতির ইহা দৃষ্টতম অংশ। ইহা ১৭ই মে তারিখের ব্যাপার। সরবরাহ-সচিব বলিলেন, প্রকৃতপক্ষে বাংলার অধিবাসীদের প্রয়োজন মিটাইবার মতো যথেষ্ট খাদ্যশস্য বহিয়াছে। আমাদের প্রতিপক্ষ সদস্যবৃন্দ মন্ত্রিমণ্ডলীকে সমর্থন করিবার জন্য ব্যস্ত হইয়া বসিয়া আছেন। আমাদের অনুরোধ, তাঁহারা যেন এই সম্পর্কে সুরাবর্দি সাহেবেব নিকট কৈফিয়ৎ চান। কোন্ তথ্যের উপর নির্ভর কবিয়া তিনি মন্তব্য করিয়াছিলেন, বাংলার অধিবাসীদিগের

পক্ষে পর্যাপ্ত খাদ্যশস্য আছে ? সুরাবদি সাহেব আরও বলেন, এই সম্পর্কে এক বিস্তৃত হিসাবের অঙ্ক শীঘ্রই প্রকাশ করা হইবে ; তাহাতে সুস্পষ্ট প্রমাণিত হইবে যে খাদ্যের প্রাচুর্য রহিয়াছে। কোথায় সে হিসাব ?

বাংলা গবর্নমেন্টের পক্ষ হইতে বাংলা ও ইংল্যান্ডে নিম্নলিখিতরূপ এক বিবৃতি প্রকাশিত হয় :

আবেদন ও সতর্কবাণী

An Appeal and a Warning

দরিদ্র জনসাধারণকে আর উৎসীড়ন করা চলিবে না।

You must not grind the faces of the poor

সুরাবদি সাহেব কাহাকে সন্ধান করিয়া ইহা বলিতেছেন ? বাংলার লোককে ? না, আয়নার সামনে দাঁড়াইয়া তিনি নিজেকেই সন্ধান করিতেছেন ?

সত্যই কি বাংলাদেশে খাদ্যশস্যের অভাব ঘটিয়াছে ? না, নিশ্চয়ই না।

Is there a real shortage of food in Bengal ? No, most certainly no.

অনিষপত্রের অগ্রিমূল্য এবং লক্ষ লক্ষ লোকের অবর্ণনীয় দুর্গতি সত্ত্বেও সুরাবদি সাহেব বলিলেন, খাদ্যের প্রকৃত অভাব নাই। তিনি বলিতেছেন—

কবে আসল ব্যাপারটা কি ? এ বৎসরের শেষ পর্যন্ত আমাদের অভাব মিটাষ্টবার জন্য যথেষ্ট পরিমাণ খাদ্যশস্য আমাদের ছিল এবং তাহা ছাড়া অন্যান্য দেশ হইতে আজ পর্যন্ত প্রচুর পরিমাণে খাদ্যশস্য আমদানি হইতেছে। আড়তদার, ব্যবসায়ী, অবস্থাপন্ন কৃষক এবং আরো অনেকে জাতকরমত অথবা জনসাধারণকে নির্মমভাবে শোষণ করিবার আশায় প্রচুর খাদ্যশস্য গোপনে জমা করিয়াছেন এবং এখনও করিতেছেন।

বর্তমান মন্ত্রিমণ্ডলী কর্তৃক সরকারি ভাবে যে সকল কার্যক্রম প্রকাশিত হইয়াছে, উপরোক্ত বিবৃতিটি তাহার অন্ততম। খাদ্যদ্রব্যের অভাব নাই; প্রচুর খাদ্যসম্ভার রহিয়াছে, দেশের অধিবাসীরাই নিজেদের দুঃখ-দুর্গতি সৃষ্টির জন্য দায়ী,—ইহাই মোট কথা।

বড় বড় মজুতদার, বড় বড় আড়তদার বা বড় বড় বুনাফাকারীদের মজুত মালের সন্ধান করা হইল না। নিতান্ত সাধারণ গৃহস্থ এবং কৃষকদের বিরুদ্ধে অভিযোগ আনা হইল, তাহারাই নাকি দরিদ্র সাধারণকে উৎপীড়িত করিয়াছে। তাহাদের বিরুদ্ধেই অভিযান চালিত হইল। গবর্নর এবং স্থায়ী সরকারি কর্মচারিবৃন্দের আশীর্ভাঙ্গন বাংলার নব মন্ত্রিমণ্ডলী যেই ইহা ঘোষণা করিলেন, প্রায় সবে সবেই বিলাতে কমন্স-সভাতেও অনুরূপ কথা উচ্চারিত হইল। মিঃ আমেরি বলিলেন, ভারতবর্ষে এবং বাংলার কিছু গোলমাল ঘটিয়াছে বটে, কিন্তু দেশে খাদ্যদ্রব্যের অভাব নাই; লোকে শস্য মজুত করিতেছে এবং বণ্টনের ব্যবস্থা রহিয়াছে; গবর্নমেন্ট সমস্ত ব্যবস্থা অবলম্বন করিতেছেন।

বাংলার মন্ত্রিমণ্ডলী এই যে চিত্র অঙ্কন করিলেন, ব্রিটিশ-গবর্নমেন্টের প্রতিনিধি উহা হাতে লইয়া পার্লামেন্ট হইতে অগতের নিকট ঘোষণা করিতে পারিলেন, পূর্ব-রূপান্তরের প্রান্তবর্তী বাংলার গুরুতর পরিস্থিতির উদ্ভব হইয়াছে—দিল্লি অথবা কলিকাতার গবর্নমেন্ট কর্তৃক কোন ভ্রান্তনীতি অনুসরণের ফলে নয়; অধিবাসীরাই স্বার্থপর—তাহারা বাধা-উৎপাদক মনোভাব অবলম্বন করিয়াছে বলিয়া এই অনর্থ ঘটিয়াছে।

সুরাবর্দি সাহেব ঘোষণা করিলেন, বাংলার প্রচুর খাদ্য রহিয়াছে; তাহার কাজ, এই খাদ্য-সঞ্চয় খুঁজিয়া বাহির করা। এক বক্তৃতার তিনি

ঘোষণা করিলেন, চাউল বাহির করিবার জন্য প্রয়োজন হইলে তিনি নিজের গৃহস্থের তত্ত্বপোষের নিচে প্রবেশ করিবেন। বাক্তিতে, এমন কি দিনের বেলাতেও যদি সুবাবদি সাহেব সত্য সত্যই গৃহস্থের বাড়ি ঢুকিয়া তত্ত্বপোষের নিচে যাইতে আরম্ভ করেন। আমি জানি, অনেক গৃহস্থ পবর স্ত্রিয়া আতঙ্কগ্রস্ত হইয়া পড়িয়াছিলেন। জগদীশ্বর গৃহস্থদেব রক্ষা করুন। যাহাতে লক্ষ লক্ষ দেশবাসীর জীবন বিপন্ন হইয়াছে, সেই সমস্তা লইয়া ইহাব চেয়ে নির্বোধ অচরণ আব কি হইতে পারে ?

সুবাবদি সাহেব আবও একটি কাবণ দেখাইলেন ; বলিলেন, সমস্তাটি মনস্তত্ত্ব-সংক্রান্ত। অস্বাভাবিক মনস্তত্ত্ব সম্পর্কে কবে তিনি পাঠ লইয়া ছিলেন, আমার জানা নাই। তাহা হইলে তাঁহাব জ্ঞান কলিকাতায় না হইয়া রাঁচিতে হওয়া উচিত ছিল।

সমস্তাটি মনস্তত্ত্ব সংক্রান্ত ! অতএব, কি ব্যবস্থা অবলম্বিত হইবে ? লোককে শুধু বলিতে হইবে, ‘আতঙ্কগ্রস্ত হইও না। আমি সবববাহ বিভাগে সচিব হইয়া বসিয়াছি। তোমাদের বলিতেছি, প্রচুব খাদ্যশস্ত রহিয়াছে। আমাদের কাছে হিসাবের অঙ্ক আছে—তাহা আমরা প্রকাশ করিতে ইচ্ছা করি না। সব ঠিক হইয়া যাইবে। ভয় পাইও না।’ গবর্নমেন্টের মুখপাত্র হিসাবে হয়তো তিনি জনসাধারণকে আশ্বাস-দানের চেষ্টা প্রয়োজনীয় মনে করিয়াছিলেন ; কিন্তু রাইটার্স-বিন্ডিং হইতে কেবল এইরূপ যাদুদণ্ড নাড়িয়াই কি তিনি সাফল্যলাভ কবিতে চান ?

বিভিন্ন দলের নিকট পরামর্শ-গ্রহণের প্রয়োজন হইল না ; তিনি কেবল মনস্তত্ত্বের কথা ও শিথিলভাবে সহযোগিতার কথা বলিতে লাগিলেন। জনমত্তের সমর্থন চাহিলেন না ; অকপটভাবে সকলের সহযোগিতা কামনা করিলেন না। দলগত নীতির প্রভাব

তিনি অতিক্রম করিতে পারিলেন না। ১৭ই মে তারিখে বিভিন্ন দলের নেতৃবর্গকে আহ্বান করা হইল। সকলেই (মন্ত্রিমণ্ডলীর প্রশংসায় মুখর যুরোপীয় দল পর্যন্ত) দাবি করিলেন, কোন মত প্রকাশ করিবার পূর্বে গবর্নমেন্টের সমগ্র কার্যক্রম নেতৃবৃন্দের নিকট উপস্থিত করিতে হইবে। সরববাহ-মন্ত্রী ও প্রধান-মন্ত্রী প্রতিশ্রুতি দিলেন, যে পরিকল্পনার কথা গবর্নমেন্ট চিন্তা করিতেছেন তাহার অনুলিপি বিভিন্ন দলের নেতৃবৃন্দকে দেওয়া হইবে। অতঃপর দিনের পর দিন, সপ্তাহের পর সপ্তাহ অতিক্রান্ত হইল। নিতান্ত আনাড়ি ও অক্ষম লোকের দ্বারা পবিচালিত খাণ্ড-অভিযান কার্যত আবৃত্ত হইবার মাত্র কয়েকদিন পূর্বে অক্ষয়্যে বিভিন্ন দলের নেতৃবর্গকে পরিষদ-গৃহে ডাকা হইল। ইতিমধ্যে আমাদিগকে কয়েকটি মফস্বল শহরে যাইতে হইল; সেখানে অল্প লোকে সবকারি পবিকল্পনার অনুলিপি আমাদের হাতে দিল। উহা তাহাদিগকে দেওয়া হইয়াছিল। ৮ই অথবা ৯ই জুন হইতে ঐ পরিকল্পনা অনুযায়ী কাজ হইবে, এই উপদেশ সহ উহা সমগ্র প্রদেশে বিলি করা হইয়াছিল। খাণ্ড-অভিযান যখন আরম্ভ হইবার কথা, তাহারই মাত্র কয়েকদিন পূর্বে বিভিন্ন দলের নেতৃবর্গ ও মন্ত্রীদের মধ্যে আলোচনার এই অভিনয় অনুষ্ঠিত হয়।

এই অভিযান-পবিকল্পনার বিস্তৃত বিবরণ দিয়া পরিষদকে বিপন্ন করিতে চাহি না। দেশেব মধ্যে এমন কেহ নাই, যজুত খাণ্ডশস্ত্রের হিসাব-গ্রহণে যে আপত্তি করিতে পারে। প্রকৃতপক্ষে অনেক পূর্বেই এই হিসাব লওয়া উচিত ছিল। প্রাক্তন মন্ত্রিমণ্ডলীও এইরূপ সিদ্ধান্ত গ্রহণ করিয়াছিলেন। গবর্নর সে সিদ্ধান্ত বাতিল করেন। তিনি বলেন, উহাব প্রয়োজন নাই; বাংলার সমুদ্রকূলবর্তী অঞ্চল হইতে মৌকা ও চাউল অপসারণ সম্পর্কে অধিকতর প্রয়োজনীয় কার্য রহিয়াছে। অন্তথা

আপানিরা আসিরা পড়িলে তাহারা ঐ সকল সম্পদের সুবিধা পাইবে।

শুধুই যদি হিসাব-গ্রহণের ব্যাপার হইত, তাহাতে আপত্তির কারণ থাকিত না। কিন্তু যে পরিকল্পনা হইয়াছিল, হিসাব-গ্রহণ অপেক্ষা তাহার ব্যাপকতা অনেক অধিক। বাংলার এক দূর্বর্তী অঞ্চল হইতে আজ সকালেই আমি একখানি বাংলা প্রচার-পত্র পাইয়াছি। যে পরিকল্পনার অল্প সুরাবর্দি সাহেব মৌলিকতার দাবি করেন, এই প্রচারপত্রই তাহার ভিত্তি। নূতন মন্ত্রিমণ্ডলী অধিষ্ঠিত হইবার পূর্বে পল্লীউন্নয়ন বিভাগ হইতে মিঃ ইস্‌হাকের স্বাক্ষরিত এক সাকুলার প্রকাশিত হয়। দিনের পর দিন চিন্তা করিয়া মন্ত্রিমণ্ডলী বাংলার অধিবাসীদের উপকারার্থে যে পরিকল্পনা আবিষ্কার করিয়াছেন— দেখা গেল, এই সাকুলার হইতেই তাহার উৎপত্তি। কেবল একটি ব্যাপারে সুরাবর্দি সাহেবের বৈশিষ্ট্য আছে। তিনি নির্দেশ দিয়াছেন, উৎকৃষ্ট শস্তের হিসাব করিবার সময় দরিদ্র-পরিবারে চারি বৎসরের নিম্নবয়স্ক বালক-বালিকাদের বাদ দিতে হইবে; তাহারা ভাত খায় না, ধরিয়া লইতে হইবে। সুরাবর্দি সাহেব এই সহজ কথাটিও কি জানেন না যে, 'হরলিকস্ মিক্' অথবা ধনিগৃহের অল্প কোন শিশুভোগ্য খাদ্য পরিবেশের ছেলেরা খাইতে পার না? পল্লীউন্নয়ন বিভাগের ডিরেক্টর মিঃ ইস্‌হাক কিন্তু চারি বৎসরের মূ্যন বয়স্ক ছেলেমেয়েদের হিসাবে ধরিয়াছিলেন। সুরাবর্দি সাহেবের পরিকল্পনার শিশুদের কার্যত অনশনে রাখিবার ব্যবস্থা হইয়াছিল।

খাদ্য-অভিযানের ফল কি হইয়াছে? গোড়া হইতেই আমরা বলিয়াছিলাম, অতি-মূল্যবান সময়ের গর্হিত অপব্যয় ছাড়া এই অভিযানে কোন লাভ হইবে না। ভারতরক্ষা-বিধি অনুসারে এক আদেশ জারি

করা হইল, স্বরাষ্ট্র-বিভাগের মিকট পরীক্ষার জন্ত পেশ না করিয়া কোন সংবাদপত্র খাণ্ড-অভিধান সম্পর্কে সম্পাদকীয় মন্তব্য প্রকাশ করিতে পারিবে না। যিঃ সিদ্দিকিব ভাষায় 'বাংলার স্বাধীনতাকে বাধা-যুক্ত করিতেছেন'—ইহাই তাঁহাদের কতৃৎসেবনমুনা। বাংলা পরিকল্পনার মূলগত ত্রুটি ধরাইয়া দিতে চাহে, অথবা তাহার আলোচনা করিতে চাহে, এইভাবে তাহাদের মুখ বন্ধ করা হইল। সম্মিলনে আমরা গবর্ন-মেন্ট-কর্মচারীদের এবং সুরাবদি সাহেবকে জিজ্ঞাসা করিয়াছিলাম, যন্ত্রি-মণ্ডলী কার্যত কি করিতে চাহেন? যাহা লইয়া এত হৈ-চৈ হইয়াছে, সেই পরিকল্পনাটি প্রকৃতপক্ষে কি? ঘাটতি পূরণ করা হইবে, এমন কোন প্রতিশ্রুতি পরিকল্পনার মধ্যে ছিল না। একস্থানে যন্ত্রিমণ্ডলী বলিয়াছেন, গ্রামগুলিকে তাঁহারা স্বাবলম্বী করিতে চাহেন—স্থানিক স্বাবলম্বন-প্রতিষ্ঠাই তাঁহাদের উদ্দেশ্য; স্থানীয় প্রয়োজন পূরণ হইবার পূর্বে কোনও স্থান হইতে তাঁহারা উন্নত চাউল অপসারণ করিতে চাহেন না। কিন্তু সঙ্গে সঙ্গেই দেখিতে পাইলাম, ধনী ব্যবসায়ী ও মুনাফাকারীদের বাংলার সর্বত্র অবাধে কাজ চালাইয়া যাইতে সম্মতি দেওয়া হইতেছে। শকুনিব মতো এই সকল ব্যবসায়ী ও মুনাফাকারী বিচরণ করিতে লাগিল। ভাবতরক্ষা-বিধি প্রযুক্ত হইবে, বলপূর্বক চাউল আটক করা হইবে—এইরূপ নানা আশঙ্কায় আতঙ্কিত লোকেরা যে চাউল বাহির করিল, ইহারা অত্যধিক মূল্যে তাহা কিনিয়া কলিকাতা অঞ্চলে সরাইয়া দিল। ফলে পল্লী-অঞ্চলে যে চাউল পাওয়া যাইতেছিল বা পাওয়া যাইতে পারিত তাহা অপসারিত হইল; সমগ্র পল্লী-অঞ্চল এইরূপে চাউল-শূন্য হইয়া গেল। কাগজপত্রে ছাড়া ঘাটতি পূরণের কোন চেষ্টাই হয় নাই। সুরাবদি সাহেব বিরক্তিতে বলেন, খাণ্ড-অভিধানের ফলে মূল্য অনেক কমিয়া গিয়াছে। এই ধরণের তিনটি

বিবৃতি প্রকাশিত হইয়াছিল। কিন্তু যখন চাউল অস্তর্হিত হইতে আরম্ভ হইল এবং কিপ্রবেগে মূল্য বাড়িতে লাগিল, তখন সকল বিবৃতির অবমান ঘটিল। বিগত এক পক্ষকাল মূল্য সম্পর্কে নীরব থাকিয়া সুরাবর্দি সাহেব বুদ্ধিমত্তার পরিচয় দিয়াছেন। এখনও বাংলার সকল অঞ্চল হইতে আমার কাছে সংবাদ আসে নাই। কিন্তু যথোচিত দাযিত্ব সহকারে আমি বলিতেছি, ১৯৪৩ অক্টোবর ২৫শে জুনের কাছাকাছি সময়ে চাউলের যে মূল্য ছিল, আটটি জেলায় তাহা হইতে মন প্রতি ৩ হইতে ৫ বর্ধিত হইয়াছে। শিলিগুড়িতে ৪।০ ; রংপুরে ৪.৫ ; মাণিকগঞ্জে ৪.৫ ; ময়মনসিং-এ ৪.৫ ; নেত্রকোণায় ৬.৫ ; যশোহরে ৫।০ ; খুলনায় ৫.৫ ; সাতক্ষীরায় ৫.৫ বাড়িয়াছে। অন্যান্য স্থানেও অবস্থাও প্রায় এই প্রকার। খাল-অভিযান হইতেই আমাদের এই লাভ হইয়াছে।

কলিকাতা এবং হাওড়াকে এই অভিযান হইতে কেন বাদ দেওয়া হইল? মন্ত্রিমণ্ডলী যদি অকপট ইচ্ছা লইয়া আন্তর্নিকতার সহিত কাজে নামিতেন, তাহা হইলে কলিকাতা ও হাওড়াতেই প্রথম কাজ শুরু হইত। ইম্পাহানি-কোম্পানি ও অন্যান্য ধনী মুনাকাদারদের মজুত মালের হিসাব কি কারণে লওয়া হইল না? সরবরাহ-সচিবই বলিয়াছেন, এই প্রদেশের দুবিদ্র অধিবাসীদের জন্য ইম্পাহানি-কোম্পানি চল্লিশ লক্ষ টাকা মুনাকা ত্যাগ করিয়াছেন। এই প্রকার আরও অনেক যুরোপীয় ও ভারতীয় ব্যবসায়ী-প্রতিষ্ঠান থাকিতে পারে। অভিযানের সময় কেন ইহারা বাদ থাকিয়া গেল?

কারণ ঐ সমস্ত ব্যবসায়ী-প্রতিষ্ঠানকে স্পর্শ করা সহজসাধ্য নয়। এমন সব স্থান রহিয়াছে, যাহার কাছে বৈসিতে দোর্দণ্ডপ্রতাপ সুরাবর্দি সাহেবের সাহসে কুলায় না। মন্ত্রিমণ্ডলীকে অস্তিত্ব বজায় রাখিবার জন্য ইহাদের উপরই নির্ভর করিতে হইতেছে। তাই অভিযান



প্রধানত দরিদ্র গৃহস্থ এবং কৃষকদিগের বিকল্পে চলিল। এখন অবশ্য কলিকাতায় হিসাব-গ্রহণ কবিত্তে বলা একেবাবে নিরর্থক। সুরাবদি সাহেবেরই একজন সমর্থক এক প্রচারপত্রে বলিয়াছেন কলিকাতায় এখন যদি খাণ্ড-অভিযান চালান হয়, তাহাতে সত্যের সঙ্কান পাওয়া যাইবে না। চাউল ইতিমধ্যেই এখান হইতে অন্তত্ব অপমৃত্ত হইয়া যাইবে।

খাণ্ডশস্ত্রের ঘাটতি সম্পর্কে সুরাবদি সাহেব আমাদিগকে কোন ধরন জানান নাই। তিনি বলিতেছেন, তথ্য-সংগ্রহ এখনও সম্পূর্ণ হয় নাই। এই তথ্য কখনও প্রকাশিত হইবে না। কাবণ তাহাতে প্রতি অঞ্চলেই বিপুল ঘাটতির বিবরণ প্রকাশ পাইবে। তিনি বলিয়াছেন, যতদূর সংবাদ পাওয়া গিয়াছে, ষাট-সত্তর লক্ষ মন উদ্ভূত চাউল হস্তগত হইয়াছে। এই হিসাব আদৌ নির্ভরযোগ্য নহে, কারণ ইহাতে ঘাটতির কথা ধরা হয় নাই। কিছু ইহা সত্ত্বেও তিনি যে পরিমাণে উল্লেখ কবিয়াছেন, উহাতে ভুল নাই তো ? আশা করি সুরাবদি সাহেব উক্ত প্রদান কালে তাঁহার বিরতিটা আবার যাচাই কবিয়া দেখিবেন। কয়েক দিন পূর্বে কলিকাতায় এক সংবাদপত্রে বলা হইয়াছে যে, উদ্ভূত মালের পরিমাণ আট নয় লক্ষ মন হইবে ; ষাট সত্তর নয়।

ষাট-সত্তর লক্ষ এবং আট-নয় লক্ষের মধ্যে বিস্তর পার্থক্য। কিছু যদি সত্তর লক্ষও হয় তাহা হইলে মিঃ ডেভিড হেনড্রি যেরূপ বলিয়াছেন—ইহা বাংলার অধিবাসীদিগের মাত্র পনের দিনের খাবার। তাহাও যদি কোন অঞ্চলে কিছুমাত্র ঘাটতি না থাকে। ইহার পরে কি হইবে ? সুরাবদি সাহেবকে আমি এই পরবর্তী অবস্থার কথা জিজ্ঞাসা করিতেছি। এই কার্যক্রম গ্রহণ কবিবার পূর্বে আমরা তাঁহাকে সতর্ক করিয়া দিয়াছিলাম, খাণ্ড-অভিযানে মানুষের প্রয়োজনের

অনুরূপ মজুত মাল কখনই বাহির হইবে না। আমরা বলিয়াছিলাম, ‘আপনাদের নিজেদের দায়িত্ব এড়াইয়া সমগ্র দায়িত্ব জনসাধারণের উপর আরোপ করিতেছেন। এই বিষয়ে ব্যর্থ হইলে তাহার পবে আপনারা কি করিবেন?’ তিনি বলেন, ‘তাহা আমি জানি না।’

[ মিঃ সুরাবদি বলিলেন, তিনি একথা বলেন নাই। ]

আপনি নিশ্চয় বলিয়াছেন, ‘আমি জানি না।’ আপনি যদি তাহা প্রত্যাহার করিতে ইচ্ছা করেন, করিতে পারেন।

[ মিঃ সুরাবদি বলিলেন, পবে কি করা যাইবে তাহা তিনি জানেন না—এই কথাই বলিয়াছিলেন। ]

তিনি স্বীকার করিতেছেন, পরে কি করা যাইবে তাহা তিনি জানিতেন না। অভিযান ব্যর্থ হইলে পরে কোন্ ব্যবস্থা অবলম্বন করিবেন, সে সম্পর্কে কোন কিছু ঠিক না করিয়াই কোন দায়িত্বশীল মন্ত্রীর পক্ষে কি এইরূপ কার্যক্রম গ্রহণ করা উচিত হইয়াছিল? এই প্রকারেই কি তিনি তাঁহার দায়িত্ব পালন করিয়া থাকেন?

[ মিঃ সুরাবদিকে অস্পষ্ট ভাবে কিছু বলিতে শোনা গেল। ]

ওরূপ ভাবে কিছু বলিয়া লাভ হইবে না। যদি সুরাবদি সাহেব বলেন যে খাদ্য-অভিযান -ব্যর্থ হইলে পরে কি পস্থা গ্রহণ করা হইবে তাহা তিনি জানতেন না, তাহা হইলে আমি বলিব তিনি দায়িত্ব এড়াইয়া গিয়াছেন; স্বীয় পদে অধিষ্ঠিত থাকিবার যোগ্যতা তাঁহার নাই।

মন্ত্রিসভার গঠনমূলক কার্যাবলী অর্থাৎ উত্তর-পূর্ব ভারতে বিস্তীর্ণ অস্বাধ-বাণিজ্যমণ্ডলের কথা এবার কিছু বলিব। সুরাবদি সাহেব ইহাকে প্রকাশে বিজয় বলিয়া অভিহিত করিয়াছেন। শুর নাঙ্গিয়উদ্দিন

আরও ফলাফল করিয়া বলিয়াছিলেন, 'আমরা পূর্ব-ভারতে অবাধ-বাণিজ্যের অধিকার পাইয়াছি।' বাংলার এক কণিকা চাউল আনয়ন না করিয়াই অথবা জনসাধারণের বিন্দুমাত্র উপকার না করিয়াই আজ সেই অবাধ-বাণিজ্য অস্তিত্ব হইতে চলিয়াছে। অবশ্য এই সুযোগে সুরাবর্দি সাহেব রহস্যময় সত্রে ইম্পাহানি সাহেবকে বাংলা গবর্ন-মেন্টের পক্ষ হইতে একমাত্র ক্রেতা নিযুক্ত করিতে পারিয়াছেন। আমি বলিতে চাই, স্থির সিদ্ধান্তের অভাব, ব্যস্ততা এবং বিশেষ বিশেষ ব্যক্তি ও ব্যবসায়ী-প্রতিষ্ঠানকে সুবিধা-দান করিবার আশ্রয়ে মন্ত্রিমণ্ডলী অবাধ-বাণিজ্য পবিকল্পনার সুযোগ গ্রহণ করিতে পারেন নাই; গোড়া হইতেই গোলযোগ ঘটাইয়াছেন। বাংলাদেশকে সেবা করিবার এক বিবর্ত সুযোগ তাঁহারা এইভাবে হারাইয়াছেন।

বিহার এবং উড়িষ্যা সম্পর্কে সুরাবর্দি সাহেব কি করিয়াছেন? পরিষদ-গৃহে যেজাজ হারাইয়া লাভ নাই; তাঁহাকে উত্তর দিতেই হইবে। আমি তথ্য প্রদান করিয়াছি, তাঁহাকেও তথ্যপূর্ণ উত্তর দিতে হইবে। সুরাবর্দি সাহেব কেন বিহার ও উড়িষ্যা-গবর্নমেন্টের সহিত আলোচনা করেন নাই? ধনী ব্যবসায়ী এবং অপরাপর বেসরকারি লোককে তিনি চাউল কিনিবার অধিক স্বাধীনতা দিয়া পাঠাইয়াছিলেন। কল কি হইয়াছে? চাউলের মূল্য সেখানে ৬৮ এবং ১০৮ টাকা হইতে ১৫৮ ও ১৮৮ টাকার মধ্যে ছিল। যে কোনও দামে চাউল কিনিবার জন্য প্রচুর টাকা লইয়া বাংলা হইতে লোক চলিয়া গেল; হুভিক্ষ সঙ্গে সঙ্গে দাবানলের ঝার বাংলা হইতে উড়িষ্যা এবং বিহারে ছড়াইয়া পড়িল। বাংলার মন্ত্রিমণ্ডলী ও উড়িষ্যার মন্ত্রিমণ্ডলীর ব্যবহারে অবশ্য পার্থক্য আছে। উড়িষ্যার মন্ত্রী সাহসিকতার সহিত ভয়াবহ অবস্থা স্বীকার করিয়াছেন; বলিয়াছেন, হুভিক্ষের জন্য মাত্র একটি জেলা বাগেলখব

হইতেই এক পক্ষ কালের মধ্যে সত্তর জন লোকের অনশনে মৃত্যু হইয়াছে। কিন্তু বাংলার সংবাদ গোপন করিয়া অবিরত সরকারি দায়িত্ব এড়ানো হইতেছে। এইভাবেই আমরা প্রতিবেশী প্রদেশগুলির মহাত্মভূতি এবং সহযোগিতা হারাইয়াছি।

বিহার ও উড়িষ্যা অঞ্চলে ব্যবসায়ীদের বাধামুক্তভাবে ছাড়িয়া দেওয়া হইল। সস্তাদবে চাউল কিনিয়া লাভবান হওয়াই তাহাদের মতলব। উড়িষ্যা-গবর্নমেন্ট ইহাতে বাধা দিলেন; বিহার-গবর্নমেন্টও সেই পন্থা অনুসরণ করিলেন। সুরাবদি সাহেব পরে তাহাদের সহিত আলোচনা চালাইবার চেষ্টা করিয়াছিলেন। কিন্তু আমি বলিতে চাই, সর্বপ্রথমেই এই আলোচনা করা বাংলার মন্ত্রিমণ্ডলীর একান্ত কবণীয় ছিল। কি কারণে সুরাবদি সাহেব তখন উড়িষ্যা ও বিহারে যাইতে বিধা করিয়াছিলেন? পাকিস্তানের সমর্থক হিসাবে তিনি ভবিষ্যৎ হিন্দুস্থানের অংশ বিহার ও উড়িষ্যার নিকট অন্তর্গ্রহ চাহিতে যাওয়া পছন্দ করেন নাই— কারণ কি ইহাই? হাব রে, পাকিস্তানের অর্থনীতিক ভিত্তি যে ধ্বসিয়া পড়িতেছে! পাকিস্তানের ভবিষ্যৎ দুর্গ বাংলাকেই পার্শ্ববর্তী হিন্দু প্রদেশসমূহের বদান্ধতান উপর নির্ভর করিয়া বাঁচিতে হইবে। সুরাবদি সাহেবকে সাহায্যের জন্য কেন্দ্রীয় সরকারের নিকট আবেদন করিতে হইবে। কেন্দ্রীয় সরকার ছাড়া বাংলা ও ভারতবর্ষের সমস্তাব মীমাংসা শেষ পর্যন্ত কিছুতে সম্ভব হইবে না।

আমি প্রশ্ন করিতেছি, কি কারণে সুরাবদি সাহেব বিহার-সরকার এবং উড়িষ্যার মন্ত্রিমণ্ডলীর কাছে গিয়া পূর্বে আপোষ-মীমাংসার চেষ্টা করেন নাই? কেন তিনি বলেন নাই, আমরা অনশনে আছি, আপনারা কি পাঁচ দশ লক্ষ মন করিয়া চাউল বাংলাকে দিতে পারেন না? ব্যবসায়ী এবং দালালেরা যথেষ্ট আচরণে মূল্য বিপর্যস্ত করিয়াছে;

ইহার সুযোগ না দিয়া বাংলা বিহার এবং উড়িষ্যার গবর্নমেন্ট একত্র বসিয়া মূল্য সম্পর্কে স্বচ্ছন্দে একটা মীমাংসা করিয়া লইতে পারিতেন। মন্ত্রিমণ্ডলী এই প্রণালীতে সমস্ত-সমাধানের চেষ্টা করিতে পারিতেন, কিন্তু তাঁহারা তাহা করেন নাই।

ইম্পাহানি-কোম্পানিকে বাংলা-গবর্নমেন্টের পক্ষ হইতে একমাত্র ক্রেতা নিযুক্ত করিবার সম্পর্কে এইবার আমি আলোচনা করিষ। প্রথমেই বলিয়া রাখি, ইম্পাহানি সাহেবের বিরুদ্ধে ব্যক্তিগত ভাবে আমার কিছু বলিবার নাই। এই প্রতিষ্ঠানের অধ্যক্ষ অংশীদারদের আমি চিনি না বলিলেই চলে। বস্তুত ইহা ব্যক্তিগত প্রশ্ন নয়, নীতিগত প্রশ্ন। মন্ত্রিমণ্ডলীর পক্ষে ইহা কলঙ্কের কথা যে তাঁহারা একটি বিশেষ ব্যবসায়ী-প্রতিষ্ঠানকে সোল-এজেন্ট নিযুক্ত করিয়াছেন, এবং দলিল স্বরূপ একটুকু কাগজ না লইয়াও তাঁহাদিগকে প্রায় দুই কোটি টাকা অগ্রিম দিয়াছেন। বাংলা গবর্নমেন্ট এবং ইম্পাহানি কোম্পানির মধ্যে চুক্তিসম্পর্কিত একটি দলিলও কি সুরাবাদ সাহেব দেখাইতে পারেন? এ বিষয়ে বঙ্গীয় ব্যবস্থা পরিষদের নির্দেশ লওয়া হইয়াছিল কি? ব্যবস্থা পরিষদের সদস্য হিসাবে আমরা এখানে বসিয়া বাংলাদেশের ভাগ্য নির্ণয়ের চেষ্টা করিতেছি। বাজেট কোন প্রকারে জোড়াতালি দিয়া উপস্থাপিত করিবার চেষ্টা হইয়াছিল। সে বাজেট বিবেচিত হয় নাই সত্য, কিন্তু বিবেচনার জন্য গত সপ্তাহে পেশ করা হইয়াছিল। ইম্পাহানি-কোম্পানিকে যে উপযুক্ত ক্ষমতা ব্যতীত দুই কোটি টাকা বা ততোধিক অগ্রিম দেওয়া হইয়াছে ঐ বাজেটে তাহার উল্লেখমাত্র ছিল না। সাধাবণ তহবিল হইতে অননুমোদিত ও একেবারে বে-আইনি ভাবে উহা ব্যয় করা হইয়াছে।

আমি অভিযোগ করিতেছি, বাংলা-গবর্নমেন্ট ও ইম্পাহানি-

কোম্পানির মধ্যে আজ পর্যন্ত কোন সত' চূড়ান্ত ভাবে স্থিরীকৃত হয় নাই। মন্ত্রিসভার যদি সাহস থাকে, তাঁহারা ইহার প্রতিবাদ করুন। এ বিষয়ে কোন টেওয়ার আহ্বান করা হয় নাই। ইহাদের সহিত যে সকল সত' হইয়াছে, অল্প কাহাকেও সে সত' কাজ কবিস্বার সুযোগ দেওয়া হয় নাই। বাংলা-গবর্নমেন্ট যে জামিনের দাবি করেন, ইম্পাহানি তাহা দিতে অস্বীকার করেন। এই বিপজ্জনক পরিস্থিতির মধ্যে এত টাকা একটি ব্যবসায়ী-প্রতিষ্ঠানকে দেওয়া হইল, যাহার একজন অংশীদার মিঃ সুরাবদির দলের প্রধান সমর্থক। ইহার চেয়ে গুরুতর কলঙ্কের বিষয় আর কি হইতে পারে? লক্ষ লক্ষ হতভাগ্য বঙ্গসন্তানের সেবাই নাকি ইহাব একমাত্র উদ্দেশ্য! জিজ্ঞাসা করি, তাহাব জন্ত এই অসাধারণ পছা কেন অবলম্বন করা হইল? কেন টেওয়ার আহ্বান করা হয় নাই? সুরাবদি সাহেব বলিতেছেন, চেম্বার অব কমার্শ'গুলির পরামর্শ গ্রহণ করা হইয়াছিল। পরিষদ-গৃহে এমন নিলঙ্ক মিথ্যা আর কখনও উচ্চারিত হয় নাই। বেঙ্গল স্লামনাল চেম্বার অব কমার্শের পক্ষ হইতে বলা হইয়াছে, তাঁহাদের কোন পরামর্শ গ্রহণ করা হয় নাই। গতকল্য মাড়োয়ারি চেম্বার অব কমার্শের প্রতিনিধি বলেন, তাঁহাদের সহিত পরামর্শ হয় নাই। ইণ্ডিয়ান চেম্বার অব কমার্শ আমাকে বলিস্বার ক্ষমতা দিয়াছেন যে, তাঁহাদের সহিতও কোনপ্রকার পরামর্শ হয় নাই। বাংলার জনসাধারণকে এবং ব্যবসায়ী পরিষদকে প্ররোচিত কবিস্বার জন্ত কেন এই চেষ্টা? ইম্পাহানি-কোম্পানি চল্লিশ লক্ষ টাকা মুনাফা ছাড়িয়াছেন, এইরূপ বলা হইয়াছে। ইহার দ্বারা কি বুঝাইবার চেষ্টা হইতেছে, তাহা আমি জানি না। সম্ভবত সুরাবদি সাহেব তাহা ভাল করিয়া বলিতে পারিবেন। আমার অসুস্থান, ব্যাপারটা নিরলিখিত-রূপ ঘটিয়াছে। অবশ্য আমার

প্রদত্ত এই অঙ্কগুলি সম্পূর্ণ আনুমানিক। ধরা যাক, ইম্পাহানি-কোম্পানির নিকট পাঁচ লক্ষ মন চাউল আছে। কমিকাতার বাজার দরে তাহা প্রতি মন ৩০ টাকা হিসাবে বিক্রয় করা বাইতে পারে। ইম্পাহানি কোম্পানি হয়তো এই সময় বলিলেন, “আমরা আপনাদের নিকট এই চাউল প্রতি মন ২২ টাকা হিসাবে বিক্রয় করিব।” ইহার অর্থ এই দাঁড়ায়, প্রতি মনে ইম্পাহানি কোম্পানি ৮ টাকা মুনাফা ছাড়িয়া দিয়াছেন; চাউলের পরিমাণ পাঁচ লক্ষ মন হইলে মুনাফা হইতে মোটের উপর চল্লিশ লক্ষ টাকা ছাড়িয়া দেওয়া হইল। কিন্তু প্রশ্ন হইতেছে, কি মূল্যে ইম্পাহানি-কোম্পানি ঐ চাউল কিনিয়া ছিলেন? দশ টাকা, বারো টাকা, পনের টাকা,—কি মূল্যে? এই সম্পর্কে কোন তদন্ত হওয়া কি প্রয়োজনীয় নয়?

কোন নীতি অনুসারে বাংলা-গবর্নমেন্ট তাঁহাদের অসুগৃহীত মুনাফাকারীদের আশ্রয় দিতেছেন? বাংলার অধিবাসীদের অনন্ত দুঃখ-দুর্দশার ডুবাইয়া কেবল এই সকল ব্যক্তিকে কাঁপিতে দিয়াছেন? মন্ত্রিমণ্ডলীর সমর্থক যে মুসলমান সদস্যগণ বসিয়া আছেন তাঁহাদের নিকট আমার নিবেদন, তাঁহারা যেন ব্যাপারটিকে দলগত প্রশ্ন হিসাবে না দেখিয়া নিরাসক্তভাবে সমগ্র পরিস্থিতির কথা বিচার করেন। ইহা মুসলীম লীগ, কংগ্রেস অথবা কোন দল-বিশেষের প্রশ্ন নহে।

পূর্বতন মন্ত্রিমণ্ডলীর কার্যকালেও ইম্পাহানি-কোম্পানির সহিত এক বেনামি চুক্তি সম্পাদিত হয়। কিন্তু জানা গিয়াছে, গবর্নরের আদেশ অনুসারে জয়েন্ট-সেক্রেটারি উহা সম্পাদন করিয়াছিলেন। এই পরিষদ-গৃহেই ফজলুল হক সাহেব এই বিষয়ের উল্লেখ করিয়াছেন; তাঁহার উক্তির এখন পর্যন্ত কোন প্রতিবাদ হয় নাই।

ইম্পাহানি-কোম্পানি যখন গবর্নমেন্টের এজেন্ট রূপে কাজ করিবেন

তঁাহারা নিজেদের হিসাবে চাউল কিনিবেন না, এইরূপ কথা হয়। কিন্তু ইম্পাহানি কোম্পানি এই সর্তে রাজি হন নাই। তঁাহারা প্রস্তাব করিয়াছেন, বেসামরিক সরবরাহ বিভাগের ডিরেক্টরের অনুমতিক্রমে নিজেদের হিসাবেই তঁাহাদিগকে চাউল কিনিবার অনুমতি দিতে হইবে। এই সকল গুরুত্বপূর্ণ সর্ত সত্বে এখনো কিছু ঠিকঠাক হয় নাই; অথচ ইতিমধ্যেই মুসলীম-লীগ দলের অনুগৃহীত এই সদস্যের হাতে সরকারি তহবিল হইতে কোটি কোটি টাকা দেওয়া হইতেছে। ইহাব তুলনায় অনেক সামান্য অভিযোগে মিঃ হেনড্রি এবং তঁাহার দল ক্ষিপ্ত হইয়া প্রাক্তন মন্ত্রিমণ্ডলীকে সমর্থন করিতে বিরত হন। প্রাক্তন মন্ত্রিমণ্ডলীর বিরুদ্ধে এই ধরনের কোনো অভিযোগ উত্থাপিত হয় নাই। মিঃ হেনড্রি এবং তঁাহার দল এখন কি কবিবেন? ঐ ওখানে তঁাহারা শান্ত মেঘশাবকের ছায় বসিয়া আছেন। মিঃ হেনড্রি মন্ত্রিমণ্ডলীকে সার্টিফিকেট দিয়াছেন এবং মন্ত্রিমণ্ডলীর নিকট হইতেও আবার পালটা সার্টিফিকেট প্রত্যাশা করিয়াছেন। ‘আমি তোমার পিঠ চুলকাইয়া দিতেছি, তুমিও আমার পিঠ চুলকাইয়া দাও’—ব্যাপারটা এই রকম আর কি!

[ সরকার-পক্ষ হইতে একজন বলিলেন, ‘ইহারা আপনাদেরও পিঠ চুলকাইয়াছিলেন।’ ]

ইহারা আমাদের পিঠ চুলকাইবার চেষ্টা করিয়াছিলেন, সত্য কথা। কিন্তু পরে দেখিলেন, ব্যাপারটি তঁাহারা ষেরূপ প্রত্যাশা করেন, তাহা হইতে সম্পূর্ণ স্বতন্ত্র; আমরা তঁাহাদের ধুনি করিতে আদৌ প্রস্তুত নহি। তখন গত মার্চ মাসে যুরোপীয় দল বিরোধী দলে যোগদান করেন।

মিঃ ম্যাকইন্স কেন পদত্যাগ করেন, মিঃ সুরাবর্দীব নিকট



হইতে পরিষদ সে কথা জানিতে চাহেন। মিঃ ম্যাকইন্স বিরক্ত হইয়া পদত্যাগ করেন, ইহা কি সত্য নয় ?

বর্তমান মন্ত্রিমণ্ডলী যেভাবে সরববাহ-বিভাগেব কাজ চালাইতে-  
ছিলেন তাহাতে অতি মাত্রায় অসন্তুষ্ট হইয়াই মিঃ ম্যাকইন্স চলিয়া  
যান। তিনি কি বলেন নাই,—ঘনিষ্ঠভাবে সম্পর্কিত কোন বিশেষ  
ব্যবসায়ী-প্রতিষ্ঠানের স্বার্থের প্রতি লক্ষ্য রাখিয়াই যদি বিভাগের  
কাজ কর্ম নিয়ন্ত্রিত হয়, তাহা হইলে এই রকম লোক-দেখানো  
মানসভাভাবে কাজ না কবিয়া প্রত্যক্ষভাবে ঐ ব্যবসায়ী-প্রতিষ্ঠানের  
সহিত গবর্নমেন্টের কাজ চালানো উচিত ? এই বিষয়ে আমি মাত্র  
আর একটি কথা বলিব—

[ সিদ্দিকি সাহেব অস্পষ্ট ভাবে কি বলিলেন। ]

সিদ্দিকি সাহেব আমাকে বাধা দিতেছেন। তাঁহার বিবেক-বুদ্ধি  
জাগ্রত হইয়াছে, তাহাতে আমি আনন্দিত। সেদিন সিদ্দিকি সাহেব  
ঘোষণা কবিয়াছিলেন, নিয়মতান্ত্রিক ব্যাপারে তিনি কোন দল-  
বিশেষের মুখ চাহিয়া কাজ করেন না। তাঁহার ধৈর্য হারাইবার  
প্রয়োজন নাই—আমিই তাঁহার নিকট এইবার একটি নিয়মতান্ত্রিক  
সমস্যা উপস্থিত কবিতেছি। মে লিখিত 'পার্লামেন্টারি প্র্যাকটিশ'-এর  
প্রথম অধ্যায় ৩৪ পৃষ্ঠায় লিখিত আছে যে, হাউস অব কমন্সের কোন  
সদস্য যদি গবর্নমেন্ট-কন্ট্রোল্লের হন, তাঁহার ভোট দিবার অথবা হাউস  
অব কমন্সের সদস্য থাকিবার অধিকার থাকে না। ইহা আইন-সমর্থিত  
একটি প্রথা। বৃটিশ পার্লামেন্টের স্পষ্ট বিধানের উপর এই প্রথা  
প্রতিষ্ঠিত। মিঃ সিদ্দিকি নিয়মতান্ত্রিকতা এবং ইংল্যান্ড, ডুবস, স্পেন,  
ফ্রান্স, বেলজিয়াম, হনলুলু প্রভৃতি সর্বস্থানের পার্লামেন্টের বিজ্ঞতার জন্য  
বিখ্যাত। তিনি কি স্বীকার করিতে প্রস্তুত আছেন, উপরোক্ত

নীতি অনুসারে বিঃ ইম্পাহানি অথবা অন্য যে কোন গবর্নমেন্ট-কন্ট্রোল্লের পক্ষে আর পরিষদের সদস্য থাকার উচিত হইবে না ?

[ গুরাভদি সাহেব বলিলেন, প্রাক্তন মন্ত্রিমণ্ডলীর আমলেও কন্ট্রোল্ল ছিল। ]

কোন পরিষদ-সদস্য যদি সে আমলে গবর্নমেন্ট-কন্ট্রোল্লের রূপে কাজ করিয়া থাকেন, তবে তাঁহারও অনুরূপ ব্যবহার পাওয়া উচিত ছিল। এ বিষয়ে কোনও প্রকার সহায়ভূতি দেখানো বিধেয় নয়। বস্তুত, এই কপটতা বাংলার জনসাধাবণের সম্মুখে নগ্নভাবে উদ্ঘাটিত করিবার প্রয়োজন হইয়াছে।

পরবর্তী আলোচ্য বিষয় হইতেছে বণ্টনের পদ্ধতি। আমি খুব সংক্ষেপে এ প্রসঙ্গের আলোচনা করিব। গবর্নমেন্ট বলিতেছেন, কন্ট্রোল্ল-দোকান ব্যর্থতায় পর্যবসিত হইয়াছে। বর্তমানে তাঁহারা আট শত পর্যন্ত সরকারি দোকান খুলিবার কল্পনা করিতেছেন। কন্ট্রোল্ল-দোকানের পক্ষ হইতে ওকালতি করিতেছি না। আমি জানি, প্রধানত দুই কারণে কন্ট্রোল্ল-দোকানগুলি ব্যর্থ হইয়াছে : (১) সরবরাহের অভাব, এবং (২) কোনও কোনও ক্ষেত্রে অনাচার। যদি অনাচারের জন্য কন্ট্রোল্ল-দোকানের উদ্দেশ্য ব্যর্থ হইয়া থাকে, তাহা হইলে নির্মমভাবে সেই অনাচার দূর করিতে হইবে ; ইহাতে কেহ কোন-প্রকার দোষ দিবে না। কিন্তু ব্যবসায়ের স্বাভাবিক পথ সম্পূর্ণভাবে নষ্ট করিবার কি প্রয়োজন থাকিতে পারে ? গবর্নমেন্টের বণ্টন-নীতির সহিতও ইহার কোন সামঞ্জস্য নাই। ক্রয় সম্পর্কে কিন্তু আমি একরূপ কথা বলিতেছি না ; সে বিষয়ে পরে আলোচনা করিব।

বণ্টন সম্পর্কে কি জন্য এই প্রস্তাব হইতেছে যে, ব্যবসায়ের সাধারণ পন্থা বর্জন করিয়া সরকারি দোকান খুলিতে হইবে ? প্রস্তাবিত

দোকানের স্বরূপ কি হইবে? কি মূল্যে কাছাদের উপর উহার ভার দেওয়া হইবে? কি কি বিষয় আলোচনা করিয়া কোন্ কোন্ অঞ্চলে ঐ সকল দোকান খোলা হইবে? পূর্বতন মন্ত্রিমণ্ডলী সিদ্ধান্ত কবিয়াছিলেন, কোন ব্যক্তি অন্তত তিন বৎসর কাল ব্যবসায়ের সহিত লিপ্ত না থাকিলে সে কন্ট্রোল-দোকান পাইবার অধিকারী হইবে না। এই নিয়মটি অনাচারনিবারণের পক্ষে বিশেষ সহায়ক ছিল। কি কারণে ইহা উপেক্ষিত হইল? সাম্প্রদায়িক এবং দলগত ভিত্তিতে অল্পগ্রহ-বণ্টনের পক্ষে নিয়মটি কি প্রতিবন্ধক হইয়া দাঁড়াইয়াছিল?

অধিক-খাঞ্চ উৎপাদন আন্দোলন কিরূপ চলিতেছে? এই বিষয়ে সরকারের গঠনমূলক প্রস্তাব সম্পূর্ণত আমরা জানিতে চাই। প্রচার-কার্য লোক ভুলাইবার পস্থা মাত্র; কাগজেব উপরে খাঞ্চ উৎপন্ন হইবে না। প্রতিদিন আমরা বাংলার বহু অঞ্চল হইতে চিঠি পাইতেছি, কৃষির উপযোগী বীজের অভাব; গবর্নমেন্ট যদি এখন হইতেই ব্যবস্থা অবলম্বন না করেন, তাহা হইলে আগামী বৎসরও ভাল আমন ধান জন্মিবে না। সমস্ত প্রদেশ প্রায় চাউলশূন্য হইয়াছে, তাহার উপর যদি পরবর্তী আমন ধানের আশাও অস্তহিত হয়, তাহা হইলে বাংলা দেশের কি শোচনীয় পরিণতি ঘটবে? মন্ত্রিমণ্ডলী সংবাদ পাইতেছেন কি না জানি না—দেশেব বিভিন্ন স্থানে নানা রোগে অসংখ্য মবাদি পশু মারা পড়িতেছে। সাময়িক উদ্দেশ্যেও প্রচুর পরিমাণে মবাদি ক্রয় করা হইতেছে। এই পরিষদেরই অনৈক সদস্য সম্প্রতি স্বগ্রাম হইতে আসিয়া বলিয়াছেন, তাঁহার চোদ্দটি বলদের তিতর তেরোটি বসন্তে মারা গিয়াছে, একটিমাত্র জীবিত আছে। ইহাই বাংলার সাধারণ অবস্থা। আগামী কয়েক মাসে নানা সংক্রামক ব্যাধি-বিস্তারের

কলে বাংলার জনস্বাস্থ্যের শোচনীয় অবস্থা হইতে পারে, তাহার কথা কি মল্লিমণ্ডলী চিন্তা করিতেছেন? নিঃশেষিত-জীবনীশক্তি লক্ষ লক্ষ বঙ্গবাসীর উপর উহা চবম আঘাতেব ছায় পতিত হইবে। অনশন এবং রোগে বাহাতে মানুষেব মৃত্যু না ঘটে, তাহাব জ্ঞ কি ব্যবস্থা অবলম্বিত হইয়াছে?

প্রতিকারের উপায় কি?

উপায়, গবর্নমেন্টকে দুর্ভিক্ষ ঘোষণা কবিত্তে হইবে এবং দুর্ভিক্ষ-প্রতিকারেব জ্ঞ সহদয়তাব সহিত উপযুক্ত ব্যবস্থা প্রয়োগ করিত্তে হইবে। গবর্নমেন্ট পবিশোধের কিছুমাত্র প্রতিশ্রুতি দিবেন না, গ্রাম্য-কমিটি সামর্থ্য অনুসারে যাহা হয় করিবেন, এই ভিত্তিতে স্বল্পাংশিষ্ট চাউল বলপূর্বক ধার করিবার নীতি-প্রয়োগ অথবা স্বাবলম্বন সম্পর্কে সস্তা উপদেশ দান—এই সকলের পরিবর্তে বাংলার অধিবাসীদের আহার্য যোগাইবার পূর্ণ দায়িত্ব গবর্নমেন্টকে গ্রহণ করিত্তে হইবে।

মল্লিমণ্ডলী হয় জনসাধারণকে খাওয়াইবার দায়িত্ব গ্রহণ করুন, নতুবা পদত্যাগ করুন। কার্যত যখন ব্রিটিশ-গবর্নমেন্টেরই পূর্ণ শাসন চলিত্তেছে, তাহাবাই অধিবাসীদের খাওয়াইবার এবং প্রদেশের শাস্তি-পূজা বজায় রাখিবার দায়িত্ব গ্রহণ করুন।

মূল-সমস্যা সমাধানের জ্ঞ মূল্য ও সবববাহের পূর্ণ-নিয়ন্ত্রণ প্রয়োজন। মিঃ হেনড্রি ঠিকই বলিয়াছেন, ইহা করিবার তিনটি পছা আছে। গবর্নমেন্ট একাই সমস্ত মাল ক্রয় করিত্তে পারেন; ব্যবসায়ীরা ক্রয় করিত্তে পারেন; অথবা গবর্নমেন্ট ও ব্যবসায়ী উভয়ে মিলিয়া ক্রয় করিত্তে পারেন। গবর্নমেন্ট বাজারে আসিবার ফলেই সমগ্র পবিস্থিতি বিপর্যস্ত হইয়াছে। পূর্ণ নিয়ন্ত্রণ-ব্যবস্থা প্রতিষ্ঠিত না হইলে কখনই ইহার প্রতিকার হইবে না। ব্যবসায়ীদেরকে অবাধ-ক্রয়তা দিলেও প্রদেশের

শস্ত্র নিঃশেষিত হইবে ; তাহাতে বন্টন-ব্যবহারও সঙ্গতি ও সাম্য রক্ষিত হইবে না। একমাত্র গবর্নমেন্টই মূল্য এবং সরবরাহের পূর্ণ নিয়ন্ত্রণ-ব্যবস্থা কবিত্তে পাবেন এবং তাহাব ফলে রেশনিং প্রবর্তিত হইতে পাবে। রেশনিং-এর অর্থ ই হইতেছে সরবরাহের সম্পর্কে সরকারি প্রতিশ্রুতি। সরবরাহের ব্যবস্থা ছাড়া রেশনিং চলিতে পারে না। গবর্নমেন্ট বর্তমানে যাহা করিতেছেন তাহা বেশনিং নহে ; ইহাতে লোককে কার্ষত অনশনে রাখা হইতেছে। সরবরাহ অব্যাহত নাই ; এবং গবর্নমেন্টও একথা বলিতেছেন না যে, রেশনিং প্রবর্তিত কবিয়া তাঁহারা সরবরাহের দায়িত্ব গ্রহণ কবিবেন। যদি সর্বশ্রেণীর মধ্যে সরবরাহ ও বন্টন সম্পর্কে স্ত্রায় ও সাম্যের নীতি অনুসৃত হয়—তাহা হইলে লোকে দুঃখ-ভোগ ও ত্যাগ-স্বীকার করিতে প্রস্তুত আছে।

কি প্রকার গবর্নমেন্টের পক্ষে এই দায়িত্ব লণ্ডনা সম্ভব ? বাংলার এই নিদাক্ষণ সঙ্কটের সময় কোন একটি দলের লোক লইয়া গঠিত গবর্নমেন্টের পক্ষে মূল্য ও সরবরাহের উপর পূর্ণ-নিয়ন্ত্রণ প্রতিষ্ঠা এবং বাংলাব ছয় কোটি লোকের আহাৰ্যের দায়িত্ব গ্রহণ করা সম্ভব নহে। আমাদের এই বিরোধী দলও যদি গবর্নমেন্ট গঠন করেন এবং মুসলীম-লীগ বিপক্ষ দলভুক্ত থাকেন, তবু সমস্তার সমাধান হইবে না। বস্তুত আজ দল-গত বৈষম্য সম্পূর্ণ বিস্মৃত হইতে হইবে ; মন্ত্রিমণ্ডলীকে সর্বশ্রেণীর আস্থাতাজন হইতে হইবে। সাহায্য-দানের চেষ্টা অকপট হইবে ; সমস্তাটি জাতীয়তার দিক দিয়া গ্রহণ করিতে হইবে। রাজনীতিক এবং দলগত স্বার্থে প্রণোদিত হইয়া অগ্রসর হইলে কোনরূপ সমাধান হইবে না। যে সকল দল এবং উপদল একত্র কাজ করিতে ইচ্ছুক, তাঁহাদের সকলের প্রতিনিধি মন্ত্রিমণ্ডলীতে থাকিবেন।

[ শ্রীযুত রসিকলাল বিখাস বলিলেন ‘আপনিও তাঁহাদের মধ্যে থাকিবেন তো ?’ ]

না, আমি নই। অপরের হস্তের ক্রীড়নক হইতে আমি চাই না। তাহা হইলেও দায়িত্ব গ্রহণ কবিত্তে পারে, এমন ষথেষ্ট সংখ্যক উপযুক্ত লোকের অভাব হইবে না। এই জাতীয়-সকলের সম্মুখে দলগত মনোভাব একেবারে ত্যাগ করিতে হইবে। ব্রিটিশ-পৃষ্ঠপোষকতার উপর নির্ভরশীল দল-বিশেষের স্বার্থেব প্রতি কোন লক্ষ্য না রাখিয়া, যাহাতে সমগ্র প্রদেশের মঙ্গল সাধিত হয়, এইরূপ কোন মীমাংসার সকলে মিলিত হইতে পারিলে, তবেই দলগত মনোভাব অস্তিত্ব হইবে।

হু’একটি ঐতিহাসিক প্রসঙ্গের সংক্ষেপে উল্লেখ কবিয়া আমি বক্তব্যের উপসংহার করিব। বক্ষিমচন্দ্রের কথা উদ্ধৃত করিব না, কাবণ তাঁহার অভিমত হয় তো পক্ষপাতচূষ্ট বলা হইবে। ব্রিটিশ ঐতিহাসিক-গণই বলিয়াছেন, বাংলাদেশে দুর্ভিক্ষ ও মহামারী যেন অলঙ্ঘ্য রীতি অনুক্রমে একের পর এক ঘটয়া আসিতেছে। যখন মোগল-সাম্রাজ্যের বাহু বাংলার দিকে বিস্তৃত হইতেছিল, সেই সময় গৌড়রাজ্যে আকস্মিক মহামারীর আবির্ভাব ঘটে। বিশাল স্বন্দর নগর গোড়—শুধু বাংলার নহে, সমগ্র ভারতের গৌরব ছিল, এক বৎসরের মধ্যেই উহা একেবারে নিশ্চিহ্ন হইল। হাণ্টার অননুকরণীয় ভাষায় বর্ণনা করিয়াছেন, কিরূপে উহা ব্যাঘ্র এবং বানরকুলের আবাস-ভূমিতে পরিণত হইয়াছিল। ইহার পর মোগলসাম্রাজ্যের আবির্ভাব ও তিরোভাব ঘটিল। কয়েক শতাব্দী পরে পলাশীর যুদ্ধের ঠিক অব্যবহিত পরেই ছিন্নাত্মুরে মঘস্তর বলিয়া কথিত ১৭৭০ অব্দের ভীষণ দুর্ভিক্ষ দেখা দেয়। ইংরাজরা এই সময়েই বাংলার আধিপত্য-বিস্তারের চেষ্টা করিতেছিলেন। আজও আমরা পুনরায়

দুর্ভিক্ষ এবং গুরুতর অর্থনীতিক বিপর্যয়ের সম্মুখীন হইয়াছি। বাংলার সমস্ত অঞ্চল হইতে দুর্গতি দুঃখভোগ এবং মৃত্যুর সংবাদ আসিতেছে। একান্ত বশব্দে মন্ত্রিমণ্ডলী কর্তৃক প্রকাশিত স্মৃষ্টি বাক্যানুসৃত ইস্তাহারে অবস্থার গুরুত্ব গোপন বা লঘু করিবার জন্য যত চেষ্টাই হউক, নিরতি ইতিহাসের বিস্ময়কর ও ভয়াবহ পুনরাবৃত্তির দিকে অমোঘ অঙ্গুলি নির্দেশ করিতেছে। ১৭৭০ অব্দের দুর্ভিক্ষের সময় বাংলার যে অবস্থা ঘটিয়াছিল, বর্তমানে অবিকল তাহাই ঘটিতে যাইতেছে। বিষয়টি আমাদের নিবিষ্টভাবে চিন্তা করিয়া দেখা উচিত। হান্টার এই দুর্ভিক্ষের যে চিত্র অঙ্কন করিয়াছেন, আমি তাহা উদ্ধৃত করিতেছি। পরিষদের সদস্যবৃন্দের প্রতি আমার অনুরোধ, তাঁহারা যেন মনঃসংযোগ করিয়া ব্যাপ্যটি অনুধাবন করেন। তারপর কর্তৃপক্ষকে প্রশ্ন করিতে হইবে, ১৯৪৩ অব্দে কি ভাবে তাঁহারা দায়িত্ব পালন করিতে যাইতেছেন ?

[ সিদ্দিকি সাহেব বাধা দিবার চেষ্টা করিলেন। ]

আমি জানি, এই কাহিনী সিদ্দিকি সাহেবকে অতিশয় বিচলিত করিতেছে।

[ সিদ্দিকি সাহেব বলিলেন, 'নিশ্চয়'। ]

কিন্তু এই পরিষদে এমন অনেকে আছেন, যাঁহারা বাংলার হতভাগ্য অধিবাসীদের প্রতি অধিকতর দয়াবান ও সহানুভূতিশীল। দু'বঙ্গ প্রদেশ হইতে বাংলায় আসিয়া সিদ্দিকি সাহেব অপরিমিত বিত্ত-সঞ্চয় করিয়াছেন। ইহাতেও যদি তিনি সন্তুষ্ট না হইয়া থাকেন, এই প্রদেশের অধিবাসীদের জন্য এখনো যদি তাঁহার কিঞ্চিৎ মাত্র সহানুভূতি না হইয়া থাকে, তবে আমরাই তাঁহাকে কক্ষণ করিব।

১৭৭০ অব্দের দুর্ভিক্ষ সম্পর্কে হান্টার যে চিত্র অঙ্কন করিয়াছেন তাহার কিঞ্চিৎ নিম্নে দেওয়া হইল—

১৭৭০ অব্দে ঋতু গ্রীষ্মকাল ধরিশ্য ঋসবোধী গরনের মধ্যে মাসুখ মবিতে লাগিল। কৃষকেবা গোক ও চাষের বহুপাতি বিক্রয় করিল, বীজ-ধান খাইয়া ফেলিল, পুত্রকন্যা পর্যন্ত বেচিল। শেষে আর পুত্রকন্যা কিনিবাবও লোক পাওয়া যায় না। লোকে গাছেব পাতা এবং মাঠের ঘাস খাইতে লাগিল। ১৭৭০ অব্দে দরবারেব রেসিডেন্ট স্বীকার কবিলেন, জীবিতেবা মৃতদেহ ভক্ষণ করিতেছে। দিন-রাত্রি অনশনক্লিষ্ট এবং রোগগ্রস্ত হতভাগ্যেরা শ্রোত্রেব স্থায় নগবে প্রবেশ করিতে লাগিল।.....মুম্বুঁ এবং মৃতদেহেব স্তূপে বাস্তাঘাটে লোক-চলাচল বন্ধ হইল। শব্দেহেব সংকাবেব জীব সঙ্কর হইল না। এমন কি প্রত্টিব সন্ন্যাসক শিয়াল-কুকুরেও মৃতদেহ খাইয়া শেষ করিতে পাবে না। স্মিত এবং গলিত শবের স্তূপে নাগরিকদের জীবন বিপন্ন হইয়া উঠিল।

মেকলে তৎকৃত লর্ড ক্লাইভেব জীবন-চরিতেও অল্পকপ চিত্র অঙ্কিত কবিসাছেন—

যে সকল নিতান্ত কোমলাঙ্গী অসংপূৰ্বিকা কখনও বাড়ির বাহিরে আসেন না, বাহাদের অসংগঠন কখনও লোকচক্ষুেব সম্মুখে উন্মোচিত হয় না, তাহাবাও পথে আসিয়া টাড়াইলেন; পশ্চান-সন্ততির প্রস্থ একমুষ্টি চাউল পাঠিয়া নিমিত্ত ভুলুঠিতা হইয়া উচ্চ স্থিলাপে পথিকদের বকণা ভিক্ষা কবিতে লাগিলেন। বিজেতা ইংবেজদের প্রয়োদোস্থান এবং অট্টালিকা-তোয়ণেব অতি-নিকটে সহস্র সহস্র মৃতদেহ প্রতিদিন হুগলি-মলীর শ্রেণিতে ভাসিয়া আসিতে লাগিল। মৃত এবং মুম্বুঁব জনা কলিকাতার বাস্তায় লোক চলাচল বন্ধ হইল। কপ ও দুর্বল দেহ লইয়া বাহারা বাঁচিয়া থাকিল, আঞ্জীয়দের শব্দেহেব সংকাবে কবিবার অথবা গঙ্গাজলে মৃতদেহ নিক্ষেপ কবিবার উৎসাহ তাহাদের ছিল না। প্রকাশ্য দিবাভাগে শিয়াল এবং শকুনিব দল মৃতদেহ ভক্ষণ করিত, তাহাদিগকে তাড়াইয়া দিলার ইচ্ছাও কাহারও হইত না।”

ইহা অতিরঞ্জিত কাহিনী নয়। আজ বাংলার বিভিন্ন অঞ্চল হইতে আমরা অবিকল এইরূপ বিবরণই পাইতেছি। আজই আমি ছয়-মাত



খানা চিঠি পাইয়াছি। তাহাতে দেখিতে পাইলাম, উপরের বর্ণিত অবস্থাই ঘটিতে শুরু হইয়াছে। পরিষদের কাছে আমি প্রশ্ন করিতে চাই, এই দুর্দৈবের প্রতিকার কি? বাংলার জীবন-প্রবাহ যদি অকস্মাৎ নুগ্ন হইয়া যায়, তবে আমরা কোথায় থাকিব, আমাদের দলই বা কোথায় থাকিবে?

এই মনস্তত্ত্ব কোন প্রাকৃতিক দুর্যোগের জন্ম ঘটে নাই, বাহারা ভারতবর্ষ এবং বাংলাদেশ শাসনের জন্ম দায়ী, তাঁহাদেরই অনুমত ভ্রান্ত নীতিব ফলেই ইহা ঘটিয়াছে। প্রায় দুই শতাব্দী ব্যাপী পবাবীনতার ফলে অধিবাসীরা আজ মৃত্যুব ধারপ্রাপ্তে আসিয়া পৌঁছিয়াছে।

১৭৭০ অব্দেব দুর্ভিক্ষের কারণ বর্ণনাপ্রসঙ্গে মেকলে বলিয়াছেন, 'প্রাকৃতিক কারণ, নিঃসন্দেহ বিদ্যমান ছিল। কিন্তু তাহার চেয়েও বড় কারণ, উহারই অব্যবহিত পূর্বে ইংবেজশাসনের অব্যবস্থা' মেকলের কথাগুলি নিয়ে প্রদত্ত হইল—

ব্রিটিশ ফ্যাক্টরির প্রত্যেকটি ভূত্য তাহার প্রভু সর্ববিধ ক্ষমতার অধিকারী ছিল, প্রভুও কোম্পানির সর্ববিধ ক্ষমতার অধিকারী ছিলেন। এইভাবে কলিকাতায় প্রচুর সম্পদ দ্রুত পুঞ্জীভূত হইল; আর সেই সঙ্গে তিন কোটি মানুষ দুর্গতির চরম অবস্থায় উপনীত হইল।

সুমুহুৎ ব্রিটিশ-শাসনের তখন ভিত্তি-প্রতিষ্ঠা চলিতেছে। সেই শোকাবহ চিত্র মেকলের অপেক্ষা সুন্দরতর রূপে কেহই আঁকিতে পারেন নাই।

এদেশের লোক যথেষ্টাচারের মধ্যে বাস করিতে অভ্যস্ত ছিল, কিন্তু এমন যথেষ্টাচারিতা তাহারা আর দেখে নাই। কোম্পানির দুই অঙ্গুলিটিও সিরাজদৌলার কটিদেশ অপেক্ষা স্থলতর। মুসলমান-আমগে অস্তুত একটি প্রতিকারের উপায় ছিল,

অমূল্য নিতান্ত দুঃসহ হইলে, জনসাধারণ বিদ্রোহ করিয়া গবর্নমেন্ট বিচূর্ণ করিয়া দিত। কিন্তু এই গবর্নমেন্টকে অপসারিত করার উপায় ছিল না। কোম্পানির সেই আমলকে মনুষ্য-চালিত গবর্নমেন্ট না বলিয়া দুই অপদেবতার সহিত তুলনা করা সম্ভব।

প্রায় দুই শতাব্দী পূর্বে ইংরেজ রাজত্ব আরম্ভ হইয়াছিল; ইহা সেই সময়ের চিত্র। আজ আমরা ১৯৪৩ অব্দে পৌঁছিয়াছি। কিন্তু নিজের দেশ ও জাতির সেবা করিবার পক্ষে এবং দেশবাসীকে বক্ষা করিবার পক্ষে আশাদেব সামর্থ্য কি কিছুমাত্র বাড়িয়াছে? অধিবাসীদের বাঁচাইবার সর্বশেষ দায়িত্ব গুপ্ত আছে ব্রিটিশ-শাসকবর্গের উপর। তাঁহারা এই পবন দায়িত্ব ভুলিয়া গিয়া বাহা বা প্রত্যক্ষ অপবা পরোক্ষভাবে যুদ্ধ প্রচেষ্টার সহিত জড়িত আছে কেবল সেই সকল লোককে খাওয়া-ইতে চাহিয়াছেন।

মিঃ ডেভিড হেনড্রি আমাদেরকে স্মরণ করাইয়া দিয়াছেন, আমরা পূর্ব-রপাঙ্গনেব সন্নিকটে অবস্থান করিতেছি। কি ভাবে এই যুদ্ধ জয় করা যাইবে? যদি বাংলা অনশনে থাকে, বাংলাদেশ যদি ধ্বংসপ্রাপ্ত হয়, তাহা হইলে যুদ্ধ-জয় কি বেশি সুবিধা হইবে? মাদ্রাসেব মনের সাহস এবং দেশের আভ্যন্তরীণ শান্তি কি সে অনশ্বাস অব্যাহত রাখা যাইবে? আজ যে আমরা এই দুঃখভোগ করিতেছি, ইহাতে বাংলাদেশের কি অপরাধ? কাহার দোষে ক্রমের পতন ঘটিয়াছিল? কাহার দোষেই বা সিন্ধাপুর হস্তচ্যুত হয়? বাংলা কাহার ক্রম দায়ী নয়, তবে কেন বাংলার অধিবাসীরা দুঃখভোগ করিবে? ভারত-গবর্নমেন্টের নিকট হইতে অবিলম্বে আমাদেরকে খাদ্য-শস্ত্রের সরবরাহ পাইতে হইবে।

[ যুরোপীয় দলের মধ্য হইতে বলিতে শোনা গেল, “আপনার বন্ধু স্তোত্রের কাছে যান না কেন?” ]

যুরোপীয় দলের নিকট হইতে আমরা এই ধরণের কথাই প্রত্যাশা করি। সদস্য মহাশয় কি সত্য সত্যই বলিতে চান, চাউল ও ধানের জন্য ব্রিটিশ-গবর্নমেন্টের দিকে না তাকাইয়া তোজোর কাছে চাওয়া আমাদের পক্ষে সম্ভব হইবে? হাউস অব কমন্স-এ এই কথা প্রকাশে ঘোষণা করিবার জন্য মিঃ আমেরিকে তিনি কি পরামর্শ-দান করিবেন? তিনি বলিতেছেন, তোজো আমাদের বন্ধু। কে যে আমাদের বন্ধু—তবিয়ৎ ইতিহাস তাহা বলিয়া দিবে। আমি এইটুকু বলিতে পারি, আপনাদের সহিত সম্পর্কিত হইবাব ১৭০ বৎসর পবেও বাংলাকে যদি এই প্রকার অনশনে থাকিত হয়, তাহা হইলে আপনারা নিশ্চয়ই আমাদের বন্ধু নহেন।

ভারত-গবর্নমেন্টের দায়িত্ব সম্পর্কে একটু আলোচনা করিব। হিন্দুধর্মের অঙ্কে প্রতি একবার দৃষ্টিপাত করুন। ১৯৪৩ অব্দে বাংলার জন্য দুই লক্ষ চব্বিশ হাজার টন গম নির্দিষ্ট হইয়াছিল। সাধারণ শক্তির সময়ে বাংলার জন্য নির্দিষ্ট গমের পরিমাণ আড়াই লক্ষ টন। অতএব বর্তমান গুরুতর জরুরি অবস্থায় জন্য বাংলাকে কোন অতিরিক্ত গম দেওয়া হয় নাই। আবার ১৯৪৩ অব্দে জন্য নির্দিষ্ট এই গমের মধ্যে কি পধিমাণ অন্ডাবধি পাওয়া গিয়াছে? মাত্র পঞ্চাশ হাজার টনের কাছাকাছি অর্থাৎ যাহা নির্দিষ্ট হইয়াছিল তাহার শতকরা পঁচিশ ভাগ। সুবাবদি সাহেব বলিয়াছেন, চাউলের পবিবর্তে বাংলার অধিবাসীদের জোয়ার ভুট্টা ও বজরা খাইতে হইবে। ১৯৪৩ অব্দে বাংলার জন্য উহা দুই লক্ষ টন নির্দিষ্ট হইয়াছিল, কিন্তু পৌছিয়াছে মাত্র দশ হাজার টন। অতএব সুবাবদি সাহেবের কঁাকা বজুতা এবং বাজে প্রতিশ্রুতিতে কি লাভ হইবে? যদি অস্ট্রেলিয়া হইতে গম আনা না যায় এবং ভারতের অন্যান্য অংশ হইতে খাণ্ডশস্ত্র বাংলার পাঠানো

না হয়, তাহা হইলে ভারত-সরকারের পক্ষেই বা মধ্যে মধ্যে আন্তি-  
জনক ইচ্ছাহাব বাহিব কবিবাব সার্থকতা কোথায় ? পরিষদের প্রত্যেক  
ভারতীয় সদস্যকেই এইজগৎ সচেষ্ট হইতে হইবে ।

মন্ত্রিমণ্ডলীকে এমন শক্তিশালী এবং প্রতিনিধিমূলক হইতে  
হইবে, যেন ভারত-গবর্নমেন্ট ব্রিটিশ-গবর্নমেন্ট অথবা বাংলা-  
গবর্নমেন্টের আসল প্রভুগণ তাহাকে অবজ্ঞা করিতে সমর্থ না  
হন । ইংল্যাণ্ডে প্রধান-মন্ত্রীর নিকট এই মর্মে বার্তা পাঠানো হউক  
যে, গুরুতর পরিস্থিতির উদ্ভব হইয়াছে ; প্রয়োজনীয় ধাতুশস্ত্র  
বাংলায় প্রেরণ না কবিলে সম্মিলিত জাতিবর্গেবই স্বার্থ ক্ষুণ্ণ  
হইবে । ইচ্ছাকে যুক্তকালীন ব্যবস্থা গণ্য করা হউক ; এ সম্পর্কে  
আর কোন জোড়াতালি চলিতে দেওয়া হইবে না । উর্ধ্বতন কর্তৃপক্ষ  
ব্যবস্থা কবিত্তে যদি অসমর্থ হন তবে মন্ত্রিমণ্ডলী পদত্যাগ কবিয়া  
দায়িত্ব পরিহার করুন । তখন দেখিব, গবর্নর এবং তাঁহাব কর্মচারি-  
বৃন্দের সাহায্যে দেশের শাসনকার্য কি ভাবে চলিতে পারে ? স্বরাবদি  
সাহেব যদি ইহা কবিত্তে পাবেন—

[ স্বরাবদি সাহেব বলিলেন, তিনি এবিষয়ে একমত । ]

আমি জানি, স্বরাবদি সাহেবের চৈতন্যোদয় আবস্ত হইয়াছে ।  
সত্যই যদি তিনি একমত হন, তাহা হইলে দলগত আনুগত্য এবং  
দল-নেতৃত্ব তিনি পবিত্যাগ করুন । জাতি, সম্প্রদায় ও বর্ণ নির্বিশেষে  
বাংলার অধিনাসিদের পক্ষ হইতে তখন আমরা সমবেত দাবি উপস্থিত  
করিব এবং এই চরম-সঙ্কটের মুহূর্তে সকলে ঐক্যবদ্ধ হইব ।\*

\* ১৮ই জুলাই, ১৯৪৬ তারিখে বঙ্গীয় ব্যবস্থা পরিষদে

একান্ত বক্তৃতার মর্মাসুবাদ ।

## দায়ী কে ?

আমি প্রস্তাব করি—

খাদ্য-পরিস্থিতি সম্পর্কে বে-সাময়িক সরবরাহ-সচিব যে বিবৃতি দিয়াছেন, পরিষদের মতে উহা একেবারে নৈরাশ্রজনক। খাদ্যশস্য সংগ্রহ ও বণ্টন এবং বাংলার অধিক শস্তোৎপাদন সম্পর্কে মন্ত্রিমণ্ডলী যে নীতির অনুসরণ করিয়াছেন, তাহার পশ্চাতে কোন পরিকল্পনা ছিল না। ঐ নীতি সম্পূর্ণ ব্যর্থ হইয়াছে। খাদ্য-পরিস্থিতির অবনতি ঘটয়া প্রাদেশেব সত্ত্বে যে শোচনীয় চিত্রিত্ব দেখা দিয়াছে, মন্ত্রিমণ্ডলী কর্তৃক গ্রহণিত নীতিই তাহার অন্য দায়ী সরবরাহের উপযুক্ত ব্যবস্থা না করিয়া সম্প্রতি তাহার চাউলের মূল্য নিয়ন্ত্রণ সংক্রান্ত যে আইন জারি করিয়াছেন, তাহার ফলে লোকের দুর্দশা বহু গুণ বাড়িয়াছে। মানুষের জীবন-ধারণের পক্ষে অত্যাশঙ্কক দ্রব্য সরবরাহ করিতে এবং মনুষ্য-জীবন রক্ষা করিতে অসমর্থ হওয়ায় মন্ত্রিমণ্ডলী সত্তা-সরকারের পক্ষে অবশ্যপালনীয় প্রাথমিক কর্তব্য পালন করিতে পারেন নাই।”

পরিষদের গত অধিবেশনে খাদ্য-পরিস্থিতির আলোচনার পর অবস্থা আরও শোচনীয় হইয়াছে। ইহা বর্তমানে বাংলার লক্ষ লক্ষ অধিবাসীর জীবন-ধারণের দুঃপ্রসাবী সমস্তা হইয়া দাঁড়াইয়াছে। সরবরাহ-সচিবের বিবৃতি আদৌ সন্তোষজনক নয়। ইহাতে দূরদৃষ্টির পরিচয় নাই, ইহা কেবল শূন্যগর্ভ বাক্যে পরিপূর্ণ। ফলের দিক দিয়া বিবেচনা করিলে বলা যায়, সরকারি খাদ্যনীতি একেবারে বিফল হইয়াছে। আমার প্রতি এবং অপর যাহারা লোকের দুর্দশা-সাধনের

চেষ্টা করিতেছেন তাহাদের প্রতি সুরাবর্দি সাহেব যে ব্যক্তিগত আক্রমণ করিয়াছেন, আমি তাহার উল্লেখ করিতে চাই না। যুগাই এই যুগ্য আক্রমণের একমাত্র প্রত্যাশ। বিপুল অযোগ্যতা এবং অবিবেচনা হইতেই এরূপ আক্রমণের প্রবৃত্তি জন্মে। সুরাবর্দি সাহেব নিজের মন ও চরিত্রের আলোকেই অপরাধরমায়ুষ ও ঘটনাবলীর বিচার করিয়াছেন।

আমরা দেশব্যাপী অভূতপূর্ব সঙ্কটের সম্মুখীন হইয়াছি। দুঃখ-ভুগতির—বিশেষত বাহারা পল্লীঅঞ্চল হইতে আসিতেছে তাহাদের হ্রস্বস্থার বিস্তৃত বিবরণ দিতে পারি, এমন সময় আমাব নাই। সে কাজ আর কেহ করিবেন। অনশন এবং অনশনজনিত রোগে মৃত্যুর হার অতি দ্রুত বাড়িয়া চলিয়াছে। লোকে আত্মহত্যা করিতেছে, পুত্রকণ্ঠা ত্যাগ করিয়া চলিয়া যাইতেছে, বেওয়ারিশ মৃতদেহ যেখানে সেখানে পড়িয়া থাকিতেছে—এইরূপ অসংখ্য মর্মান্তিক বিবরণ বিভিন্ন অঞ্চল হইতে প্রতিনিয়ত আমাদের নিকট আসিতেছে। দিনেব পর দিন সপ্তাহের পর সপ্তাহ কলিকাতার প্রকাশ্য রাস্তায় পড়িয়া মায়ুষ মরিতেছে; এ. আর. পি.ব বেড খালি পড়িয়া থাকিতেও তাহাদিগকে হাসপাতালে স্থান দেওয়া হয় নাই। গবর্নমেন্ট সম্প্রতি কলিকাতার হাসপাতাল খুলিয়াছেন; কিন্তু বিভিন্ন মফস্বল-কেন্দ্রে আজিও এরূপ কোন ব্যবস্থা হয় নাই।

গত সপ্তাহে আমি মেদিনীপুর গিয়াছিলাম। লক্ষরখানার আহাবের জন্য আসিয়া আমার সম্মুখেই দুইজন মৃত্যু হইল। আহাব-দর্শনে এক ব্যক্তি এতটা উত্তেজিত হয় যে, মুখে অন্ন পৌছিবার পূর্বেই লোকটি অজ্ঞান হইয়া পড়ে। তখন তাহাকে অপসারিত করিতে হয়। অভিযোগ আসিল, মেদিনীপুরের হাসপাতালে বেড খালি থাকিতেও লোকে রাস্তায় পড়িয়া মরিতেছে। আমি সিভিল-সার্জন এবং

উপস্থিত লোকজনের নিকট এ বিষয়ে অনুসন্ধান করি। শুনিলাম, মেদিনীপুর হাসপাতালে এ. আব. পি.-র জন্ম চল্লিশটি বেড সব সময়েরই রিজার্ভ বাধিবার নিয়ম। এই বেড সাময়িকভাবেও ব্যবহার করিতে দিবার ক্ষমতা কালেক্টরের পক্ষে নাই; গবর্নমেন্টের আদেশ আবশ্যিক।

কাঁথিতে শিয়াল-কুকুবে যথেষ্ট শব্দেহ ভক্ষণ করিতেছে। এইসব জন্তুকে গুলি করিয়া মাঝিবার হুকুম দেওয়া হইয়াছে। এই ধবনের একটি ঘটনা কাঁথির অধিবাসী কয়েক ব্যক্তি আমার গোচরে আনয়ন করেন। যে কাহিনী শুনিলাম, তাহা ধাবণাব অতীত। কলিকাতায় নিবাসন্ন ও অনশনক্রিষ্ট লোকদের অবস্থা যত হৃদয়-বিদাবক হউক—মফস্বলের শহরে ও গ্রামে যাহা ঘটিতেছে, তাহার তুলনায় ইহা কিছুই নয়। ছিন্নবস্ত্র-পবিহিত কঙ্কালসার নর-নারী ও শিশুদল জাতিবর্ণনির্বিশেষে আহারের অভাবে ধীরে ধীরে মৃত্যুমুখে চলিয়াছে। এরূপ অসংখ্য দৃশ্য আমি নিজে প্রত্যক্ষ করিয়াছি। ভূমিহীন গৃহহীন দরিদ্র-শ্রেণীর দুর্গতির মাত্রা অবশ্য সর্বাধিক; কিন্তু মধ্যবিত্ত সম্প্রদায়েরও যে সকল পবিবাব সাধারণ সময়ে কোন প্রকারে অস্তিত্ব বজ্জাব রাখিয়া চলিতেন, আজ নিতান্ত মর্মান্তিকভাবে তাহাদিগকে মৃত্যু-বরণ করিতে চাইতেছে। ইহারা আমাদের সামাজিক ও রাজনীতিক জীবনের মেরুদণ্ড। জাতিব পক্ষে অত্যাশঙ্কক যথার্থ সেবা চিবদিন ইঁচাবাই করিয়া আসিয়াছেন। বাংলাকে বাঁচাইতে হইলে ইহাদের রক্ষা করিতেই হইবে।

আগামী কয়েক মাসে বাংলার মৃত্যু হাব যে কত ভয়াবহ হইবে, তাহা ভাবিলে শিহবিষা উঠিতে হয়। যাহাবা কোন প্রকারে মৃত্যুর হাত হইতে পন্নিজ্ঞান পাইয়াছে, তাহাবা এত জীবনীশক্তি-হীন হইয়া পড়িয়াছে যে, কখনো তাহাবা আব কার্যক্ষম হইতে পারিবে না।

পরিবহের গত অধিবেশনে আমি হাণ্টার-রচিত 'পল্লী-বাংলার কাহিনী' এবং মেকলে-রচিত 'লর্ড ক্লাইবের জীবনী' হইতে ১৭৭০ অব্দ ও ডব্লিউকটবর্তী সময়ে বাংলাদেশের ধ্বংস ও মৃত্যু-বর্ণনা শুনাইয়াছিলাম। তাহার পরে ১৭০ বৎসরের বেশি অতিক্রান্ত হইয়াছে। আজ ১৯৪৩ অব্দেও বাংলার সমাজ ও জীবন-পরিবেশের পক্ষে হাণ্টার ও মেকলের মন্তব্যগুলি সমান ভাবে প্রযোজ্য।

ভারত-সরকারের স্বরাষ্ট্র-বিভাগের সেক্রেটারি মিঃ কর্ডন স্মিথকে একবার বাংলাদেশ পবিদর্শনেব জন্ত সর্বিনয়ে অনুরোধ করিতেছি। বাংলার দুঃখ-দুর্দশা মনস্ক্রে নাটকীয় অত্যাঙ্কি হইয়াছে, এইরূপ নির্মম সমালোচনা বাংলা দেশ স্বচক্ষে দেখিরা গিয়া তারপব তিনি যেন করেন। বাংলার এই সঙ্কটে ভাবতবর্ষের সকল অংশের বে-সবকারি লোকদের নিকট হইতে অল্পস্ব সাহায্য পাওয়া গিয়াছে; অর্থ, আশ্রয়স্থান, খাদ্যশস্ত্র এবং কমী দিয়া সাহায্য করিবার বল প্রস্তাব আসিয়াছে। যে বিরাট সঙ্কটের আমরা সম্মুখীন হইয়াছি, এই সব সাহায্য তাহার তুলনায় খুবই অপর্থাপ্ত সন্দেহ নাই,—তবু বাংলার জন্ত দেশব্যাপী এই সহানুভূতি প্রাদেশিক ব্যবধানের প্রাচীর চূর্ণ করিয়া সমগ্র ভারতবর্ষেব ঐক্য ও সংহতির বাস্তবতা সকলের চক্ষে স্পষ্ট করিয়া তুলিয়াছে। এই সহানুভূতি লক্ষ লক্ষ ক্লিষ্ট লোকের হৃদয়ে সাহস ও দৃঢ়তার সৃষ্টি করিয়াছে; ইহা জনমত জাগ্রত করিয়াছে, গবর্নমেন্টকে দায়িত্ব সম্পর্কে সচেতন করিয়া তুলিয়াছে। ইহার ফলে সমগ্র ভারতবর্ষের—এমন কি ভারতের বাহিরের দেশ-সমূহেরও মনোযোগ বাংলার দুঃখ-দুর্দশার প্রতি আকৃষ্ট হইয়াছে। আমি বরাবরই বলিতেছি, জনসাধারণের প্রত্যেক শ্রেণীকে—প্রত্যেকটি ব্যক্তিকে দুর্গতদের দুঃখ-লাঘবের কার্যে স্বেচ্ছায় চেষ্টা করিতে হইবে।



কিন্তু অধিবাসীদের খাওয়ানোর, সরবরাহের ব্যবস্থা করিবার এবং মানুষের জীবন যাহাতে রক্ষা পাইতে পারে এরূপ ব্যবস্থা সৃষ্টি করিবার দায়িত্ব প্রধানত গৃহস্থ রহিয়াছে দেশের গবর্নমেন্টের উপর। সরকারি নীতির বিস্তৃত সমালোচনা করা আজ আমাব উদ্দেশ্য নয়। উহা শোচনীয় ভাবে ব্যর্থ হইয়াছে। এই ব্যর্থতার সম্ভাবিত কারণ সম্পর্কে নিবপেক্ষ অনুসন্ধান একান্ত রূপে আবশ্যিক। এই অনুসন্ধান দোষ ধরিবার সক্ষীর্ণ মনোবৃত্তি লইয়া পরিচালিত হইবে না। ইহার উদ্দেশ্য হইবে, আপোষেব দ্বারা অথবা জনমতেব চাপ দিয়া শাসননীতির পরিবর্তন সাধন করা।

গবর্নমেন্টের বিরুদ্ধে আমার প্রথম অভিযোগ, বাংলাদেশের ভিতরে এবং দেশের বাহির হইতে যে উপায়ে খাদ্যশস্ত্র-সংগ্রহ করা হইয়াছে, তাহা বিশেষ আপত্তিজনক। যন্ত্রিমণ্ডলী প্রথমেই বেপরোয়া ভাবে প্রচার করিতে লাগিলেন, বাংলায় খাদ্যশস্ত্রের অভাব নাই; শস্ত্র মজুত করিবার ফলেই বর্তমান দুর্গতির সৃষ্টি হইয়াছে। আজ ভুল ভাঙিয়া গিয়াছে। সরবরাহ-সচিব স্বীকার করিতেছেন, খাদ্যশস্ত্রের তীব্র অভাব রহিয়াছে। এ যাবত কাল তিনি মূল্যবান সময় নষ্ট করিয়াছেন; ভুল তথ্যের উপর নির্ভর করিয়া পাঁচ মাস কাল ভ্রান্ত-নীতির অনুসরণ করিয়াছেন।

জুন মাসে যে খাদ্য-অভিযান হইয়াছিল, তাহার ফলে বাংলার পল্লী-অঞ্চল হইতে খাদ্যশস্ত্র অন্ত্র চলিয়া যায়। অভিযানের ফল আজও প্রকাশিত হয় নাই; গবর্নমেন্টের তাহা প্রকাশ করিবার সাহসই নাই। আমরা প্রত্যেক জেলা এবং প্রত্যেকটি মহকুমার হিসাব জানিবার দাবি করিতেছি। গবর্নমেন্টের মতে কোন্‌গুলি ঘাটতি অঞ্চল এবং কোন্‌গুলি উৎস অঞ্চল তাহা আমাদের জানা প্রয়োজন।

খাদ্য-অভিযানের সময় এবং তাহার পরেও ব্যবসায়ী ও আড়তদার-দের যে-কোন মূল্যে চাউল ক্রয় করিতে দিয়া গবর্নমেন্ট যারায়ক তুল করিয়াছেন। কি পরিমাণ খাদ্যশস্য ক্রয় করা হইয়াছে, কোথায় তাহা স্থানান্তরিত হইয়াছে এবং কোথায়ই বা তাহা বহিয়াছে, সে কথা আমরা জানিতে চাই। বাটতি অঞ্চলে উপযুক্ত পরিমাণ খাদ্যশস্য পাঠাইবার জন্য উপযুক্ত 'চেপ্টা' হয় নাই। কোথাও কোথাও শুদাম আটক করিয়া সীল করা হইয়াছে। সেই সব জায়গাতেই লোকে অনশনে প্রাণত্যাগ করিতেছে, তবু শুদামজাত মাল মজুত হইয়া পড়িয়া আছে। প্রদেশের সর্বত্র হইতে আউশ ধান ক্রয়েব পরিকল্পনার ফলে পল্লী-অঞ্চলের অবস্থা একেবারে অসহায় হইয়া পড়িয়াছে। বর্ধমান ও মেদিনীপুরের গ্রাম অঞ্চল হইতেও ধান ক্রয় করিয়া অপসারিত করিতে গবর্নমেন্ট উৎসাহ দান করিয়াছেন—ইহা বাস্তবিক বিশ্বরকর। আজ সকাল্গেই এক উদ্রলোক কালনা হইতে আসিয়া সংবাদ দিলেন, গত কয়েকদিন ইম্পাহানি-কোম্পানি গবর্নমেন্টের এজেন্ট রূপে কালনা অঞ্চল হইতে অন্ততপক্ষে পাঁচ হাজার মন চাউল কিনিয়াছেন। সকলেই জানেন, বিগত বস্তার ফলে এবং নিদারুণ অর্ধ-সঙ্কটে কালনা অঞ্চলে লোকের কি নিদারুণ দুর্গতি হইয়াছে।

বাহির হইতে খাদ্য-আমদানি সম্পর্কে জানিতে পারা গেল, বাংলার প্রেরিতব্য খাদ্যের নির্দিষ্ট পরিমাণ জুলাই মাসে ভারত-গবর্নমেন্ট সংশোধন করিয়াছেন; পরিমাণ কমাইয়া দেওয়া হইয়াছে। বলিতে পারি না, পরিষদের কত জন সদস্য এ বিষয়ে অবগত আছেন। শোচনীয় সঙ্কট-সময়ে খাদ্যের পরিমাণ হ্রাস করিতে বাংলার মন্ত্রিমণ্ডলী কেন সন্মত হইলেন? মন্ত্রিমণ্ডলীর নাকি গতাস্তর ছিল না, ভারত-সরকার এ বিষয়ে নাকি কোন কথাই শুনিতে রাজি ছিলেন না।

জিজ্ঞাসা করি, মন্ত্রিমণ্ডলী এই হ্রাস করিবার প্রস্তাবে কি জন্ত প্রাণপণে বাধা দেন নাই? বাংলার সম্পর্কে যখন এইরূপ অবিচার করা হইল, তখন আত্মসমর্পণ না করিয়া তাঁহারা কেন পদত্যাগ করেন নাই?

[ সুরাবর্দি সাহেব বলিলেন, তাঁহাদের আপত্তি সর্ব্বত্র হ্রাস করা হইয়াছে। ]

সুরাবর্দি সাহেব বলিতেছেন, বাংলার মন্ত্রিমণ্ডলীর আপত্তি সর্ব্বত্র শস্ত্রের পরিমাণ হ্রাস করা হইয়াছে। ইহা সত্য হইলে বাংলা দেশ জানিতে চাহিবে, মন্ত্রিমণ্ডলী আদৌ কেন এই ব্যবস্থা মানিয়া লইলেন? কেন তাঁহারা বলেন নাই, 'বাংলার জন্ত নির্দিষ্ট খাজনা-শস্ত্রের পরিমাণ হ্রাস করা হইলে আমরা পদত্যাগ করাই শ্রেয় মনে করিব'?

প্রদেশের বাহির হইতে যে খাজনা আয়দানি হইয়াছে তৎসম্বন্ধে আমরা নিভুল হিসাব জানিতে চাই। বাংলার জন্ত যে পরিমাণ শস্ত্র নির্দিষ্ট হইয়াছিল, তাহা কি সমস্তই আনিয়া গিয়াছে? লাহোর হইতে ফিবিয়া সুরাবর্দি সাহেব বলিয়াছিলেন, ফল খুবই সন্তোষজনক। কিন্তু তিনি ফিবিবার মাত্র দুই দিন পরে পাঞ্জাবের একজন মন্ত্রী বিবৃতি দিলেন যে, বাংলা-সরকার পাঞ্জাব হইতে যে মূল্যে গম ক্রয় করিতেছেন তদপেক্ষা অনেক অধিক মূল্যে বাংলার অনশনক্লিষ্ট অধিবাসীদের নিকট তাহা বিক্রয় করিয়া তাঁহারা লক্ষ লক্ষ টাকা লাভ করিতেছেন।

ইম্পাহানি-কোম্পানিকে বাংলা-সরকারের সোল-এজেন্ট নিযুক্ত করিবার ব্যাপারে আমি তদন্ত দাবি করার সরবরাহ-সচিব আমাকে তীব্রভাবে আক্রমণ করিয়াছেন। নিম্নের বিষয়গুলি সম্পর্কে পূর্ণ তথ্য জানাইবার জন্ত আমি মন্ত্রিমণ্ডলীকে অনুরোধ করিতেছি—

(১) ইম্পাহানি-কোম্পানিকে মোট যে টাকা দেওয়া হইয়াছে ( অথবা অগ্রিম হিসাবে যাহা দেওয়া হইয়াছে ), ঐ টাকা দিবার তারিখ ও উহার পরিমাণ ।

(২) গবর্নমেন্ট ও ইম্পাহানির মধ্যে যে চুক্তি হইয়াছে, তাহার নকল ।

(৩) বাংলা-গবর্নমেন্টের পক্ষে বাংলার বাহিবে যে স্থান হইতে যে সকল লোক বা এজেন্টের দ্বারা যে তাবিখে যে মূল্যে ইম্পাহানি-কোম্পানি খাণ্ডশস্ত্র ক্রয় কবিয়াছেন, তাহার বিবরণ ।

সাড়ে চারি কোটির অধিক টাকা ইম্পাহানি-কোম্পানিকে দেওয়া হইয়াছে । এই টাকা সুরাবদি সাহেবের ব্যক্তিগত ব্যাঙ্কের হিসাব হইতে দেওয়া হই নাই ; বাংলার সরকারি তহবিল হইতেই দেওয়া হইয়াছে । স্মৃতরাং জনসাধারণের জানিবাব অধিকার আছে, এই বিপুল অর্থের প্রত্যেকটি পাইয়েব হিসাবে যথাযথ ভাবে রক্ষিত হইয়াছে কিনা । মন্ত্রিমণ্ডলীর সহিত এই ব্যবসায়ী-প্রতিষ্ঠানটির বাজনীতিক সম্পর্কের কথা স্মরণ রাখিলে এ বিষয়ের প্রয়োজনীয়তা বিশেষভাবে উপলব্ধি হইবে । আমবা বিশেষ নির্ভরযোগ্য সূত্রে হইতে সংবাদ পাইয়াছি, বাংলা-গবর্নমেন্টের নিকট ইম্পাহানি যে মূল্যে চাউল বিক্রয় কবিয়াছেন, বহুক্ষেত্রেই তাহা যে সকল স্থান হইতে তাঁহারা চাউল কিনিয়াছেন, সেই সেই স্থানের প্রচলিত বাজার-দর অপেক্ষা অনেক বেশি । ইহার জন্য পুঙ্খানুপুঙ্খ তদন্তের প্রয়োজন । ইহা দোষাবোপ অথবা পান্টা দোষারোপের কথা নয় । মন্ত্রীদের স্মনায়েব যদি কিছুমাত্র অবশিষ্ট থাকে, তাহা হইলে আমি যেসকল তথ্য জানিতে চাহিয়াছি, তাহার পূর্ণ-বিবরণ প্রদান করা তাঁহাদের উচিত হইবে । আমি যাহা জানিতে চাহিয়াছি, তাহা জনস্বার্থেরই পর্যায়ভুক্ত । অত্যন্ত

আপত্তিজনক উপায়ে কাজ-কারবার চালান হইয়াছে ; এই একটিমাত্র ব্যাপার হইতেই উহাব স্বরূপ উদঘাটিত হইবে ।

মন্ত্রিমণ্ডলীর একটি মারাত্মক ভ্রান্তি হইয়াছে, সরবরাহের ব্যবস্থা না করিয়া মূল্য-নিয়ন্ত্রণ জারি করা । গবর্নমেন্ট পূর্বাঙ্কুই সমগ্র প্রদেশের হিসাব লইয়াছেন বলিয়া ধরা যাইতে পারে । কোথায় সঞ্চিত মাল রহিয়াছে তাহা তাঁহাদের জানা উচিত । সরবরাহের ধারা শুষ্ক হইয়া গেলে মূল্য-নিয়ন্ত্রণ একেবারে অর্থহীন ; যদি সরবরাহ অব্যাহত থাকে তবেই মাত্র মূল্য-নিয়ন্ত্রণের দ্বারা উপকাব হইতে পারে । আজ সমগ্র শস্যসঞ্চয় অদৃশ্য হইয়াছে । যদি গবর্নমেন্ট খোঁজ করিয়া উহা বাহির করিতে না পাবেন, তাহা হইলে তাঁহাদের হিসাব-গ্রহণ একটা ভায়া-সার ব্যাপার হইয়াছে ; বাস্তবক্ষেত্রে তাঁহাদের অযোগ্যতা প্রমাণিত হইয়াছে । বর্তমান সময়েও গবর্নমেন্টের এজেন্টগণ নিয়ন্ত্রিত মূল্যে এবং তদপেক্ষা অধিক মূল্যেও চাউল কিনিতেছেন । যে সকল অঞ্চলকে শস্যহীন অঞ্চল বলিয়া প্রকাশ্যে ঘোষণা করা হইয়াছে, সেখান হইতেও নিয়ন্ত্রিত ও তদূর্ধ্ব মূল্যে ক্রয় করা হইতেছে বলিয়া মফস্বল হইতে সংবাদ আসিয়াছে । স্থানীয় কর্মচারীগণও প্রকাশ্যে স্বীকার করিতেছেন, তীব্র অভাব বিদ্যমান থাকিতেও ধান্যশস্ত্র পাওয়া যায় না বলিয়া কোন প্রকার সাহায্য-দান করা যাইতেছে না । বাংলার সমস্ত অঞ্চল হইতে ভয়াবহ অবস্থা বিবরণ পাওয়া যাইতেছে । বাজার হইতে চাউল একেবারে অদৃশ্য হইয়াছে ; অসংখ্য লোককে অনশনে দিন যাপন করিতে হইতেছে । যদি অবিলম্বে ইহার প্রতিকার-ব্যবস্থা না করা যায় তাহা হইলে অবস্থা আরও বাহিরে চলিবার যাইবে ; সমস্ত প্রদেশকে অনন্ত দুর্গতির ক্রোড়ে নিক্ষেপ করা হইবে । প্রয়োজন মতো সরবরাহেব দায়িত্ব না লইয়া গবর্নমেন্ট যেখানেই

ক্রম করিতে আবশ্য করিয়াছেন, সেখানে বিশৃঙ্খল অবস্থা উদ্ভব হইয়াছে।

শুধু চাউনের কথা বিবেচনা করিলেই চলিবে না—যে সকল অত্যাবশ্যক জিনিষের সরবরাহে উপর মানুষের অস্তিত্ব নির্ভর কবে, তাহার প্রায় সবগুলিরই অভাব ঘটিয়াছে। দৃষ্টান্তস্বরূপ, চিনির কথা বলা যাইতে পারে। বর্তমানে চিনি সম্পূর্ণভাবে গবর্নমেন্টের নিয়ন্ত্রণাধীন। কিন্তু বাজারে চিনির মূল্য নিয়ন্ত্রিত-মূল্য অপেক্ষা অনেক বেশি। কেন এরূপ হইয়াছে? চিনি কেন্দ্রীয় সরকার কর্তৃক নিয়ন্ত্রিত হইতেছে; বাংলার প্রাপ্য পরিমাণ সেখান হইতেই নির্ণীত হয়। বাংলার চিনি কেবলমাত্র বাংলা-সরকারের মনোনীত ব্যবসায়ীদের নিকট আসে। এই ব্যবসায়ীরা শুধু তাঁহাদের কাছেই চিনির সরবরাহ কবেন, যাহারা বাংলা-সরকারের নিকট হইতে লাইসেন্স পাইয়াছেন। বাজারে অথবা অন্য কোথাও এমন কোন তৃতীয় পক্ষ নাই, যাহারা আসিষা নিয়ন্ত্রণে বিত্ত ঘটাইতে পারে। অতএব নিঃসংশয়ে বলা যায়, এই প্রদেশে চিনির আমদানিকারকদের নির্বাচন দেশবাসীর স্বার্থের প্রতি লক্ষ্য রাখিয়া করা হয় নাই, রাজনীতিক এবং দলগত ব্যাপারের দিকে লক্ষ্য রাখিয়া করা হইয়াছে। বিক্রয়ের জন্য বাহাদিগকে লাইসেন্স দেওয়া হইয়াছে, তাঁহাদের বেলাতেও অমূরূপ পদ্ধতি অবলম্বিত হইয়াছে। একথা বলিতে চাই না যে, লাইসেন্স-প্রাপ্ত সকলেই খারাপ লোক। কিন্তু বড় বড় আমদানিকারক এবং ছোট ছোট ব্যবসায়ী—তাঁহাদের অনেকের নির্বাচনই দেশের স্বার্থ বিবেচনা করিয়া করা হয় নাই। মূল্যনিয়ন্ত্রণ প্রবর্তিত হইয়াছে, গবর্নমেন্ট পরিকল্পনা কার্য-ক্ষেত্রে প্রয়োগ করিয়াছেন, কিন্তু জনসাধাবণের সহিত তাচার কিছুমাত্র সম্পর্ক নাই। সরবরাহের উৎসের উপর সরকারি নিয়ন্ত্রণ রহিয়াছে,

তবু চোরাবাজার ও লাভের ব্যবসা অবাধে চলিতেছে ; তবুও বাজারে চিনি মিলিতেছে না ।

কয়েকদিন পূর্বে এক ব্যবসায়ী ভারত-সরকারের একখানি আদেশ-পত্র আমাকে দেখান । তাঁহাকে সরিষার তৈল সববরাহ করিতে বলা হইয়াছে । সরিষার তৈলের নিয়ন্ত্রিত-মূল্য প্রতি মন ৩৭ বা ৩৮ টাকা ; ভারত-সরকার ৫০ টাকা মন দরে সববরাহ চাহিয়াছেন ।

[ সুরাবর্দি সাহেব বলিলেন, সরিষার তৈলের উর্হাই নির্দিষ্ট মূল্য । ]

সুরাবর্দি সাহেব বলিতেছেন যে, বাংলা-সরকার পঞ্চাশ টাকাই মূল্য নির্দিষ্ট করিয়া দিয়াছেন । ইহাও মজার ব্যাপার । ভারত-গবর্নমেন্ট সরিষার তৈলের মূল্য প্রতি মন ৩৮ টাকা স্থির করিয়া দিয়াছেন ; আর আমি নিজেব চোখে তাঁহাদেবই আদেশ-পত্রে দেখিয়াছি, তাঁহারা পঞ্চাশ টাকা মূল্যে কিনিতে চাহিতেছেন । কাহারো তবে চোরা-বাজার সৃষ্টি কবিতেছে, কাহারো অতি-লাভেব পথ প্রশস্ত করিয়া দিতেছে ? একদিকে বাংলার মল্লিমণ্ডলীর ব্যবস্থা, অপব দিকে ভারত-সরকারের নিয়ন্ত্রণ-বিভাগ—ইহাদের হাত হইতে বাংলার লক্ষ লক্ষ অনশনক্লিষ্টকে বক্ষা করিবার উপায় কি ?

বাংলায় বর্তমানে যে বণ্টন-ব্যবস্থা চলিতেছে, তাহা নিতান্তই অসন্তোষজনক । গত কয়েক সপ্তাহ যাবত ভারতের বিভিন্ন অঞ্চল হইতে খাণ্ড-শস্ত্র আসিতেছে বলিয়া প্রচার করা হইতেছে । খাণ্ডশস্ত্র যদি সত্য সত্যই পৌঁছিয়া থাকে, সর্বশ্রেণীর লোকের মধ্যে সমভাবে তাহার গায়সঙ্গত বণ্টন হওয়া উচিত । ইহাব জন্ত গবর্নমেন্টের যোগ্যতা ও সততার উপর যে বিশ্বাস থাকা প্রয়োজন, বর্তমান গবর্নমেন্টের উপর তাহা আমাদের নাই । বাংলাকে বাঁচাইবার একমাত্র উপায় হইতেছে, সববরাহের উপর পূর্ণ-নিয়ন্ত্রণ প্রতিষ্ঠা করা, এবং বাহাদের

উপর সর্বসাধারণের বিশ্বাস আছে এমন লোকের দ্বারা বন্টন-ব্যবস্থা পরিচালিত করা।

জন-কল্যাণের জন্য ব্যবসায়ী ও সর্বসাধারণকে আহ্বান করিতে হইবে, এবং গবর্নমেন্টের উপর সর্বশ্রেণীর পরিপূর্ণ বিশ্বাস থাকা প্রয়োজন হইবে। সরকারি কর্মচারী, ব্যবসায়ী এবং জনসাধারণের মধ্য হইতে অনাচার ও কলুষ নির্মমভাবে দমন করিতে হইবে। যে সব অশ্রম ও দুর্নীতি চলিতেছে, খুঁজিয়া বাহির করিয়া তাহা বিদূষিত করিবার দায়িত্ব গবর্নমেন্টের উপরই ন্যস্ত। অশ্রম ও দুর্নীতি দূর করিতে তাঁহারা দৃঢ়সঙ্কল্প—এই কথা যুগে বলিয়া যদি প্রকায়ান্তরে তাহাতে উৎসাহ দান করা হয়, তাহা হইলে শাস্তিমূলক ব্যবস্থা অথবা ভয়প্রদর্শন একেবারে অর্থহীন হইয়া পড়ে।

বাংলার নিদাকণ বিশুদ্ধ অবস্থার সৃষ্টি হইয়াছে। সর্বস্তরের লোকের সহযোগিতা বাস্তব এষ্ট অবস্থা হইতে উদ্ধার পাওয়া অসম্ভব। গবর্নমেন্টের পবিকল্পনাষ্টীন শাসন ব্যবস্থা যে ভাবে পরিচালিত হইতেছে, তাহা শঙ্কাজনক। গবর্নমেন্টের কার্য হইতে স্বতঃই মনে হয়, যাহা কিছু খাণ্ডশস্ত্র পাওয়া যায় তাহা ব্রহ্মব কলিকাতা-অঞ্চলের জগুই রাখা হইবে, প্রদেশের অপরাপব অংশকে অদৃষ্টের উপর ছাড়িয়া দেওয়া হইবে। মফস্বলে তীব্র অভাব বর্তমান থাকা সত্ত্বেও স্থানীয় প্রয়োজনের কথা বিবেচনা না করিয়া যথেষ্ট চাউল ক্রয় করা হইতেছে—এই ব্যাপার হইতেই জায়সঙ্গত বন্টন সম্পর্কে গবর্নমেন্টের উদাসীনতার কথা সুস্পষ্ট বোঝা যায়। খাজের অভাবে লোক মরিতেছে, আবার অনেক ক্ষেত্রে সেই সকল স্থানেই সঞ্চিত খাণ্ডশস্ত্র পড়িয়া রহিয়াছে। বাংলার জনমত এ বিষয়ে অবিলম্বে জাগ্রত হউক। গবর্নমেন্ট বদ্যাবরষ্ট নিদাকণ অব্যবস্থার পরিচয় দিয়াছেন। মিঃ আমেরি



কি এখনও এই মত পোষণ করিয়া থাকেন যে, বাংলার লোক অস্তি-ভোজনের জন্তই কষ্ট পাইতেছে ; তাহাদের—বিশেষত লোভী কৃষকদের স্বেচ্ছাকৃত সঞ্চয়ই এই অবস্থার জন্ত দায়ী ? অস্ট্রেলিয়া এবং পৃথিবীর অন্যান্য অংশ হইতে কেন বাংলায় দ্রুত খাদ্যশস্য আমদানি করা হইতেছে না ?

বাংলাদেশে খাদ্যশস্যের উৎপাদন বাড়াইবার জন্ত কোন উল্লেখযোগ্য পরিকল্পনা গ্রহণ করা হয় নাই। আমন ধানের সম্পর্কেও যদি এইরূপ পরিকল্পনামূলক পদ্ধতি অনুসৃত হইতে থাকে, তাহা হইলে সঙ্কট-মোচনের আর উপায় থাকিবে না। বোগ ও অনশনে মৃত লোক মৃত্যুযুখে পতিত হইয়াছে, তাহার এক শতাংশও যদি লণ্ডন অক্সফোর্ড বা এডিনবরাব রাজপথে মর্ষিত, তাহা হইলে ইংল্যান্ডের প্রত্যেকটি মানুষ গবর্নমেন্টের বিকল্পে ক্ষেপিয়া যাইত ; মন্ত্রীদিগকে ক্ষমতাব আমন হইতে সর্বাঙ্গীণ দিত। কিন্তু এখানে সংবাদ চাপিয়া বাধা হয়, অভিপ্রায় আবোপিত হয় ; যাহারা মন্ত্রীদের অব্যোক্ততার পরিচয় উদ্ঘাটিত করে অথবা সমালোচনা কবে, তাহাদের জন্ত বন্দি-শালাব দ্বার উন্মুক্ত হয়।

ঘরে-বাহিবে আমাকে এই বলিয়া আক্রমণ করা হইয়াছে যে, খাদ্যকে আমি নাকি রাজনীতিক কলহেব অন্তর্ভুক্ত ব্যবহার করিতেছি। যুবোপীষ দল এবং যাহারা আজ গবর্নমেন্টের দলভুক্ত তাহাদের অনেকেই এইরূপ সমালোচনা করিয়াছেন। খাদ্যসমস্যার সমাধানে বার্থ হইয়াছেন বলিয়া প্রাক্তন মন্ত্রিসভাকে ক্ষমতাচ্যুত করিবার জন্ত ইহারাই ছয় মাস পূর্বে সম্মত হইয়াছিলেন। তখন কিন্তু ইহারাই বলিতেন, দেশবাসীর কল্যাণেব জন্ত এবং জনস্বার্থেব জন্তই এইরূপ দল গড়া হইয়াছে।

আমরা কাহারও নিকট করুণার প্রার্থী নই। আজ আমাদের প্রধানতম কর্তব্য, বাংলা যাহাতে ভিক্ষকের দেশে পরিণত না হয় তাহাব ব্যবস্থা করা। লোককে ধাওয়াইয়া আপাতত বাঁচাইয়া রাখিতে হইবে, তাহাতে সন্দেহ নাই। কিন্তু বাংলার অর্থনীতিক জীবনের পুনঃপ্রতিষ্ঠা এবং আমাদের ভবিষ্যৎ বংশধরগণকে ধ্বংস ও দুর্ভাগ্যের হাত হইতে রক্ষা করিবার উপায়-উদ্ভাবনে সরকার ভিলাধ সম্মুখপে করিতে পারেন না।

খুব স্পষ্টভাবেই আমাদের কথা বলিতেছি। খাণ্ডকে আমরা রাজনীতিক ক্রৌড়াবস্তুতে পরিণত করিতে চাই না। সঙ্কট-মোচনের আমরা প্রাণপাত চেষ্টা করিতেছি। কিন্তু আমরা মনে করি, বর্তমানের বিপজ্জনক অবস্থার জন্য গবর্নমেন্ট কর্তৃক অনুসৃত নীতিই দায়ী; সেই নীতির এবং গবর্নমেন্টের সমালোচনা আমাদের করিতেই হইবে। রাজনীতিক দাসত্বই আমাদের বর্তমান অর্থনীতিক বিপর্যয়ের মূল কারণ। বাংলার উপর আজ যে প্রাণঘাতী আঘাত পতিত হইতেছে, সে আঘাত শুধু প্রকৃতির হাত হইতে আসে নাই। এই অর্থনীতিক বিপর্যয়ের মূলে রহিয়াছে শাসন-ব্যবস্থার রাজনীতিক গলদ। যতক্ষণ পর্যন্ত আমরা রাজনীতিক ও অর্থনীতিক স্বাধীনতার অধিকারী না হইতেছি, ততক্ষণ এই সমস্তই প্রকৃত সমাধান নাই। কেন্দ্রে ও প্রদেশে যদি যথার্থ ক্ষমতাপন্ন ও দায়িত্বশীল জাতীয় গবর্নমেন্ট প্রতিষ্ঠিত থাকিত, তাহা হইলে ভারতবর্ষে ও বাংলায় খাণ্ড-সমস্যার সমাধান অতি সহজেই হইতে পারিত।

কিন্তু আঙ্গিকাব অতি-দুঃসময়ে আমি এই বৃহৎ সমস্যার কথা উত্থাপন করিতে চাই না। দলগত রাজনীতিক কলহের কথাও কুলিব না। আজ যে একটি দলবিশেষের গবর্নমেন্ট বাংলার

আধিপত্য করিতেছেন, তাহার দায়িত্ব আমাদের নয়। যদি এই গবর্নমেন্ট আমলাচক্রের অংশীভূত হইয়া থাকেন এবং ব্রিটিশ শাসকবর্গের কয়েকজন প্রতিনিধি আমাদের স্বার্থের প্রতি উপেক্ষা প্রদর্শন করিয়া এই দলগত ব্যাপারে জড়িত হইয়া থাকেন, তাহার জ্ঞাতও আমরা দায়ী নই। আদবা অকুণ্ঠে বলিতে পারি, স্বাভাবিক পবিস্থিতির নিয়ন্ত্রণে অসমর্থ হওয়ার এই প্রদেশ শাসন করার নৈতিক অধিকার হইতে গবর্নমেন্ট বঞ্চিত হইয়াছেন। গবর্নমেন্ট এই অভিযোগ কখনও কবিত্তে পারেন না, বিবোধী দল কেবল সমালোচনা করিয়াই কালহরণ করিতেছেন। বস্তুত আমাদের গঠনমূলক পৰামর্শ পদে পদে উপেক্ষিত হইয়াছে। এখন এমন এক অবস্থা আসিয়াছে যে, গবর্নমেন্ট নিজেদের ভ্রান্ত-নীতি ও কর্মের জটিল জালে নিজেরাই জড়াইয়া পড়িয়াছেন।

বিবোধী দল অকপটে সদিচ্ছা ও সেবার আগ্রহ লইয়া সহযোগিতার হস্ত প্রসারণ কবিত্তেছেন। গবর্নমেন্টের নীতি এমনভাবে নির্ধারিত হউক যে, তাহা যেন সকল দল ও সকল শ্রেণীর লোকের নিকট গ্রহণযোগ্য হইতে পারে। তাহা হইলে অবস্থার প্রতিকারের জন্ত আমবা যথাসাধ্য করিতে প্রস্তুত থাকিব। কিন্তু গবর্নমেন্ট যদি তাহাদের বর্তমান ভেদ-নীতির অনুসরণ করিতে থাকেন এবং নিজেদের দায়িত্বে পবিকল্পনা তৈয়ারি ও ব্যবস্থা অবলম্বন করেন,—তাহা হইলে আমরা বর্তমানের জায় যখন সহযোগিতা যুক্তিবুদ্ধ মনে কবিব তখন সহযোগিতা করিব, আবার বৃহত্তর কল্যাণের জন্ত যখন বিরোধিতা শ্রেষ মনে করিব, তখন কঠোর বিরোধিতা করিতে সিধা করিব না।

বর্তমান মুহূর্তের প্রধানতম কর্তব্য হইতেছে মিলন এবং মানসিক একত্ববোধ। ধাঁচারা আজ ক্ষমতাব আসনে অধিষ্ঠিত, তাহারা যদি

অনুকূল আবহাওয়ার সৃষ্টি কবেন, এবং দেশের যাহারা প্রকৃত প্রভু  
 তাঁহারা কেবল মুখের কথার নয়—কাণ্ডের মধ্য দিয়া দেখাইয়া  
 দেন বাংলাকে রক্ষা করিবার কার্বে অস্তুত সাময়িকভাবেও গবর্নমেন্ট  
 ও জনসাধারণের স্বার্থের ঐক্য প্রতিষ্ঠিত হইয়াছে, তাহা হইলে সমস্ত  
 রাজনীতিক বিতর্ক হগিত রাখিয়া আমরা মিলিতভাবে এই প্রদেশের  
 ধনসম্পদ ও জনসম্পদ একত্র কবিবার কার্বে আত্মনিয়োগ কবিব। \*

\* ১৭ই সেপ্টেম্বর, ১৯৪৩ তারিখে বঙ্গীয় ব্যাবস্থা পরিষদে  
 প্রদত্ত বক্তৃতার অনুবাদ।

## খোলা চিঠি

শ্রদ্ধা জন কার্ণাট অস্থিত হইয়া পড়িলে তাহার জায়গার নিহারের গবর্নর শ্রদ্ধা টমাস রাদারফোর্ড বাংলার গবর্নর হইয়া আসন। ৭ই সেপ্টেম্বর, ১৩৪৩ তারিখে তাহাকে এই খোলা চিঠি দেওয়া হয়।

প্রিয় শ্রদ্ধা টমাস রাদারফোর্ড, বাংলার ইতিহাসের অতিশয় সঙ্কট-মুহুর্তে নিতান্ত অন্বাভাবিক অবস্থার মধ্যে আপনি শাসক হইয়া আসিয়াছেন। এই প্রদেশের অধিবাসীদের নিদারুণ দুর্গতির মধ্যে সেবা কবিবাব অকপট আগ্রহ লইয়া সংস্কার-যুক্ত চিন্তে আপনি আসিয়াছেন, এই আশা করিয়া আপনাকে এই খোলা চিঠি লিখিতে সাহসী হইতেছি। সর্বপ্রথম আপনাকে জনসাধারণের আস্থা অর্জন করিতে হইবে; বাস্তব পটভূমিতে সমস্ত ঘটনা স্বয়ং প্রত্যক্ষ করিতে হইবে এবং সর্ববিধ বিভিন্ন মতামত শ্রবণ করিতে হইবে। নিজেকে আপনি আমলাচক্রের মুখপাত্র অথবা মন্ত্রীদিগের কার্ণেব নির্লিপ্ত দর্শক বলিয়া বিবেচনা করিবেন না।

আজিকার দিনে সর্বাপেক্ষা বড় প্রয়োজন, দল-নির্বিশেষে সরকারি বেসরকারি এই প্রদেশের সমগ্র সম্পদ ও জনশক্তি সার্বজনীন সেবার আদর্শে উৎসুক করিয়া তোলা। অতীতে যে সকল ভুল করা হইয়াছে, তাহার আলোচনা করা আমার উদ্দেশ্য নয়। তবে ভবিষ্যতে যাহাতে তাহার পুনরাবৃত্তি না ঘটে তাহার জন্য যাহা প্রয়োজন, ততটুকু আমাদের মনে রাখিতে হইবে। নিম্নলিখিত বিষয়গুলি সম্পর্কে আপনি যেন অবিলম্বে প্রত্যক্ষভাবে মনোযোগ প্রদান করেন, এই জন্য আপনাকে অনুবোধ জানাইতেছি।

১। বাহাতে অভাব ও অনশনে লোকের প্রাণ ও স্বাস্থ্য-হানি না ঘটে, উক্ত গবর্নমেন্টকে খাদ্যশস্য ও অগ্নাশ্ম অত্যাবশ্যক দ্রব্য সরবরাহের পূর্ণ দায়িত্ব গ্রহণ করিতে হইবে। যুদ্ধ এবং যুদ্ধ-প্রচেষ্টার সহিত সংশ্লিষ্ট সর্ববিধ ব্যবস্থা অক্ষুণ্ণ রাখিবার প্রয়োজনীয়তার উপরই এব্যবত অত্যধিক জোব দেওয়া হইয়াছে। প্রধানত তাহার ফলেই বর্তমান ছুরবস্থা। গবর্নমেন্ট প্রথম হইতেই সাধারণ লোকের কল্যাণের প্রতি দৃষ্টি রাখিবার দায়িত্ব সম্বন্ধে অবহিত হন নাই। বেসামরিক জনসাধারণকে বাচাইয়া রাখা রাষ্ট্রের প্রাথমিক দায়িত্ব, যুদ্ধকালে প্রদেশের অভ্যন্তরে শান্তি ও নিরপত্তা একান্তভাবে আবশ্যক— তাহার জল্পও ইহা অপবিহার্য। ভবিষ্যতে যেন এ সম্পর্কে কোন অসতর্কতা না ঘটে।

২। ভারতবর্ষের অগ্নাশ্ম অংশ হইতে নিয়মিত সরবরাহ পাইবার ব্যবস্থা করিতে হইবে। ভারত-সরকার বাংলায় অল্প নিদিষ্ট পরিমাণ সস্ত্রান্তি স্থান করিয়াছেন; উহা বাড়াইতে হইবে। গত ছয় মাস ধরিয়া আমরা এই কথা বলিয়া আসিতেছি, ভারতের বাহির হইতে বিশেষত অস্ট্রেলিয়া হইতে বাংলার খাদ্যশস্য আমদানির ব্যবস্থা করিতে হইবে। এই ব্যবস্থা আজও কেন করা হয় নাই, বাংলা তাহা জানিতে চায়। যদি দেখা যায় অগ্নাশ্ম স্থান হইতে আমদানি শস্য প্রয়োজন মিটাইবার পক্ষে যথেষ্ট নয়, তাহা হইলে গত বৎসর আন্তর্জাতিক রেডক্রসের মধ্যবর্তিতায় গ্রীস যে ভাবে শস্য পাইয়াছিল বাংলার জল্প সেইভাবে চাউল পাইবার চেষ্টা করা উচিত।

৩। বাণিজ্য-সংক্রান্ত বিধিনিষেধ প্রত্যাহত হইবার পর পার্শ্ববর্তী প্রদেশসমূহ হইতে বাংলা-সরকার যে পদ্ধতিতে চাউল ক্রয়ের চেষ্টা করিয়াছিলেন, তাহা অতিশয় ক্রটিযুক্ত। টেণ্ডার আহ্বান না করিয়া

মুসলিম লীগের সহিত সম্পর্কিত কোন অন্তর্গতপুত্র ব্যবসায়ী-প্রতিষ্ঠানকে এজন্ম নির্বাচিত করা হয়। ঐ প্রতিষ্ঠানকে আজ পর্যন্ত চার কোটি পঞ্চাশ লক্ষ টাকা প্রদান করা হইয়াছে। বাংলা-গবর্নমেন্টের নিকট ন্যূনতম মূল্যে বাহাতে এই চাউল বিক্রয় করা হয়, তৎসম্পর্কে কোন প্রতিশ্রুতি লওয়া হয় নাই, অথবা দেশবাসীর স্বার্থবক্ষার উপযুক্ত কোন ব্যবস্থা অবলম্বিত হয় নাই। কোন নিরপেক্ষ বিচারকমণ্ডলীর দ্বারা এই ব্যাপারের তদন্তের ব্যবস্থা করিবার জন্ত আমবা আপনাকে অনুরোধ করিতেছি। আমাদের বিশ্বাস করিবার যুক্তিসঙ্গত কারণ আছে, কাজ-কারণ যথাযথ উপায়ে এবং বাংলার অধিবাসীদের স্বার্থের প্রতি লক্ষ্য রাখিয়া পরিচালিত হইতেছে না। যদি নিরপেক্ষ তদন্তের ব্যবস্থা হয় তবে আমরা দেখাইতে পারিব, বর্তমান মন্ত্রিসভা বাঙালার প্রতি কি প্রকার অন্তার আচরণ করিয়াছেন, — দেশবাসীর মঙ্গল বিবেচনা না করিয়া কি ভাবে দলের মধ্যে অন্তর্গত-বিতরণে তৎপন্ন হইয়াছিলেন।

৫। বাংলা দেশের ভিতরে শস্য-সংগ্রহের জন্ত সবকার কর্তৃক যে ব্যবস্থা অবলম্বিত হইয়াছে, আমবা তাহাতে বিশেষভাবে নূক হইয়াছি। গত জুন মাসে বাংলায় যে বহু-বিঘোষিত ধান-অভিযান হইয়াছিল, তাহাব সম্বন্ধে সাধারণের কি ধারণা তাহা আপনাকে অবগত হইতে হইবে। অভিযানের ফলাফল আজিও প্রকাশিত হয় নাই। আমবা দাবি করিতেছি, অবিলম্বে উহা প্রকাশিত হউক। সরকারি হিসাব অনুসারে কোন্ অঞ্চলে ঘাটতি বহিয়াছে এবং কোন্ অঞ্চলেই বা উন্নত বহিয়াছে আমাদের পক্ষে তাহা জানিবার উপায় নাই। ব্যবসায়ী এবং বড় বড় আড়ম্বারকে বিভিন্ন অঞ্চল হইতে অত্যধিক মূল্যে অবাধে চাউল কিনিতে দিয়া বাংলার সর্বাধিক ক্ষতি করা হইয়াছে।

পল্লী অঞ্চলে যে শস্ত সঞ্চিত ছিল, ইহাব ফলে তাহা অপব্যয়িত হইয়া গেল। প্রকৃতপক্ষে সরকারি নীতিই এইরূপ অবাধ-ক্রমে উৎসাহ দান করিয়াছে; ইহাতে বহু ব্যাপক দুর্গতির সৃষ্টি হইয়াছে। সরবরাহের উপযুক্ত ব্যবস্থা না করিয়াই গবর্নমেন্ট মূল্য-নিয়ন্ত্রণ করিলেন। নিয়ন্ত্রণ-প্রবর্তনের পূর্বে বড় বড় আড়তদার এবং ক্রেতাকে দেশের বিভিন্ন অংশে ভ্রমণ করিয়া চাউল ও ধান কিনিবার জন্য এক সপ্তাহেরও অধিক সময় দেওয়া হইল। ইহার অপরিহার্য পরিণতি, চোবাবাজার ও ফাটকাবাজারের উদ্ভব। যেখানেই গবর্নমেন্ট চাউল ক্রয় করিয়াছেন, সেখানেই দুর্গতি ও মূল্যবৃদ্ধি দেখা দিয়াছে। অস্বীকার কবি না যে, ঘাটতি-অঞ্চলের অভাব পূরণ করিতে হইলে গবর্নমেন্টের পক্ষ হইতে ক্রয় না করিয়া উপায় নাই। কিন্তু গবর্নমেন্ট-ক্রয়ের উদ্দেশ্যে খাণ্ডশস্ত্র বাজারে আসিলে, জনসাধারণের মধ্যে খাণ্ডের জায়গায় বর্টনের দায়িত্ব-গ্রহণের জন্যও তাঁচাদিগকে প্রস্তুত থাকিতে হইবে। বর্তমান সরকারি ক্রয়-নীতির আমূল সংশোধন প্রয়োজন। জিনিসের মানে আমন ধান উঠিবার পূর্বে যদি ইহা সংশোধিত না হয়, তাহা হইলে আমাদের রক্ষাব উপায় থাকিবে না।

৫। বর্টন-ব্যবস্থা সম্পর্কেও অসুস্থকান করিবার জন্য আপনাকে অনুরোধ করি। আমরা বিবেচনা করি, এই ব্যবস্থা বিশেষ ক্রটিপূর্ণ। সরকার কর্তৃক প্রচারিত এক সাম্প্রতিক ইস্তাহার অনুসারে স্থানীয় কর্মচারীরাই বর্টনের এজেন্ট-নির্বাচন করিবেন; নির্বাচনের সময় যে সকল বিষয়ের বিবেচনা করা হইবে, সম্প্রদায়গত বিবেচনাও তাহার অন্তর্ভুক্ত। বর্টনের নীতি-নির্ধারণের সময় সরকার যদি দলগত অথবা সাম্প্রদায়িক বৃদ্ধির দ্বারা পরিচালিত হন, তাহা হইলে তাহার ফল ঋণাত্মক হইবে। সরকার কি পরিমাণ শস্ত কিনিয়াছেন অথবা জরুরি



প্রয়োজনে আটক করিয়াছেন, তাহা আমরা অবগত নই। যে সরকার হু পাওয়া গিয়াছে, তাহার বন্টন-ব্যবস্থা সম্পর্কে পুথানুপুথি তদন্তের প্রয়োজন। এই প্রদেশের সময়-বিভাগেব সঞ্চিত শস্তের পরিমাণ কি এবং রেলওয়ে ও বড় বড় ব্যবসায়ী-প্রতিষ্ঠানগুলিই বা কত মাল মজুত রাখিয়াছেন? ভারত-সরকার ঘাটতি পূরণ করিবেন এই প্রতিশ্রুতি দিয়া সঞ্চিত মালের একাংশ বেসামরিক জনসাধারণের ব্যবহারের জন্ত কি ছাড়িয়া দেওয়া যাইতে পারে না?

৬। বাংলার বর্তমানে খাদ্যশস্ত্রের স্বল্পতা আছে, এ সবক্ষে কোন সন্দেহ নাই। খাদ্যদ্রব্যের স্বল্পতা নাই—এই কথা দাযিত্বশীল মন্ত্রিবর্গ গত কয়েক মাস যাবত ঘোষণা করিয়া যেভাবে মূল্যবান সময় নষ্ট করিয়াছেন ও মানুষকে ধাপ্পা দিয়াছেন, তাহা বাস্তবিক পীড়াদায়ক। আয়ন ধান না উঠা পর্যন্ত প্রদেশেব প্রয়োজন কতটা তাহা নির্ণয় করা, এবং তাহা ও বিচারসঙ্গত বন্টন-ব্যবস্থাব প্রবর্তন করাই বর্তমান মুহূর্তে সর্বপ্রথম কর্তব্য। সবববাহেদ পরিমাণ যখন সীমাবদ্ধ, তখন রেশনিং-এব ব্যবস্থা করাই প্রতিকারের উপায়। দুঃখবরণ ও আত্মোৎসর্গের জন্ত লোকে প্রস্তুত আছে, কিন্তু ব্যক্তি-নিরপেক্ষ ভাবে সকলকেই স্বার্থত্যাগ করিতে হইবে। সুনিয়ন্ত্রিত বন্টন-ব্যবস্থাই তাহার ভিত্তি-স্বরূপ হইবে।

৭। বাংলার অধিবাসীরা আজ যে দুর্গতি ভোগ করিতেছে তাহার শোচনীয়তা সম্পর্কে আমি আলোচনা করিতে চাই না। কলিকাতাতেই আমরা যাহা প্রত্যক্ষ করিতেছি, তাহা যথেষ্ট হর্ষাস্তিক। বাংলার বিভিন্ন স্থান হইতে যে সংবাদ আসিতেছে তাহা আরও ভয়ঙ্কর। এক সম্প্রদায়ের লোকের অবস্থা অতি শোচনীয় হইয়াছে—ইহারা দরিদ্র মধ্যবিত্ত সম্প্রদায়ের লোক। ইহারা লক্ষরখানায় আহাৰ্য গ্রহণ করিতে

পারেন না, সরকারের নিকট হইতে দানও গ্রহণ করিতে পারেন না। ইহারা ইংল্যান্ডের রাজনীতিক ও সামাজিক জীবনের মেরুদণ্ড। ইহারা যদি পিষ্ট ও দুর্বল হইয়া যান, তাহার ফল যারাত্মক হইবে। বেসরকারি প্রতিষ্ঠানসমূহ ইহাদের দুর্দশা-লাঘবের জন্য ষথাসাধ্য চেষ্টা করিতেছেন। ভারতের বিভিন্ন অংশ হইতে আমরা যে সাহায্য ও সহানুভূতি পাইয়াছি, তাহা আমাদের অস্তব স্পর্শ করিয়াছে। এই সকল বেসরকারি প্রচেষ্টার পূর্ণ সমর্থন করা গবর্নমেন্টের কর্তব্য। কিন্তু যে বিরাট সমস্যার সমাধান প্রয়োজন, বেসরকারি প্রচেষ্টা তাহার সামান্যই করিতে পারে। গবর্নমেন্টকেই শেষ-দায়িত্ব গ্রহণ করিতে হইবে; সর্বশ্রেণীর লোকের সহযোগিতা গ্রহণ করিয়া কাজ করিতে হইবে। বাংলার বর্তমান মন্ত্রিসভা দল-বিশেষের প্রতিনিধি; তাঁহাদের আবেদন সর্বসাধারণের সাহায্য ও সহযোগিতা লাভে সফল হইবে না।

এই মন্ত্রিসভা যে অধিবাসীদের এক বৃহৎ অংশের বিশ্বাসভাজন নহেন, তাহাতে সন্দেহের অবকাশ নাই। জনসাধারণের স্বার্থরক্ষার কার্যে ইহারা সম্পূর্ণভাবে ব্যর্থ হইয়াছেন। এই পক্ষে আমি দলগত প্রশ্ন তুলিতে চাই না, কিন্তু একটি কথা আপনাকে স্মরণ রাখিতে অনুরোধ করি। ঋক্স-সঙ্কট মাত্র প্রাকৃতিক দুর্ভোগের ফলেই সৃষ্ট হয় নাই, শাসন-ব্যবস্থার রাজনীতিক ত্রুটিও ইহার অন্য দায়ী। যে গবর্নমেন্ট সমস্ত অধিবাসীর পূর্ণ বিশ্বাসভাজন এবং ইহারা সববাহ ও মূল্যের পূর্ণ-নিয়ন্ত্রণে সমর্থ, সেই গবর্নমেন্টই এই অবস্থার প্রতিকার করিতে পারেন। ভারতশাসন-আইন অনুসারে যে উচ্চতম কর্তৃপক্ষের হস্তে প্রকৃত ক্ষমতা স্তম্ভ রহিয়াছে, এই প্রকার গবর্নমেন্টের উপবর্তী হইতে হইবে। যদি প্রতিনিধিমূলক জাতীয় সরকার গঠন করা না যায়, বা এই প্রকার জাতীয় সরকারকে

বিশ্বাস করা না যায়, তাহা হইলে ব্রিটিশ-সরকারের প্রতিনিধিরূপে বিকল্প ব্যবস্থা হিসাবে আপনাকেই সমগ্র দায়িত্ব লইতে হইবে ; আপনিই নিজের পবিকল্পনা ও কার্যক্রম লইয়া বাংলার অধিবাসীদের সম্মুখীন হইবেন । ব্রিটিশ-সরকার এখনও ভারতবাসীদের প্রভু বলিয়া দাবি করেন—অতএব সভ্য গবর্নমেন্টের প্রাথমিক দায়িত্ব পালনের জন্য শাসকবর্গই অগ্রসর হইয়া আসুন ।

(৮) পরিশেষে আমি দৃঢ়তার সহিত বলিতে চাই যে, লক্ষ লক্ষ মানুষ নিঃস্বতাব শেষ স্তরে আসিয়া পৌঁছিয়াছে, মৃত্যুর সংখ্যা ইতিমধ্যেই ভয়াবহ হইয়া উঠিয়াছে ; ইহাদের জীবনরক্ষা করিতে হইলে অবিলম্বে নিশ্চয়ই খাদ্য-সরব্বাহের প্রয়োজন । কিন্তু খাদ্য-সংগ্রহই একমাত্র সমস্যা নহে । বাঙালী যাহাতে ভিক্ষকের জাতিতে পরিণত না হয়, সে বিষয়ে আমাদের বিশেষ ব্যবস্থা করিতে হইবে । সুযোগ্য এবং দৃবদৃষ্টিসম্পন্ন একদল লোককে গবর্নমেন্টের পূর্ণ সহযোগিতা লইয়া কাজ করিতে হইবে ; বাংলাকে অর্থনীতিক ক্ষয় ও ধ্বংস হইতে রক্ষা করিবার জন্য দূরপ্রসারী পরিকল্পনা প্রস্তুত করিতে হইবে । সাময়িক প্রয়োজন মিটাইবার জন্য আমাদের এই যে উদ্বেগ, তাহার মধ্যে সমস্তার দূরপ্রসারী দিকটা যেন আমরা ভুলিয়া না যাই । অধিক-খাদ্যশক্তি উৎপাদনের জন্য সরকারি আন্দোলনটি বিরাট ব্যর্থতার পর্যবসিত হইয়াছে । এই বিভাগেব পুনর্গঠন ও ইহাকে শক্তিশালী করিয়া তোলা একান্ত প্রয়োজন । একটি মাত্র উদাহরণ দিতেছি : একমাত্র বর্ধমান জেলাতেই চারি লক্ষ একর জমি দায়োদরের বস্তার প্রাবিত হইয়া গিয়াছে । সমগ্র জমিতে আমন ধান হইতে পারিত । কয়েক সপ্তাহ পূর্বে এই বস্তাপ্রাবিত অঞ্চল হইতে কিয়দা এক বিঘৃতিতে আমি বলি, অক্টোবরের শেষভাগে জল সরিয়া যাইবার সঙ্গে সঙ্গে

এই বিরাট ভুখণ্ডে বাহাতে যব গম কলাই উৎপন্ন হইতে পারে, তাহার উদ্দেশ্যে অবিলম্বে বীজ-বন্টনের ব্যবস্থা হওয়া আবশ্যিক। স্থানীয় কৃষকেরা এই প্রকার সাহায্যের জন্ত আমাদের কাছে কাতর প্রার্থনা জানাইয়াছিল। গবর্নমেন্ট এই দিক হইতে কোন কার্যকরী ব্যবস্থা অবলম্বন করেন নাই। ইহা একটিমাত্র দৃষ্টান্ত; প্রয়োজন হইলে আরও অসংখ্য দেওয়া যাইতে পারে।

(৯) এই পত্রে অন্যান্য সমস্যার বিশদ আলোচনা করিতে চাই না। শিশু এবং স্ত্রীলোকদিগকে উদ্ধার করা, নিবাস্রমদের জন্ত বাসগৃহের ব্যবস্থা করা, শিক্ষা-প্রতিষ্ঠানগুলিকে রক্ষা করা, হাজার হাজার লোক ম্যালেরিয়ার মৃত্যুমুখে পতিত হইতেছে—বিশেষ করিয়া মেদিনীপুর জেলায়—তাহাদিগের চিকিৎসা-ব্যবস্থা করা, এইরূপ অনেক সমস্যা রহিয়াছে।

(১০) বর্তমানে দেশের অভ্যন্তরে অনুকুল আবহাওয়া সৃষ্টিবিশেষ প্রয়োজন রহিয়াছে, সেজন্য রাজনীতিক ব্যবস্থাও অপরিহার্য। আপনাকে অনুবোধ করি, আপনি সাহস করিয়া সমস্ত রাজনীতিক বন্দীকে মুক্তি-দান করুন। এই সঙ্কটসময়ে দেশের সেবা করিবাব জন্ত তাঁহাদের প্রবল ইচ্ছা রহিয়াছে, মুক্ত হইলে তাঁহারা ইহার সুযোগ পাইবেন। আমার ব্যক্তিগত জ্ঞান হইতে বলিতে পারি, যদি এইরূপ ব্যবস্থা অবলম্বিত হয় তাহা হইলে বাংলার আর্থিক এবং রাজনীতিক অবস্থার অভূতপূর্ব উন্নতি হইবে। আমাদের এবং আরও অনেকের সুস্পষ্ট অভিমত এই যে, ভারতবর্ষ অর্থনীতি ও রাজনীতির দিক হইতে স্বাধীন না হইলে আমাদের সমস্যাসমূহের স্থানীয় সমাধান হইবে না। আপনার স্বদেশীয় নরনারী যে ধারণা পোষণ করিয়া গর্ব অনুভব করেন, আমরাও ঠিক সেই ধারণা পোষণ করি—যে, প্রাচ্যেই হউক

আর পাশ্চাত্যেই হউক, বৈদেশিক প্রভুত্ব সহ করা কাহারও পক্ষে উচিত নয়। বর্তমান সঙ্কটজনক অবস্থার দ্বন্দ্ববতাকে আমরা তুলিয়া যাইতেছি না ; বাংলার অধিবাসীদের রক্ষা করিতেই হইবে। তাহারা যদি দারিদ্র্য ও অনশনে মরিয়া যায়, তাহা হইলে বাংলারও অস্তিত্ব লুপ্ত হইবে।

(১১) কর্তব্য অতিশয় দুর্লভ। গবর্নমেন্ট ও জনসাধারণের স্বার্থ যদি সম্পূর্ণ একীভূত হইয়া যায়, তবেই উহাব সমাধান হইতে পারে। আজ অকপট সদিচ্ছা লইয়া বিরোধের অবসান ঘটাইবার সময় আসিয়াছে। ভারতবর্ষে যে শাসন-ব্যবস্থা চলিতেছে, সর্বোত্তম শাসকও উহাব চক্রজালে পড়িয়া যাইতে পাবেন। আপনি কি ভাবে কার্য-পরিচালনা করিবেন, কি ভাবে কঠোর কর্তব্য-পালনের পরিকল্পনা করিতেছেন, তাহা জানি না। কিন্তু এই কথা বলিয়া আমি শেব' করিতে চাই, বাংলার অধিবাসীদের স্বার্থভাবে আহ্বান করিবাব সাহস ও রাজনীতিক দৃবদৃষ্টি যদি আপনার থাকে, তাহা হইলে সকলেই সহযোগিতাব হস্ত প্রসারণ কবিয়া বর্তমান সঙ্কটেব সমাধান-চেষ্টায় সমবেত হইবে।

## প্রতিকারের উপায়

সম্প্রতি বাংলার যে দুদিন দেখা দিয়াছে, ভারতবর্ষের আধুনিক ইতিহাসে তাহা অভূতপূর্ব। প্রায় দুই শতাব্দীব্যাপী পরাধীনতান ফলে স্বাভাবিক সময়েও ভারতবাসী দারিদ্র্য ও আংশিক অনশনের মধ্যে দিন যাপন করে। ইহার উপর আজ বাংলায় আরও বিষম সঙ্কট ঘনাইয়া আসিয়াছে—যুদ্ধের সংঘাত ও গুরুতব রাজনীতিক দুর্দৈব।

পঞ্চাশের মধ্যস্তর দৈব দুর্দটনা-প্রকৃত নয। বহু ও বাত্যার ফলে কয়েকটি জেলায় শস্তহানি হইয়াছে সত্য, কিন্তু সাবা বাংলা জুড়িয়া যে নিদারুণ বীভৎসতা দেখা দিয়াছে, তাহার কারণ অন্তবিধ। মিন্দাবাদ বা দোষ দেখানো এ প্রবন্ধের উদ্দেশ্য নয। ব্রিটিশ-সরকার এখনও ভারতের প্রভুত্ব দাবি কবেন ; আমি চাই, তাঁহাদের উদ্যোগে একটি রয়্যাল-কমিশন গঠিত হউক। নিরপেক্ষ বিচক্ষণ ব্যক্তিনা ঐ কমিশনের সদস্য হইয়া দুর্ভিক্ষের মূল-কারণ অনুসন্ধান করিবেন। তখন ধরা পড়িবে, আমলাতান্ত্রিক শাসন-ব্যবস্থায় কত গলদ, কত অনাচার ও অযোগ্যতা। ব্রিটিশ-সরকারের যে প্রতিনিধিদের হাতে আসল ক্ষমতা চুষ্ট রহিয়াছে, তাঁহাদের দায়িত্বজ্ঞানশূন্যতাও তাহা হইলে প্রকাশ হইয়া পড়িবে। বোঝা যাইবে, প্রাদেশিক স্বায়ত্ত-শাসনের শূন্যগর্ততা। একদিকে মন্ত্রি-মণ্ডলী—তাঁহাদের দায়িত্ব আছে প্রচুর, কিন্তু ক্ষমতা নাই। অপর দিকে লাটসাহেব ও আমলাচক্র—তাঁহারা সর্বশক্তিমান, কিন্তু দায়িত্বের কোন বালাই নাই। বাদ-প্রতিবাদ পবম্পরের প্রতি দোষারোপ অনেকই

হইয়াছে। যদি সত্য নির্ণয় করিতে হয়, তাহা হইলে অসুসন্ধানে ভার দিতে হইবে এমন সব সুযোগ্য ব্যক্তির উপর, যাহারা প্রচাঁই, দেশবাসী যাহাদের উপর পূর্ণ আস্থাশীল।

বাংলাকে বাঁচাইবার জন্য আমরা আবেদন করিয়াছিলাম। তাহা ফলে ভারতের প্রতি অকলে দাবণাতীত সাদা জাগিয়াছে। সর্বশ্রেণীর মানুষের নিকট হইতে স্বতঃ উৎসারিত সাহায্য-ধারা আসিতেছে। বাঙালির হৃদয় ইহা গভীরভাবে স্পর্শ করিয়াছে। কিন্তু আমি বারবার বলিয়াছি, শুধু জনসাধারণের চেষ্টায় সঙ্কটের অনসান হইতে পারে না। গবর্নমেন্টের সর্বপ্রধান কাজ, দেশবাসীর ঝাণ্ডা যোগানো, এই কর্তব্য পালনে গবর্নমেন্টকে বাধ্য করিতে হইবে।

আমাদের চেষ্টার ফলে অস্তুত দুইটি কাজ হইয়াছে। প্রথমত, বাংলা ও অপরায় প্রদেশে, এমন কি ভারতের বাহিরেও—জনমত গড়িয়া উঠিয়াছে। খবর চাপা দেওয়া এবং অবস্থা লঘু করিয়া দেখানোর যথেষ্ট চেষ্টা হইয়াছিল; কিন্তু সত্য গোপন থাকে নাই। সমগ্র সত্য-জগতের দৃষ্টি আজ বাংলার উপর পড়িয়াছে; ভারতে বৃটিশ-শাসনের ফলাফল লইয়া দেশ-বিদেশে তিত্ত সমালোচনা হইতেছে।

দ্বিতীয়ত, এ যাবত সরকারি-প্রচেষ্টা অতি সামান্যই হইতেছিল। শুধু এই বুলি শুনিয়া আসিতেছিলাম, ঘবে ঘবে অজস্র খাপসস্তার গোপনে লুক্কিত হইয়া আছে। বেসরকারি প্রতিষ্ঠানগুলির সাহায্য-চেষ্টায় মন্ত্রিমণ্ডলীর এখন স্তব বদলাইয়াছে। লোভী ব্যবসাদার ও সঞ্চয়ী গৃহস্থের ষাড়ে দোষ চাপাইয়া আর দায় মিটিবে না; সরকারের চোখ ফুটাইয়া দেওয়া হইয়াছে যে, দেশবাসীকে বাঁচাইবার প্রধান দায়িত্ব তাঁহাদেরই। গবর্নমেন্টের তবক্ষ হইতে আজ অবধি খুব যে বেশি কাজ হইয়াছে তাহা নহ। তবে লাভ এই হইয়াছে, সারা বিশ্বের কাছে কর্তৃপক্ষকে

অবিরত জবাবদিহি করিতে হইতেছে। জনগণকে শাসন করিবার দ্বারা দাবি রাখেন, জনগণের জীবন-রক্ষার দায়িত্ব হইতে তাহারা কিছুতেই অব্যাহতি পাইবেন না।

বাংলার সমস্যা আজ বড় নিদারুণ। কেবল অনসত্রে খুলিয়া ইহার সমাধান হইবে না। পল্লী-অঞ্চলে খাদ্য একেবারে অমিল। পেটের জ্বালায় ও দুর্দশার তাড়নায মানুষ গ্রাম ছাড়িয়া দলে দলে শহরে আসিতেছে। আশা, শহরে আসিলে খাদ্য পাইবে। যত ও যুযুঁর সংখ্যা দিন দিন বাড়িতেছে। লক্ষ লক্ষ নরনারী জীবনীশক্তির শেষ সীমায় আসিয়া পৌঁছিয়াছে—ইহাদের মধ্যে মধ্যবিত্ত সস্ত্রান্ত পরি-  
বাবেবাও আছেন। অবিলম্বে প্রতিকার না হইলে ইহারা একেবারে নিশ্চিহ্ন হইয়া যাইবেন।

মাগুৰ ঘরবাড়ি ছাড়িয়া বাহির হইয়া পড়িতেছে। ছন্নছাড়া হইয়া কে কোথায় ছিটকাইয়া পড়িতেছে, ঠিক নাই। গোষ্ঠীবন্ধন বিচ্ছিন্ন হইয়া যাইতেছে। বাংলার সামাজিক ও অর্থনৈতিক কাঠামো দ্রুত ভাঙিয়া পড়িতেছে।

রুগ্ন কঙ্কালসার শিশুগুলি বাংলার ভবিষ্যৎ শঙ্কিত করিয়া তুলিয়াছে। বেসরকারি প্রতিষ্ঠানগুলি যত দ্রুত সম্ভব সাহায্যের ব্যবস্থা করিতেছে; স্থানীয় লোকজনের মধ্যেও তাহারা অনুপ্রেরণা জাগাইয়াছে। কিন্তু খাদ্যবস্তুর অভাবে সকল চেষ্টা বাধাপ্রাপ্ত হইতেছে। আবার খাদ্য যদিই বা কোনপ্রকারে সংগৃহীত হয়, যানবাহনের অসুবিধায় উহা যথা-স্থানে পৌঁছাইয়া দেওয়া দুষ্কর হইয়া উঠিয়াছে।

সরকারের পরিকল্পিত ব্যবস্থায় বিশেষ কিছু কাজ হইবে বলিয়া মনে হয় না। দশজনকে লইয়া পবম্পরের সংযোগ-সূত্রে কাজ করিবার ব্যবস্থা তাহাতে নাই। যে কোন মূল্যেই চাউল কিনিতে হইবে—এই বেপরোয়া



নীতিব ফল আজ মারাত্মক হইয়া দাঁড়াইয়াছে। বাংলাদেশে ষাটশস্যের যথেষ্ট স্বল্পতা রহিয়াছে। একরূপ ক্ষেত্রে সরকারকে সরবরাহ ও বন্টন—উভয়েরই পূর্ণ ভার লইতে হইবে; ঐ দুইটি ব্যাপাব এমন ভাবে চালাইতে হইবে, যাহাতে খাদ্যের অভাবে কোন শ্রেণীর লোককেই উপবাস করিতে না হয়। কিন্তু ইহার জন্ত চাই, এমন গবর্নমেন্ট—যাহার উপর দেশের সর্বশ্রেণীর আস্থা আছে। গবর্নমেন্টের স্বার্থ ও দেশবাসীর স্বার্থ অভিন্ন হইলে তবেই জাতীয় কল্যাণের এই নীতি সাফল্যমণ্ডিত হইতে পারে।

এই ভয়াবহ অবস্থা হইতে পবিত্রাণ পাইবার জন্ত আমাদের পরিকল্পনা আমি ইতিপূর্বেই গবর্নমেন্ট ও দেশবাসীর নিকট উপস্থাপিত করিয়াছি। কলিকাতা ও পার্শ্ববর্তী শিল্পাঞ্চলে বাংলার মোট জন-সংখ্যার শতকরা সাত ভাগ মাত্র বাস করে। বাংলার গ্রামের সংখ্যা প্রায় এক লক্ষ, উহা পাঁচ হাজার ইউনিয়ন-বোর্ডে বিভক্ত। ইহা ব্যতীত মিউনিসিপ্যালিটির সংখ্যাও প্রায় এক হাজার হইবে। এই বিরাট পল্লী-অঞ্চল আজ একেবারে চাউলশূন্য হইয়া গিয়াছে; গ্রামবাসী তিলে তিলে মৃত্যুবরণ করিতেছে। বাংলাকে বাঁচাইতে হইলে ঐ পাঁচ হাজার ইউনিয়ন বোর্ড ও এক হাজার মিউনিসিপ্যালিটি কেন্দ্রে অবিলম্বে চাউল আটা ও অপরাপর খাদ্যবস্তু পাঠাইতে হইবে। প্রতি কেন্দ্রে গড়ে অন্তত হাজার মন কবিরী পাঠাইয়া (কতকগুলি বড় শহরে বেশি পাঠাইবার প্রয়োজন হইবে) গবর্নমেন্ট অগৌণে কাজ আরম্ভ করিয়া দিন। স্থানীয় সাহায্য এবং বাহির হইতে বাহা পাওয়া যাইলে, তাহার দ্বারা অবিরত এই ব্যবস্থাকে পুষ্ট করিতে হইবে। প্রয়োজন মতো ক্রমশ আরও মাল-সরবরাহের ব্যবস্থা থাকিবে। রাষ্ট্র ও জনসাধারণের সমবেত প্রচেষ্টায় এই প্রকার ব্যাপক সাহায্য অবিলম্বে

যদি আরম্ভ না করা হয়, তবে পৌষ মাসে আমন ফসল উঠিলে তাহাও দেশবাসীর ভোগে আসিবে না। উহাব সংগ্রহ ও বন্টনে অব্যবস্থা চলিবে ; দুর্ভিক্ষ দেশের মধ্যে স্থায়ী হইয়া রহিবে।

প্রত্যেকটি কেন্দ্রে সরকারি গুদাম থাকিবে ; একজন দারিদ্রশীল সরকারি কর্মচারী উহাব তত্ত্বাবধান করিবেন। তিনি স্থানীয় ইউনিয়ন বা মিউনিসিপ্যালিটি এবং বিশিষ্ট ব্যক্তিগণের সাহচর্যে সাম্প্রদায়িকতা ও দলগত প্রেরণ আদৌ আমলে না আনিয়া সাহায্য-ব্যবস্থা করিবেন। মাছুষ আজ খাদ্যের প্রত্যাশায় ঘরবাড়ি ছাড়িতেছে, এই রকম ব্যবস্থার তাহা নিবারণিত হইতে পারে। দুর্গত গ্রামবাসীদের জন্ম যে শস্যভাণ্ডার গঠিত হইবে, শস্যের পবিত্রতা তাহাতে প্রযোজনের অনুরূপ না হইলেও এইরূপ ব্যবস্থার ফলে জনসাধারণের সামাজিক চেতনা জাগ্রত হইবে। ভাণ্ডার পরিপুষ্ট করিবার কাজে তাহারাই শেনে উৎসুক হইয়া উঠিবে। দুর্ভিক্ষ বাংলার চিরাচরিত জীবন-বীতি নষ্ট করিয়া দিয়াছে ; মাত্র এই উপায়েই তাহার পুনঃপ্রতিষ্ঠা সম্ভব।

কলিকাতা ও অন্তর কয়েকটি বড় শহরেন জন্ম শস্যভাণ্ডার সম্পূর্ণ পৃথক রীতিতে গড়িয়া তুলিতে হইবে। গ্রামাঞ্চল অভুক্ত রাখিয়া শহর বাঁচাইয়া রাখা—ইহা যেন কখন ঘটতে না পারে।

শাদ্যসংগ্রহ ও বন্টন সম্বন্ধে এই পরিকল্পনার বিকল্পে সরকারি তরফ হইতে হয়তো দুইটি আপত্তি উঠিবে—প্রথম, মাল কোথায় ? দ্বিতীয়, বানবাহনের উপায় কি ? গবর্নমেন্টের হাতে কি পরিমাণ খাদ্যশস্য সঞ্চিত আছে, জনসাধারণকে তাহা কখন জানানো হয় না। গত দুই মাস ধরিয়া বাংলার প্রচুর মাল আমদানি হইতেছে, কিন্তু ‘ভুক্ত কিম্ব’—এ ভাষ্য আমাদের নিকট একেবারে রহস্যচ্ছন্ন। যে কোন উপায়ে হউক, খাদ্যশস্য চাই-ই। বিভিন্ন প্রদেশ হইতে—

ভারতের বাহির হইতেও সরকার অবিলম্বে আমদানির ব্যবস্থা করুন। যুদ্ধের অত্যাবশ্যক প্রয়োজনে বহু প্রতিষ্ঠানকে পাঁচ-ছয় মাসের উপযুক্ত খাদ্য মজুত করিবার অনুমতি দেওয়া হইয়াছে। বেল-কোম্পানি পোর্ট-ট্রাস্ট কলকারখানার মালিক ও সাময়িক কর্তৃপক্ষের সহযোগিতা আহ্বান করা হউক, তাহারা মজুত খাদ্যের কতক অংশ সাময়িক ভাবে ধার দিয়া জাতির প্রাণ বাঁচাইতে সাহায্য করুন। শস্যভাণ্ডার আবার পূর্ণ করা যাইবে, কিন্তু দাণ্ডবেব প্রাণ গেলে আর ফিরিবে না। মৃতন ফসল উঠিলেই এই ঋণ শোধ দেওয়া হইবে; ভারত-সরকার উহা দায়িত্ব লইবেন। গত আট মাস ধরিয়া আমরা বাবদার বিদেশ হইতে ঋণ আমদানি করিতে বলিষাছি। এই প্রস্তাব প্রত্যাখ্যাত হইয়াছে। ইহার জন্য কে দায়ী, তাহা বিচার করা প্রয়োজন।

পত্র-পত্রিকার মারফত শুনানো হইয়া থাকে, সম্মিলিত রাষ্ট্রপুঞ্জ অজস্র খাদ্যসম্ভাব মজুত করিয়া রাখিয়াছেন; সে সব দুর্ভাগ্য জাতি এখন অক্ষমভাবে অধীন, তাহারা মুক্তি লাভ করিলে ঐ খাদ্য দিয়া তাহাদিগকে সাহায্য করা হইবে। কিন্তু সৌভাগ্যবান আমরা আজ বৃটিশ রাজত্বে বসবাস করিয়াও হাজারে হাজারে মারা যাইতেছি। ঐ সুবিপুল খাদ্যভাণ্ডারের কিছু অংশ কেন আমাদেরকে দেওয়া হইতেছে না ?

ক্যানবারা হইতে রয়টারের টেলিগ্রামে (২৮শে সেপ্টেম্বর, ১৯৪৩) জানিতে পারি—

রুশি ও বাণিজ্য-মন্ত্রী মিঃ উইলিয়াম জোন্স্‌ কালে বলিয়াছেন, যুক্তরাষ্ট্র যদি জাহাজ যোগাইতে পারেন, একক অট্টেলিয়াই দুর্গত ভারতের বস্ত্র গম সরকার—সমস্ত সরবরাহ করিতে পারেন। চালান দিবার জন্য গম মজুত হইয়া আছে, এখন জাহাজ পাইলেই হয়। জাহাজ মিলিবে কিন', যুক্তরাষ্ট্রের তরফ হইতে এ সম্পর্কে কোন উচ্চবাচ্য নাই।

অস্টে লিয়া মাল পাঠাইবার জন্য তৈয়ারি হইয়াই আছে। আনুমানিক আশি হইতে একশ মিলিয়ান বুনেল গম অস্ট্রেলিয়ায় আছে, আবার কয়েক মাসের মধ্যে নূতন কনল উঠিবে। অতএব ভারতে পাঠাইবার মতো প্রচুর গম রহিয়াছে।

মিঃ স্কালে কয়েক সপ্তাহ আগে একবার বলিয়াছেন, ভারতে পঞ্চাশ হাজার টন গম পাঠান হইয়াছে, জাহাজ পাইলে আরও পাঠান যাইবে।

অতএব দেখা যাইতেছে প্রায় আড়াই কোটি মন গম অস্ট্রেলিয়ায় মজুত আছে। ভারতবর্ষে গম পাঠাইবার জন্য তাহার উদগ্রীব, অথচ জাহাজের ব্যবস্থা হইতেছে না। ব্রিটিশ-গবর্নমেন্ট ইচ্ছা করিলেই বাংলার এই সঙ্কটেব অবসান ঘটাইতে পারেন। ইচ্ছা থাকিলেই উপায় হইবে।

আমার পরিকল্পনা সম্পর্কে দ্বিতীয় আপত্তি উঠিতে পাবে, যানবাহনের অভাব—পল্লীতে পল্লীতে খাদ্য পৌছানো হইবে কি উপায়ে? কিন্তু এই আপত্তি একেবারে ভিত্তিহীন। একান্ত প্রয়োজন বলিয়া বুলিলে যানবাহনের অভাব হইবে না। পনের দিনের জন্য একটি ব্যাপক কার্যক্রম গ্রহণ করা হউক। সমস্ত সাধারণ কাজকর্ম বন্ধ রাখিয়া রেল স্টিমার নৌকা মোটরভ্যান সামরিক ও বেসামরিক লরি এমন কি গরুর গাড়ি পর্যন্ত খাদ্য বহিবার কাজে লাগিয়া যাক। বাংলার লক্ষ লক্ষ অনশনক্রিষ্টের জন্য শস্যভাণ্ডার গড়িয়া তোলা—ইহাব অধিক প্রয়োজনীয় কর্তব্য বর্তমান মুহূর্তে আর কি আছে? আজ যদি বাংলাদেশে শত্রুর আক্রমণ হইত, যানবাহনের অভাবে আমরা কি নিশ্চেষ্ট হইয়া থাকিতে পারিতাম? দুর্ভিক্ষ ও মহামারী জাপানি অভিযানের চেয়ে কোন অংশে কম সাংঘাতিক নয়। এই ব্যাপারটিকেও যুদ্ধ-সংক্রান্ত কর্তব্য প্রয়োজন বলিয়া মনে করিতে হইবে। বাংলা আজ প্রায় অস্ত্রিম দশায় উপস্থিত হইয়াছে; এখনও যদি তাহাকে বাঁচাইবার অকপট আন্তরিক চেষ্টা আরম্ভ হয়, তাহা হইলে শ্রেণী-

নিবিশেষে জনসাধারণ সাহায্যদানে কার্পণ্য করিবে না। প্রয়োজন হইতেছে উদ্যম দূরদর্শিতা ও অদম্য ইচ্ছাশক্তির।

প্রতিদিন—প্রত্যেকটি মুহূর্ত এখন পরম মূল্যবান। বাংলার বিভিন্ন অংশ হইতে দুঃখ দুর্গতি ও অভাবের অতিশয় শঙ্কাজনক বিবরণ পৌঁছিতেছে। এই নিদাকণ বিপদের দিনে জনহিত-প্রচেষ্টায় আমলা-চক্রের অকর্মণ্যতা ও ঔদাসীণ্যের তুলনা নাই। আমাদের নামে দোষাবোপ করা হয়, এই খাদ্যসঙ্কট ব্যাপারটিকে আমরা রাজনীতির ক্ষেত্রে টানিয়া আনিয়াছি। বাস্তবিক, রাষ্ট্রীয় পরাধীনতার জন্তই তো ভাবতবর্ষের এই অর্থনীতিক দুরবস্থা; এবং সেই কাবণেই বাংলা আজ দুর্গতির চরম সীমায পৌঁছিয়াছে।

খাদ্যকে আমরা কোনক্রমেই রাজনীতিক ক্রীড়াবস্তুতে পরিণত কবিত্তে চাই না। কিন্তু যখন দেখিতে পাই, এই দুর্ভিক্ষের মূল-কারণ শাসকবর্গের ক্রটি ও নিবুদ্ধিতা, তখন সে কথা ব্যক্ত করিয়া ভ্রাতৃনীতি পরিবর্তনের দাবি করা কি ভাবতীর হিসাবে আমাদের পক্ষে মহাপাতক হইয়াছে?

ইংরেজ এই অবস্থায় পড়িলে ইংল্যাণ্ডে আজ কি ঘটিত? অনাহার মহামারী ও মৃত্যুর তাড়নায় এমনি করিয়া যদি কাউন্টি হইতে কাউন্টিতে শহর হইতে শহরে দলে দলে নরনারী মরীয়া হইয়া ঘুরিয়া বেড়াইত, কঙ্কালসার নগ্নশিশুর আর্তনাদে লণ্ডনের রাজপথে যদি এমনি শ্মশানের ছায়া নামিত, হাইড-পার্ক হাম্পস্টেড-হীথের উপর মলমূত্রে সিক্ত ভূমিশ্যাম শত শত শব পড়িয়া থাকিত, তাহা হইলে কি দশা হইত ডাউনিং স্ট্রীটের? ক্যাবিনেট কতক্ষণ টিকিত?

ভারতবর্ষের আজ কি অবস্থা? বুদ্ধ-ব্যাপারের সঙ্গে সংশ্লিষ্ট মুষ্টিমের ভাগ্যবানকে বাদ দিলে বাকি সমস্ত দেশবাসীর অবস্থা যর্মান্তিক

হইরাছে। আমাদের জাতীয় ভবিষ্যৎ অন্ধকারাচ্ছন্ন ; অথচ এই দুর্গতির প্রতিবাদে একটি অঙ্গুলি তুলিবার ক্ষমতা কাহারও নাই। দেশশ্রেণিক সহস্র সহস্র নরনারী বন্দীশালায় অবরুদ্ধ। আর সকলের উপরে রহিয়াছে আমাদের অস্থিগজ্জাগত সনাতন অদৃষ্টবাদ—সকল দুঃখ-দুর্দশার অন্ত আমরা দুর্ভাগ্যক্রম নিয়তিকে দায়ী করিয়া থাকি। মানুষই যে আমাদের জন্মগত অধিকার নিকরু করিয়া দাঁড়াইয়াছে, এই নির্যম সত্য তুলিয়া যাই। বাজ্ঞনৈতিক অধীনতা, অর্থনৈতিক সঙ্কট, চিন্তের ক্লেশ, বুদ্ধিব জড়ত্ব—সমস্ত বাধা অতিক্রম করিয়া ভারতবর্ষকে আজ নূতন সঞ্জীবনীমন্ত্রে দীক্ষা লইতে হইবে।

১৫ই অক্টোবর, ১৯৪০

## সংগ্রহ

টাউনহলে বক্তৃতা ( ৬ই জুন, ১৯৪৩ )

মন্ত্রিগণলী সাতমাস ক্ষমতালভ করিয়াছেন, তবু তাঁহারা খাণ্ড-সমস্তা সমাধানের কোন সুসম্পূর্ণ নীতি আজও জনসাধারণের নিকট উপস্থিত করিতে পারিলেন না। ইহা দুঃখের বিষয়। বাংলার খাণ্ড-শস্ত্রের প্রকৃত অভাব নাই, বারম্বার এই তথ্যবিরোধী উক্তি করিয়া তাঁহারা সমধিক ক্ষতি করিয়াছেন। জনসাধারণকে ন্যূনতম খাণ্ড যোগানো সরকারের প্রাথমিক দায়িত্ব। বাংলা ও ভারতবর্ষের শোচনীয় দুর্ভাগ্য, এখানে লক্ষ লক্ষ দেশবাসীর স্বার্থের প্রতি লক্ষ্য রাখিয়া সরকারি খাণ্ডনীতি নির্ধারিত হয় না। ভারতবাসী অনেকে শান্তির সময়েও সারা বৎসর আধপেটা ধাইয়া থাকে। যাহা বা ঘুঙ্-সংক্রান্ত ব্যাপারে সংশ্লিষ্ট, তাহাদের প্রয়োজনের প্রতি অত্যধিক গুরুত্ব আরোপ করায় বে-সামরিক অধিবাসীদিগের স্বার্থ উপেক্ষিত হইয়াছে। বাংলার মন্ত্রীরা অযৌক্তিক ঘোষণা করিয়াছেন, তাহারই ফলে পার্লামেন্টে মিঃ আমেরি বলিতে পারিয়াছেন, শস্ত্র মজুত কবিবার ফলেই খাণ্ড-সঙ্কট হইয়াছে। দোষটা এইভাবে গবর্নমেন্টের কাঁধ হইতে দুর্গতদের কাঁধে চাপান হইল। কিছু পরিমাণে শস্ত্র যে মজুত হইয়াছে, একথা অস্বীকার করি না। কিন্তু যে সকল বড় বড় আড়তদার ও মুনাফাকারি সরকারি পৃষ্ঠপোষকতায় বাড়িয়া উঠিয়াছে, যাহারা অত্যধিক মূল্যে খাণ্ডশস্ত্র কিনিয়া বাজার বিপর্ষস্ত করিয়া দিয়াছে, আগামী খাণ্ড-অভিযান তাহাদের বিকল্পে চলিবে না; মজুত শস্ত্রের সন্ধানে পল্লী-অঞ্চলে চলিবে।

মজুত শস্তের পরিমাণ নির্ণয় নিশ্চয়ই বাঞ্ছনীয়। কিন্তু অহুস্ফান হইবার পূর্বেই পল্লী-অঞ্চলে প্রচুর মজুত মাল রহিয়াছে, অথবা এক সরকারি প্রচারপত্রে যেমন বলা হইয়াছে যে, এক শ্রেণীর লোকে দরিদ্রদিগকে পিষ্ট করিতেছে—এই প্রকার ধারণা লইয়া কাজ করিতে যাওয়া নিতান্ত অশ্রদ্ধ। সরকারের সংজ্ঞা নির্দেশ করা হইয়াছে, কিন্তু শিক্ষা চিকিৎসা ও ধর্ম-ব্যাপারে প্রতি পরিবারেরই বে-সব অত্যাশঙ্কক ব্যয় হইয়া থাকে, তাহার বিষয়ে বিবেচনা করা হয় নাই। এখানে সেখানে দুই এক হাজার মন খাত্তশস্ত পাওয়া গেলেও তাহাতে সমস্তার কোন সমাধানই হইবে না। শস্ত বিশেষ কিছুই মিলিবে বলিয়া মনে করি না; লোকের বিরক্তি বাড়িবে মাত্র। বিধাসম্বোধ্য লোকের দ্বারা হিসাব-গ্রহণের ব্যবস্থা করা হউক। হিসাব-গ্রহণ সম্পূর্ণ না হইলে, মুদাফা করিবার উদ্দেশ্যে মাল সঞ্চয় করা হইয়াছে পূর্ণভাবে তাহা প্রমাণিত না হইলে—গৃহস্থদের স্বয়ং-সঞ্চিত খাত্তশস্ত গ্রহণ করা অশুচিত হইবে।

বর্তমান মন্ত্রিমণ্ডলী যিঃ জিন্না এবং পাকিস্তানের প্রতি আহুগভ্যের বন্ধনে আবদ্ধ। যুদ্ধ ও গুরুতর খাত্তশস্ত সত্ত্বেও তাঁহারা বাংলার বিভিন্ন অংশে পাকিস্তান সম্মেলনের আয়োজন করিতেছেন। কিন্তু অহুষ্টির পরিহাসে তাঁহাদিগকেই কল্পিত-পাকিস্তানের বহিঃপ্রদেশে খাত্ত-সাহায্যের জন্ত ছুটাছুটি করিতে হইতেছে। পাকিস্তানের অর্থ-নীতিক বার্থতা বুঝিতে পারিয়া মুসলিম-লীগ মন্ত্রিমণ্ডলী এই সঙ্কট-মুহূর্তে তাঁহাদের ভেদ ও অর্নেক্যূচক কার্যাবলী হইতে বিরত হইবেন কি?

পূর্বাঞ্চলে বাণিজ্যের বাধা অপসারিত হইয়াছে। কিন্তু পার্শ্ববর্তী প্রদেশসমূহ তন্ন পাইয়া গিয়াছে, দুর্ভিক্ষপীড়িত বাংলা অতিশয় উচ্চ



মূল্যে তাহাদের খাণ্ডশস্ত্র আকর্ষণ করিয়া লইবে ; দুর্ভিক্ষ তাহাদের মধ্যে ছড়াইয়া পড়িবে। এই সকল অঞ্চল হইতে কিছু পরিমাণ সাহায্য আসিবে সন্দেহ নাই ; কিন্তু মন্ত্রিমণ্ডলী এ বিষয়ে এখনও কোন নিশ্চিত সিদ্ধান্তে উপস্থিত হইতে পারেন নাই।

পল্লী-অঞ্চলে এমন সব লোকের মধ্যে খাণ্ড-অভিযান চলিবে যাহারা নিজেরাই অভাব ও দুর্গতি ভোগ করিতেছে। অথচ বড় বড় আড়ত-দার ও মুনাফাকারীদের প্রদেশের যে-কোন অঞ্চল হইতে যে-কোন মূল্যে অবাধে চাউল কিনিতে অনুমতি দেওয়া হইয়াছে। দরিদ্র গৃহস্থের উপকারার্থে প্রত্যেক অঞ্চলকে নাকি এই উপায়েই স্বাবলম্বী করিবার পরিকল্পনা হইয়াছে! কি করিয়া তাহা সম্ভব হইতে পারে, আমাদের বুদ্ধির অগম্য।

সম্প্রতি কয়েক সপ্তাহ ধরিয়া বাংলার বাহির হইতে চাউল কেনা হইয়াছে ; উহার পূর্ন হিসাব পাওয়া প্রয়োজন। কি মূল্যে তাহাদের দ্বারা এই চাউল কেনা হইয়াছে? এই চাউল বিক্রয় করিয়া বিক্রয়তা যাহাতে অশুচিত লাভ না করে, তাহার জন্য সরকার কি ব্যবস্থা করিয়াছেন? আমরা ইহাব উত্তর চাই। যে সব ব্যবসায়ী বাংলার বাহির হইতে অল্পমূল্যে চাউল কিনিয়াছেন, গবর্নমেন্ট কি তাঁহাদিগকে বেশি মূল্য দিয়াছেন? গবর্নমেন্টের সুস্পষ্ট কর্তব্য, আমদানি চাউলের উপর পূর্ণ-নিয়ন্ত্রণ প্রতিষ্ঠা করা, এবং দুর্গত-অঞ্চলে নিয়ন্ত্রিত-দোকানের মধ্যবর্তিতায় যাহাতে স্বেচ্ছাসেবিত মূল্যে এই চাউল বিক্রয় হয় তাহার ব্যবস্থা করা।

অধিক-খাণ্ড উৎপাদন আন্দোলনটি যাহাতে প্রসার লাভ করে তাহা সকলেরই কাম্য। বিভিন্ন অঞ্চল হইতে খবর আসিতেছে, লোকে আগামী ফসলের বীজ খাইয়া ফেলিয়াছে, বীজ পাওয়া যাইতেছে

না। এইরূপ শোচনীয় ব্যাপার যাহাতে না ঘটে অবিলম্বে তাহার ব্যবস্থা করা গবর্নমেন্টের উচিত। লোকে চাউলের পরিবর্তে যাহাতে অল্প খাওয়া যায়, গবর্নমেন্ট সেই উদ্দেশ্যে প্রচারকার্য চালাইতেছেন। অস্তুত সেইসকল দ্রব্যের সরবরাহ সম্পর্কে গবর্নমেন্টকে আশ্বাস দিতে হইবে; নতুবা প্রচারকার্য অর্থহীন হইবে। চাউলের পরিবর্তে আটা খাইতে বলা হইতেছে; গমের আমদানি তাহা হইলে বহুপুণ বাড়াইতে হইবে। কেন্দ্রীয় সরকার বাংলাকে বাইশ লক্ষ টন গম দিতে চাহিয়াছেন। বর্তমান সঙ্কট হইতে রক্ষা পাইবার জন্য বাংলার আরও অস্তুত দশ লক্ষ টন বেশি গম প্রয়োজন। যে গম নির্দিষ্ট হইয়াছে, তাহা শেষ পর্যন্ত বাংলার পৌছিতে কিনা এবং অতিরিক্ত সরবরাহ পাওয়া যাইবে কিনা, এ সম্বন্ধে গবর্নমেন্টের নিকট হইতে স্পষ্ট উত্তর চাই। প্রয়োজন হইলে সমুদ্র-পার হইতে গম আনাইবার ব্যবস্থা করিতে হইবে। স্বাভাবিক সময়েও দেশের মধ্যে আমাদের প্রয়োজন মিটে না; এখন বৃদ্ধ-ব্যাপারে এবং সমুদ্রপারের দেশসমূহে সরবরাহ করিতে গিয়া আমরা আরও নিঃস্ব হইয়া পড়িয়াছি।

ব্রহ্মদেশে ব্রিটিশের পরাজয় আমাদের দুর্গতির অস্তুতম কারণ। ব্রহ্ম হইতে চাউল আসিতেছে না; এজন্য অপর কোন বিশেষ ব্যবস্থা করিতে হইবে। বাংলার খাদ্যসমস্যাতে মিত্রশক্তি সমর-প্রচেষ্টার অন্তর্ভুক্ত বলিয়া বিবেচনা করিবেন। শাসকবর্গের একথা শ্রবণ রাখা প্রয়োজন, বাংলার দুর্দৈব মিত্রশক্তির উদ্দেশ্য-সাধনের পক্ষে অস্তুত হইবে না। এই প্রদেশে খাদ্যের অভাব নাই, লোকের অতি-সঙ্কর হইতে বর্তমান সঙ্কটের কারণ—মন্ত্রিমণ্ডলী এই কথা ঘোষণা করিয়া সমস্যা মিটিয়া তুলিতেছেন। এইরূপ ইচ্ছাকৃত আত্মপ্রতারণা হইতে তাহারা কাস্ত হউন।

একটি কথা মন্ত্রিমণ্ডলীকে বিশেষভাবে স্মরণ করাইয়া দিতেছি। খাণ্ড-অভিযান চালাইতে তাঁহারা কৃতসঙ্কল্প হইয়াছেন—কিন্তু এই অভিযান যেন কোনক্রমে রাজনীতিক বা দলগত উদ্দেশ্য-সাধনে চালিত না হয়। বাংলার প্রত্যেক ইউনিয়নে মুসলিম-লীগের শাখা-গঠনের জন্য বঙ্গীয় প্রাদেশিক মুসলিম-লীগ হইতে সম্প্রতি এক ইস্তাহার জারি করা হইয়াছে। আবার এদিকে প্রত্যেক দুইটি থানায় একটি করিয়া খাণ্ড-কমিটী নিয়োগের ব্যবস্থা হইতেছে। লীগের উপরোক্ত প্রচেষ্টার সহিত এই ব্যাপাবেব কোন সম্পর্ক আছে কিনা, বলিতে পারি না। খাণ্ডকমিটীগুলি যাহাতে যথার্থ প্রতিনিধিমূলক হয়, যাহাতে কোনরূপ দলীয় বা সাম্প্রদায়িক অসন্তোষ সৃষ্টি করিতে না পারে, দেশবাসীকে সে বিষয়ে সর্বদা সজাগ থাকিতে হইবে। এই পরিকল্পনা সম্পর্কে বিভিন্ন দল ও প্রতিষ্ঠানের যতামত গ্রহণ করা মন্ত্রিমণ্ডলী প্রয়োজন মনে কবেন নাই। বর্তমান সঙ্কট-সময়েও যাহারা শুধু দলগত স্বার্থ ও দলীয় আনুগত্যের কথাই ভাবিতে পারেন, তাঁহাদের পক্ষে জনগণকে ঐক্যবদ্ধ করা এবং জনসাধারণের মধ্যে খাণ্ডনীতি সম্পর্কে উৎসাহের সঞ্চার করা একেবারে অসম্ভব।

জনসাধারণ ও গবর্নমেন্টের স্বার্থ যদি একীভূত না হয়, তবে খাণ্ডসমস্যার কোন সমাধান হইতে পাবে না। প্রকৃত তথ্য যাহাতে গোপন করা না হয়, এ সম্বন্ধে আমাদের নিশ্চয়তা দান করিতে হইবে; প্রয়োজন হইলে গবর্নমেন্টের নীতি ও কার্যকলাপ জনসাধারণের নিকট প্রকাশ করিতে হইবে। উপযুক্ত সরবরাহ ও বণ্টন ব্যতীত এই সঙ্কটমোচনের উপায় নাই; তজ্জন্ম বে রাজনীতিক ও অর্থ-নীতিক ব্যবস্থা আবশ্যিক, মিলিতভাবে আমরা তাহার দাবি উপস্থিত করিব।

বিস্তৃতি ( ২৪শে আগস্ট, ১৯৪৩ )

বর্ধমান এবং নদীয়ায় বস্ত্রা ও ছুর্জিক-পীড়িত কোন কোন অঞ্চল পরিদর্শন করিয়া চারিদিন পরে আমি এইমাত্র ফিরিয়া আসিয়াছি। যে দৃশ্য দেখিয়াছি এবং বিশ্বস্তহস্ত হইতে ধ্বংস ছুর্গতি ও অনশনের যে সব সংবাদ পাইয়াছি, তাহা অত্যন্ত ভয়াবহ। গবর্নমেন্ট যে সেবার্কার্য আরম্ভ করিয়াছেন, প্রয়োজনের তুলনায় তাহা অতি-সামান্য। বিভিন্ন বেসরকারি প্রতিষ্ঠান লোকের দুঃখ-লাঘবের চেষ্টা করিতেছেন, কিন্তু তাঁহাদের ক্ষমতা সীমাবদ্ধ। আরও গুরুতব কথা, তাঁহারা খাণ্ডশস্ত্র সংগ্রহে সমর্থ হইতেছেন না। খাণ্ডশস্ত্র না পাইলে লোকের কিসে ক্ষুধা মিটিবে? অসংখ্য নরনারী অনশনে রহিয়াছে, বহু লোক যারা পড়িয়াছে, যাহুব সন্তানসন্ততি ও পোষ্যবর্গ বিক্রয় ও পরিত্যাগ করিতেছে। চারিদিকে অসহায় অবস্থা।

অনশন ও স্বপ্নাহারে লোকের জীবনী-শক্তি এত কমিয়া গিয়াছে যে অবিলম্বে উপযুক্ত ব্যবস্থা না হইলে বাংলাদেশের সর্বনাশ হইবে। নিরাশ্রয় মানুষ ভিক্ষুকে পবিত্র হইতেছে। আব এক শ্রেণীর লোকের অন্ত কোন ব্যবস্থাই হইতেছে না—ইঁহারা দরিদ্র মধ্যবিত্ত শ্রেণী। লক্ষ্যরথানায় আসিয়া আহার্য গ্রহণ করিতে পাবেন না, ভিক্ষা করিতে পারেন না, একটিমাত্র পথ ইঁহাদের সামনে বিস্তৃত—অনাহাৰে তিলে তিলে মৃত্যুবরণ করা।

দেশের বিভিন্ন অঞ্চলে অনেক বেসরকারি সাহায্য-সমিতি গঠিত হইয়াছে; এইরূপ অনেক সমিতি আমি পরিদর্শন করিয়া আসিয়াছি। তাঁহারা যেন সকলের সঙ্গে সহযোগিতা করিয়া কাজ করেন, আর ছুইটি বিষয়ে বিশেষভাবে লক্ষ্য রাখেন। প্রথমত, সরকারের তরফ হইতে যে সাহায্য-চেষ্টা হইতেছে তাহার প্রতি সতর্ক দৃষ্টি রাখিতে

হইবে, যেন উহা জনস্বার্থের সম্পূর্ণ অনুকূলে পরিচালিত হয়। দ্বিতীয়ত স্থানীয় লোকজনের নিকট হইতে যতদূর সম্ভব অর্থ ও জিনিষপত্র সংগ্রহ করিতে হইবে; স্থানীয় সম্পদ একত্র করিয়া সাহায্য-ব্যবস্থা ব্যাপক করিয়া তুলিতে হইবে।

আমি পুনঃ পুনঃ বলিয়াছি, জনসাধারণের আহার্য জোগাইবার পূর্ণ দায়িত্ব গবর্নমেন্টকেই লইতে হইবে; জনসাধারণ সাধ্যমত সর্বপ্রকার সহযোগিতা করিবেন। গবর্নমেন্ট বাহা করিতেছেন তাহা অতি সামান্য। অনেক আয়োজনেরই পশ্চাতে কোন পরিকল্পনা নাই। নিয়োক্ত পন্থায় বাহাতে গবর্নমেন্ট নীতি-পরিচালনা করেন, তৎক্ষণত জনসাধারণের পক্ষ হইতে দাবি উপস্থিত করিতে হইবে—

(১) যে সকল জেলায় তীব্র অনার্তাভাব, এখনও তথা হইতে চাউল কিনিয়া অন্ত্র লওয়া হইতেছে। গত জুন মাসে খাণ্ডের হিসাব গ্রহণের ফলাফল গবর্নমেন্ট এখনও প্রকাশ করেন নাই। খাণ্ড-অভিযানের সময়ে ঘাটতি অঞ্চল হইতেও চাউল অন্ত্র চলিয়া গিয়াছে। বর্ধমানের ভয়াবহ বন্তার পরেও ঐ জেলা হইতে সহস্র সহস্র মন চাউল অপসারিত হইয়াছে। নবদ্বীপ এবং কৃষ্ণনগর হইতেও অল্পরূপ সংবাদ আসিয়াছে। যে সকল অঞ্চলে লোকে অনাহারে মরিতেছে সেখান হইতেও অত্যধিক মূল্যে ধান-চাল কিনিয়া ধনী ব্যবসায়ী এবং মিলিটারি-কন্ট্রোল্‌বেরা অপসারিত করিতেছেন। এই সম্পর্কে আমার নিকট অনেক মর্মান্তিক অভিযোগ আসিয়াছে।

ঘোষণা করা হইয়াছে, গবর্নমেন্ট উদ্ধৃত আউশ ধান প্রকাশ্য বাজার হইতে কিনিবেন। ইহাতে সকলের মনে অবর্ণনীয় আতঙ্ক ও অসন্তোষের সৃষ্টি হইয়াছে। এই ঘোষণা অনুযায়ী কাজ হইলে বাংলায় যে ধ্বংস ও বিশৃঙ্খলা অবস্থা দেখা দিবে, তাহা হইতে উদ্ধারের আশা

ধাকিবে না। আমরা বরাবর বলিতেছি, গবর্নমেন্ট খাণ্ডশস্ত্র কিনিবার প্রয়োজন মনে করিলে সকল শ্রেণীকে খাওয়ারিবার পূর্ণ দায়িত্ব গ্রহণ করিয়া তারপর উহা করিতে পারেন। কোন্ অঞ্চলে কতটা ঘাটতি বা কতটা উর্ধ্বত্ব তৎসম্পর্কে গবর্নমেন্টের হিসাব আমাদের জানা নাই। আমি মন্ত্রিসভাকে সতর্ক করিয়া দিতেছি, তাঁহারা যদি জিদ কবিয়া বেপরোয়া ক্রয়নীতি চালাইতে থাকেন, তাহা হইলে অবস্থা অতি-ভয়ঙ্কর হইবে। বস্ত্রাপীড়িত অঞ্চলে নরনারী দুর্গতির চরম অবস্থায় আসিয়াছে। ঐসকল অঞ্চল হইতে চাউল চালান দেওয়া অবিলম্বে বন্ধ করিয়া দিতে হইবে।

(২) পশ্চিম-বাংলায় গবর্নমেন্ট যে সকল লক্ষ্যখানা খুলিয়াছেন, তাহার সংখ্যা অত্যন্ত কম। আমাদের দাবি, মেদিনীপুর ও বর্ধমানের প্রত্যেক গ্রামে এক অথবা একাধিক লক্ষ্যখানা খুলিতে হইবে। অন্যান্য দুর্গত অঞ্চলেও প্রতি ইউনিয়নে অন্তত একটি হিসাবে লক্ষ্যখানা একান্ত আবশ্যিক। ঐ সকল অঞ্চলে বেসরকারি সাহায্য-ব্যবস্থা হইতেছে; প্রস্তাবিত সরকারি ব্যবস্থা তদতিরিক্ত হইবে।

(৩) গৃহহীন নরনারীর কুড়েঘরগুলি পুনর্নির্মাণ করিয়া দিবার ব্যবস্থা হয় নাই। যে সাহায্য দেওয়া হইতেছে, প্রয়োজনের তুলনায় তাহা নগণ্য।

(৪) বেসরকারি সাহায্য-প্রতিষ্ঠানসমূহ নিয়মিত ভাবে গবর্নমেন্টের নিকট হইতে সমস্ত চাউলের সরবরাহ পাইতেছেন না। এই সামান্য সাহায্যটুকু যেন প্রত্যেক প্রতিষ্ঠানই পান। যে কাজ ইহারা করিতেছেন, আসলে তাহা গবর্নমেন্টেরই করণীয়।

(৫) বহু মধ্যবিত্ত পরিবারকে উপবাস করিয়া থাকিতে হইতেছে, তাঁহাদিগকে সাহায্য-দানের কোন ব্যবস্থা নাই। সাহায্য-ব্যবস্থা

করিয়া ইহাদের বাঁচাইতে হইবে। যে সকল বেসরকারি প্রতিষ্ঠান একদিকে কাজ শুরু করিয়াছেন, সম্ভায় খাণ্ডশস্ত্র সরবরাহ করিয়া গবর্নমেন্টে তাঁহাদিগকে সাহায্য করিবেন।

(৬) চিকিৎসা-সংক্রান্ত সাহায্যের জরুরি প্রয়োজন। ম্যালেরিয়া এবং পেটের পীড়ার জন্তু ব্যাপক ভাবে চিকিৎসা-ব্যবহার প্রয়োজন। বস্ত্র-বন্টনের জন্তুও কোন ব্যবস্থা নাই। বস্ত্রহীন অসংখ্য লোক—তাঁহাদের মধ্যে যেয়েরাও আছেন—লজ্জা-নিবারণেব পস্থা ভাবিয়া পাইতেছেন না।

(৭) কৃষিখন দেওয়া হইতেছে ; কিন্তু কোথা হইতে বীজ সংগ্রহ হইবে লোকে তাহা জানে না। এই বিষয়ের সরকারি পরিকল্পনা জনসাধারণকে অবিলম্বে জানাইবার প্রয়োজন। এক বর্ধমান জেলাতেই তিন লক্ষ একর জমির আমন ধান বস্তায় নষ্ট হইয়াছে। এই জমিতে অবিলম্বে পুনবার চাষের ব্যবস্থা করিতে হইবে। অক্টোবরের শেষের দিকে জল কমিয়া যাইবে। তখন গম ঘব ছোলা এবং কলাই উৎপাদনের জন্তু বাহাতে উপযুক্ত পরিমাণ বীজ পাওয়া যায়, তাহার ব্যবস্থা করিতে হইবে। জমি খুব উর্বর ; গম-চাষের পক্ষে উহা বিশেষ উপযোগী। এই বৃহৎ অঞ্চলে প্রচুর শস্ত উৎপন্ন হইতে পারিবে। যদি অবিলম্বে ব্যবস্থা না হয়, ছয় মাস পরে বর্ধমানকে অধিকতর মারাত্মক অবস্থার সম্মুখীন হইতে হইবে। আমি যেখানে যেখানে গিয়াছি, স্থানীয় বিশিষ্ট লোকদিগের সহিত এই বিষয়ে আলোচনা করিয়াছি। কৃষকদের বীজ-সংগ্রহে অনুরোধ হইতেছে, একজন্তু সকলেই উদ্বেগ প্রকাশ করিয়াছেন। কয়েকটি বেসরকারি প্রতিষ্ঠানের সহিত আমি ব্যবস্থা করিয়া আসিয়াছি, তাঁহারা এই সম্পর্কে বিশেষভাবে সচেষ্ট হইবেন। গবর্নমেন্টকে ঐকান্তিক অনুরোধ জানাই, বীজ-সংগ্রহ ও বন্টন সম্পর্কে পরিকল্পনা স্থির করিয়া তুর্গত জনসাধারণকে উহা যেন অবিলম্বে জানাইয়া দেওয়া হয়।

লক্ষ লক্ষ অনশনক্রিষ্টের জন্য অতি-ক্রম প্রচুর খাদ্যশস্য আমদানি করাই আসল সমস্যা। গবর্নমেন্ট জনসাধারণের পাশে আসিয়া দাঁড়াইতে পারেন নাই। বর্তমান মন্ত্রিমণ্ডলী, স্থায়ী সরকারি কর্মচারিবৃন্দ এবং ভারত-সরকার—আজিকার অবস্থার জন্য কাহার দায়িত্ব কতটা তাহা এখানে আলোচনা করিতে চাই না। চাউনের তীব্র অভাব উপস্থিত হইয়াছে। যে চাউল আছে, তাহা সকলশ্রেণীর মধ্যে সমভাবে বিতরণ হওয়া প্রয়োজন। যে অঞ্চলে অভাব রহিয়াছে, গবর্নমেন্ট অবিলম্বে সেখান হইতে বস্তানি বন্ধ করুন। জনসাধারণকে খাওয়াইবার দায়িত্ব না লইলে তাঁহাদের আদৌ চাউল কেনা উচিত নয়। বাংলার যে সঙ্কট দেখা দিয়াছে, প্রতিদিন তাহা গুরুতর আকার ধারণ করিতেছে। দেশের নরনারী সর্বপ্রকার সম্পদ—যত সামান্যই হউক না কেন—দুর্গতদের বাঁচাইবার জন্য সংগ্রহ করুন। জনমত উদ্ভূত করিয়া তুলুন। যাহাতে গবর্নমেন্ট জনসাধারণের প্রতি কর্তব্যসাধন করেন, নিভীকভাবে তাহাব দাবি কবিত্তে হইবে। এদেশের এবং ইংলণ্ডের গবর্নমেন্ট উপলব্ধি করুন, অনশনক্রিষ্টে বাংলা তাঁহাদের নিজেদেরই স্বার্থের পক্ষে বিপদের কারণ হইয়া উঠিতে পারে। ভারতের অন্যান্য অংশ হইতে, বিশেষত বহির্ভারত হইতে—খাদ্যশস্য আমদানি করিয়া অবিলম্বে এই অবস্থার প্রতিকার করিতে হইবে।

দেশের শাসন-ব্যাপারে আমরা দেশবাসী ও শাসকবর্গের মধ্যে শোচনীয় স্বার্থ-বিরোধ লক্ষ্য করিয়া আসিতেছি। এই স্বার্থ সম্পূর্ণ একীভূত করিয়া গবর্নমেন্ট যদি সাহস ও দৃঢ়সঙ্কল্পে সহিত জনকল্যাণের জন্য অগ্রসর হন, তাহা হইলে কেবল বর্তমান সমস্যার সমাধান হইতে পারে। বর্তমান মন্ত্রিমণ্ডলী জন-সাধারণের স্বার্থরক্ষা ব্যাপারে ব্যর্থতার পরিচয় দিয়াছেন। যাহারা প্রকৃত শাসক, তাঁহারা থাকেন পর্দার



আড়ালে ; মন্ত্রিমণ্ডলী যদি সম্মানে পদত্যাগ করিতেন, তবেই তাঁহারা লোকচক্ষুর সম্মুখে প্রকাশিত হইতেন। বাহারা ব্রিটিশ-গবর্নমেন্টের প্রকৃত প্রতিনিধি, ক্ষুণ্ণীভূত দেশের প্রকাশ্য যুদ্ধে উপস্থিত হইয়া জনসাধারণের কাছে তাঁহারা বাহাতে 'কৈফিয়ত দিতে বাধ্য হন, তাহার ব্যবস্থা করিতে হইবে। গ্রেটব্রিটেনের অধিবাসীদের আমি জিজ্ঞাসা করিতে চাই, গত কয়েক মাস ধরিয়া খাণ্ডাভাবে আমরা যে দুঃখ-ভোগ করিতেছি তাঁহারা যদি ইহার সামান্য অংশও ভোগ করিতেন, তবে নিজের দেশের গবর্নমেন্ট সম্পর্কে তাঁহারা কি ব্যবস্থা করিতেন ?

বিবৃতি ( ৫ই নবেম্বর, ১৯৪৩ )

গত আড়াই মাস যাবত বাংলার দুঃখ-লাঘবের জন্য আমরা প্রাণপাত প্রয়াস করিতেছি। ভাবতবর্ষ ও ভাবতের বাহিব হইতে যে সব মহানুভব দাতা টাকাকড়ি ও জিনিষপত্র দিয়া সাহায্য করিয়াছেন, তাঁহাদের উদ্দেশ্যে এই স্মরণে আর একবার কৃতজ্ঞতা জ্ঞাপন করি।

বেঙ্গলকারি প্রতিষ্ঠানগুলির অধিকাংশই পবম্পরের সহযোগিতায় কাজ করিতেছেন। বেঙ্গল রিলিফ কমিটি ও বঙ্গীয় প্রাদেশিক হিন্দু-মহাসভা কাজকর্মের সহিত আমি প্রত্যক্ষভাবে সংশ্লিষ্ট। আজ পর্যন্ত নগদ ও জিনিষপত্রে বেঙ্গল রিলিফ কমিটি, কুড়ি লক্ষ টাকা এবং বঙ্গীয় প্রাদেশিক হিন্দু-মহাসভা প্রায় চারি লক্ষ টাকা সংগ্রহ করিয়াছেন \*। বেঙ্গল রিলিফ কমিটি বাংলার কুড়িটি জেলায় একশ' পঁচিশটি কেন্দ্রে প্রত্যাহ প্রায় তিন লক্ষ নরনারীব সেবা করিতেছেন। অনেককে বিনা

---

\* ইহার পর আরও অনেক টাকা উঠিয়াছে। বেঙ্গল রিলিফ কমিটি এবং বঙ্গীয় প্রাদেশিক হিন্দু-মহাসভা রিলিফ কমিটির হিসাব পরিশিষ্টে দেওয়া হইল।

মূল্যে রান্না-করা খাবার দেওয়া হয় ; আবার বহুজনকে বিনা মূল্যে বা স্বল্প মূল্যে খাওয়া দেওয়া হইয়া থাকে। ইহা ছাড়া ঔষধ ও বস্ত্রাদি দিয়া সাহায্য করা হইয়াছে। ডিসেম্বর মাস অবধি এইভাবে কাজ চালাইতে হইলে যে কুড়ি লক্ষ টাকা পাওয়া গিয়াছে তাহার অনেক অধিক ব্যয় হইবে।

বঙ্গীয় প্রাদেশিক হিন্দু-মহাসভা কুড়িটি জেলায় একশ' পঁচিশটি কেন্দ্রে প্রতিদিন ষাট হাজারের বেশি লোকের সেবা করিতেছেন। বহু সাময়িক আশ্রয়-স্থান ও হাসপাতাল স্থাপন করা হইয়াছে। বস্ত্র এবং ঔষধপত্রও বিতরণিত হইতেছে। কুটিব-শিল্পের প্রসারে আমরা বিশেষ ভাবে মনোযোগ দান করিয়াছি। সাহায্যের বিনিময়ে দুর্গতেবা যাহাতে কিছু কাজকর্ম করে, সাহায্য-কেন্দ্রগুলি হইতে এই বিষয়ে উৎসাহ দেওয়া হইতেছে। দুর্গত মধ্যবিত্ত পরিবারের সাহায্যের জন্য এ যাবত আমরা চল্লিশ হাজার টাকার অধিক ব্যয় করিয়াছি। রাজনীতিক বন্দী এবং টোলেব পণ্ডিতদের পরিবাবে এই টাকা হইতে সাহায্য করা হইয়াছে।

যে বিপুল কর্মভাব গ্রহণ করা হইয়াছে, তাহার জন্য আর্থ প্রচুর অর্থের আবশ্যক। সর্বসাধারণকে ঐকান্তিক অনুরোধ জানাইতেছি, বেঙ্গল রিলিফ কমিটী ও বঙ্গীয় প্রাদেশিক হিন্দু-মহাসভাকে আরও অর্থ-সাহায্য করুন। সেবাকার্যের বিস্তৃত বিবরণ শীঘ্রই পৃথকভাবে প্রকাশিত হইবে ; প্রত্যেক দাতার নিকট এই বিবরণ প্রেরিত হইবে।

আমরা এবং অপব বহু বেসরকারি প্রতিষ্ঠান বর্তমান সঙ্কটে যথাসাধ্য করিতেছি। কিন্তু সমস্তা এত বিরাট যে উহার সম্পূর্ণ সমাধান আমাদের ক্ষমতার অতীত। প্রয়োজনের তুলনায় আমরা সাহায্যই করিতে পারিয়াছি। তবে নিঃসংশয়ে বলিতে পারি, বাংলার অবস্থা সম্পর্কে আজ যে সমগ্র ভারতবর্ষ ও বহির্জগতের দৃষ্টি আকৃষ্ট হইয়াছে

উহা আমাদেরই চেষ্টায়। সরকারও অবশেষে 'এই' সঙ্কটে তাঁহাদের গুরু দায়িত্ব উপলব্ধি করিতে পারিতেছেন বলিয়া মনে হইতেছে। পঞ্চাশের মহাস্তর ভারতে ব্রিটিশ-শাসনের কলঙ্কস্বরূপ। তদন্ত করিয়া ইহার কারণ উদ্ঘাটনের জন্ত আমরা পুনঃ পুনঃ দাবি করিয়াছি। দুঃখ-দুর্গতির ভয়াবহ কাহিনী ইতিমধ্যেই নিখিল-ভারতে ছড়াইয়া পড়িয়াছে, আব আমি নূতন করিয়া কিছু বলিতে চাই না। মৃত্যু-সংখ্যা অতি-দ্রুত বাড়িয়া যাইতেছে। অহরহ অল্পশ হৃদয়বিদারক বিবরণ আসিয়া পৌছিতেছে।

বাংলার লক্ষ লক্ষ নরনারীর কল্যাণের প্রতি লক্ষ্য রাখিয়া একটি সুনিয়ন্ত্রিত নীতি অনুযায়ী সরকারি ও বেসরকারি প্রচেষ্টার মধ্যে সংযোগ-সাধনের ব্যবস্থা কবিতে হইবে। অন্যথা পরিত্রাণের কোন উপায় নাই। আমি কয়েকটি গুরুত্বপূর্ণ বিষয়ের উল্লেখ করিতেছি; এই সম্পর্কে অবিলম্বে সরকার ও জনসাধারণের মনোযোগী হওয়া আবশ্যিক।

(১) কলিকাতা হইতে নিঃস্ব ব্যক্তিদের অপসারণের ব্যবস্থা হইয়াছে। কিন্তু পরিবার হিসাবে শ্রেণী-বিভাগ না হওয়ায় নিদারুণ বিশৃঙ্খলা ঘটতেছে। অপসারণের সময়ে বলপ্রয়োগও হইতেছে। যাহারা পড়িয়া রহিল, আত্মীয়-স্বজন হইতে তাহারা একেবারে বিচ্ছিন্ন হইয়া যাইতেছে; পরিবারের আর সকলকে কোথায় লইয়া গেল, তাহা কোনক্রমে জানিবার উপায় থাকিতেছে না। আমি বহুবার বলিয়াছি, নিঃস্ব ব্যক্তিদিগকে শেষ পর্যন্ত তাহাদের নিজ-গৃহে সমাজ-জীবনে পৌছাইয়া দিতে হইবে। এইজন্য প্রত্যেককে তাহাব বাসগ্রামের যথাসম্ভব নিকটবর্তী আশ্রয়-কেন্দ্রে লইয়া যাওয়া উচিত। প্রতিক্রমেই ধাত্ত ও অশান্ত প্রয়োজনীয় জিনিষ সরবরাহ করিতে হইবে। এই বিষয়ে লক্ষ্য বাধা হইতেছে কিনা, দেশবাসীর তাহা জানা আবশ্যিক।

সরকারকে এ বিষয়ে বিস্তৃত বিবরণী প্রকাশ করিতে হইবে ; বেসরকারী লোকদের মাঝে মাঝে আশ্রয়কেন্দ্রগুলি পরিদর্শন করিতে দিতে হইবে । কলিকাতা হইতে যাহারা বিতাড়িত হইতেছে, খাণ্ডাভাবে যদি তাহারা যারা পড়ে, তাহাতে অবস্থা জটিলতর হইবে ।

(২) একথা তিলার্থ ভুলিলে চলিবে না যে খাণ্ডের অভাবে মানুষ ধরবাড়ি ছাড়িয়া পথের ভিখারী হইয়াছে । এই বকম আরও কত লোক গ্রামে ও শহরে থাকিয়া অনাহারে নিঃশব্দে মৃত্যুবরণ করিতেছে । মাস খানেক পূর্বে আমি প্রস্তাব করিয়াছিলাম, কয়েকটি কবিয়া গ্রাম লইয়া এক একটি কেন্দ্র গঠন করিতে হইবে ; ঐরূপ প্রাত কেন্দ্রের জন্ত শস্তভাণ্ডার স্থাপন করিতে হইবে । প্রত্যেকটি শহরের জন্তও অনুরূপ শস্তভাণ্ডার থাকিবে । ঐ সব ভাণ্ডার হইতে বিনামূল্যে অথবা সস্ত মূল্যে খাদ্যশস্ত বন্টন করা হইবে । সে সব কিছুই হয় নাই । আমাদের প্রয়োজনীয় ন্যূনতম খাদ্যশস্ত সরবরাহ করিবার ক্ষমতা সরকারের আছে কিনা, এ বিষয়ে আজ জনসাধারণের আস্থা শিথিল হইয়াছে । কেবল বিবৃতির পর বিবৃতি ও ইন্তাহার ছাড়িয়া এই আস্থা পুনঃপ্রতিষ্ঠিত করা সম্ভব নয় । প্রতি অঞ্চলে শস্ত মজুত করিয়া জনসাধারণকে চাক্ষুব দেখাইতে হইবে ; ইহার ফলেই তাহাদের মনোভাবে পরিবর্তন দেখা দিবে । তখন তাহারা জনরক্ষায় সর্বশক্তি-নিয়োগের অনুপ্রেরণা পাইবে । সরকারি হিসাবে প্রকাশ, গত সাত মাসে ( এপ্রিল হইতে অক্টোবর ) সরকারি খাতে বাংলাদেশে বাহির হইতে চারি লক্ষ পঁচাত্তর হাজার টনের অধিক খাদ্যশস্ত আমদানি হইয়াছে । কিন্তু দুঃখের বিষয়, কোথাও স্থানিক প্রয়োজনে খাদ্যশস্ত মজুত করা হয় নাই । সঙ্কট ক্রমশ বাড়িয়াই চলিয়াছে । যে সাত মাসের কথা হইতেছে, মনে রাখিতে হইবে ইহা বর্তমান মন্ত্রীদেবই আমল ।

এই খাদ্যশস্য কোথায় কাহার কাছে প্রেরিত হইয়াছে, সরকারের নিকট হইতে এ বিষয়ে সুস্পষ্ট উত্তর পাইতে চাই। গত তিন মাস কাল খাদ্য কোথায় চলিয়া যাইতেছে? কেবল জেলাগুলির নাম বলিয়া দিলে চলিবে না—কোন মহকুমা, কোন থানা, কোন ইউনিয়ন, এমন কি গ্রামেরও নাম জানিবার দাবি করি। প্রত্যেকটি অঞ্চলের মানুষকে সত্যকার অবস্থা জানিতে দেওয়া হউক। স্বাধা-বন্টনের নীতি অনুসারে বিভিন্ন গ্রামকেজে খাদ্য পাঠাইতে হইবে; বিনা পরিকল্পনায় বিশৃঙ্খল ভাবে জেলায় বা মহকুমায় খাদ্য পাঠাইলে কিছুমাত্র ফল হইবে না। জাহাজ বোঝাই খাদ্যশস্য কলিকাতায় আসিতেছে, কিন্তু বন্টন-ব্যবস্থা আগাগোড়া ক্রটিপূর্ণ। সুচিন্তিত কার্যক্রম অনুসারে খাদ্যশস্য কেন বন্দর হইতেই গাড়ি-সিটার যোগে দ্রুত মঞ্চস্থলে পাঠান হয় না? কাপড় ও খাদ্যশস্য খালি না হওয়ার দরুন কতদিন সিটারে পড়িয়াছিল, কতদিন পর্যন্ত সরকারি এজেন্ট ঐ সব জিনিষের ভার লইতে পারেন নাই? মন্ত্রিসভার নিকট হইতে এই সম্পর্কে একটি বিবৃতির দাবি করিতেছি। অনেক ক্ষেত্রেই কোন বিশেষ এজেন্ট কয়েক দিন ধরিয়া মাল খালি রাখেন, পরে উহা সরকারের অনুগৃহীত মজুতদারের নিকট চালান যায়। ফলে দুর্গত অঞ্চলসমূহে মাল পৌঁছিতে অযথা বিলম্ব হইয়া যায়। ইহার কৈফিয়ৎ স্বরূপ সরকার কি বলিবেন? আমরা জানি, এই মজুতদারেরা কমিশন বাবদ লক্ষ লক্ষ টাকা লাভ করেন। এই পক্ষপাতিত্ব ও অযোগ্যতা আর কত কাল প্রশ্রয় পাইয়া দুর্গত দেশবাসীর সর্বনাশ সাধন করিবে? আমরা দাবি করিতেছি, অবিলম্বে একটি পরিকল্পনা তৈয়ারি হউক—খাদ্য ফলে প্রধান সাহায্যকেন্দ্রগুলিতে কাপড় ও খাদ্যশস্য পৌঁছিতে বিলম্ব না হয়। প্রধান কেন্দ্র হইতে

ঐ গুলি বিভিন্ন শাখাকেন্দ্রে স্থানির্দিষ্ট নীতি অনুসারে অতি-দ্রুত বণ্টন করিতে হইবে। সর্বসাধারণের অবগতির ও পরীক্ষার জন্য প্রতি সপ্তাহেই কাজের পূর্ণ-বিবরণ প্রকাশ করিতে হইবে।

(৩) পরবর্তী সমস্ত হইতেছে, সাহায্যের জন্য স্থানীয় সম্পদ যাহা পাওয়া যাইতে পারে তাহা একত্রিত করা। গবর্নমেন্টকে তাহা হইলে বর্তমান বেপরোয়া ক্রয়নীতি একেবারে ত্যাগ করিতে হইবে। আঙ্গিকার এই সঙ্কটে বাংলার লক্ষ লক্ষ নবনাবীর জীবন নষ্ট হইতেছে; বেপরোয়া ক্রয়-নীতি সঙ্কট-সৃষ্টির অন্ততম প্রধান কারণ। ধবর পাইতেছি, গবর্নমেন্টের এজেন্টরা এখনও তৎপরতাব সহিত ক্রয় করিতেছেন। যেখানেই তাঁহারা ক্রয় করিয়াছেন বা ক্রয়ের চেষ্টা করিয়াছেন, সেইখানে ক্রিনিষপত্রের আকস্মিক মূল্যবৃদ্ধি হইয়াছে। গবর্নমেন্ট ক্রয় করিতে চাহিলে সঙ্গে সঙ্গে তাঁহাদিগকে বণ্টনের দায়িত্বও গ্রহণ করিতে হইবে। এ সম্বন্ধে কোন রকম গোঁজামিল চলিবে না। বর্ধমানের একটি দুর্গত অঞ্চলে গবর্নমেন্ট লাইসেন্স-প্রাপ্ত ব্যবসায়ীদের মাল আটক করিয়াছিলেন, কিন্তু অনশনক্লিষ্ট লোকদেব মধ্যে উহা বণ্টনের অমুমতি দেন নাই। কয়েকদিন পূর্বে এই ব্যবসায়ীদের নিকট মৌখিক সরকারি আদেশ গিয়াছে, গবর্নমেন্টের খাতে তাহাদের সমস্ত মাল ইম্পাহানি-কোম্পানির নিকট দিতে হইবে। অস্ত্রান্ত দুর্গত অঞ্চল হইতে—এমনকি মেদিনীপুর ও বাঁকুড়া হইতেও গবর্নমেন্টের এজেন্টরা অনুরূপ ভাবে চাউল কিনিতেছেন। লোকের অবস্থা নিতান্ত অসহায় হইয়া পড়িতেছে।

(৪) সরকার আমন ধান কিনিবার সঙ্কল্প করিয়াছেন, এই সম্বন্ধে বিবরণ প্রকাশিত হইয়াছে। এই ক্রয়-নীতি অত্যন্ত গুরুত্বপূর্ণ। আমন ধান এ বৎসর খুব ভাল হইয়াছে। শুধু এই ধানেই অবশ্য বাংলাদেশ

রক্ষা পাইবে না; তবে যথায় বণ্টন হইলে লোকের কষ্ট নিঃসন্দেহ হ্রাস পাইবে। আমরা সরকারকে বিশেষভাবে সতর্ক করিয়া দিতেছি, আমন ধান সম্পর্কে তাঁহাদেব বর্তমান ক্রয়নীতি যেন অক্ষুণ্ণ না হয়। অতীতে কয়েকটি অল্পগৃহীত ব্যবসায়ীকে পৃষ্ঠপোষকতা করিতে গিয়া অনেক ক্ষতি হইয়াছে; আব যেন তাহার পুনরারুত্তি না ঘটে। প্রত্যেকটি গ্রামেই যেন বৎসরের উপযুক্ত যথেষ্ট খাদ্যশস্য থাকে, গ্রামবাসীদেরই এ বিষয়ে লক্ষ্য রাখিতে হইবে। যদি উদ্ভূত কিছু থাকে, তাহাই কেবল-মাত্র অপবের প্রয়োজনে লওয়া যাইতে পারে। লোকে নিজেরাই ইহা করুক—এজেন্টরা যেন বেপরোয়া কিনিতে না পারে, অথবা তথাকথিত উদ্ভূত মাল লইয়া যেন টানাটানি শুরু না হয়। কলিকাতা ও পার্শ্ববর্তী শিল্পস্থানগুলিকে সম্পূর্ণ পৃথক অঞ্চল বলিয়া গণ্য করিতে হইবে; বাংলার বাহির হইতে যে খাদ্যশস্য আমদানি হইবে, ভারত-সরকার তাহা হইতেই ঐ অঞ্চলে সরববাহের দায়িত্ব লইবেন। বৃহত্তর-কলিকাতার জন্য পৃথক ব্যবস্থা হইলে এবং গবর্নমেন্ট ও ফাটকাবাজ ক্রেতার মফস্বলের বাজার হইতে কিছুদিনের মতো সরিয়া দাঁড়াইলে সঙ্গে সঙ্গে সঙ্কট বিদূরিত হইবে, দেশের স্বাভাবিক অবস্থা দ্রুত ফিরিয়া আসিবে।

দেশের সর্বত্র মাল-চলাচল সম্পর্কে যাহাতে যথোচিত সতর্কতা অবলম্বিত হয়, গবর্নমেন্টকে এ বিষয়ে তীক্ষ্ণ দৃষ্টি রাখিতে হইবে। ব্যবসায়ী ও মজুতদারদের বাধ্য করিতে হইবে, যাহাতে মজুত মালের তাহারা সঠিক হিসাব দেয়। যুনাফা ও অতি-সঙ্কয়ের চেষ্টা দৃঢ়হস্তে বন্ধ করিতে হইবে। বৃহত্তর-কলিকাতাকে বাদ দিয়াও আমন ধানে সমগ্র বাংলার কতদিন চলিবে, তাহা বলা শক্ত; কিন্তু অবস্থা-পর্যবেক্ষণের জন্য এবং পুরা ১৯৪৪ অব্দ ও ভবিষ্যতেব ব্যাপক খাদ্যনীতি নির্ধারণের জন্য সময় পাওয়া যাইবে। ইহা কম কথা নহে।

(৫) চিকিৎসা-সংক্রান্ত সাহায্য অল্পতম, প্রধান প্রয়োজন। কলেরা, আমাশয় ও ম্যালেরিয়া ব্যাপকরূপে দেখা দিচ্ছে। বেঙ্গল রিটিক কমিটী ও বঙ্গীয় হিন্দু-মহাসভা হইতে এক লক্ষ লোকের মতো কলেরা-প্রতিষেধক ঔষধ দেওয়া হইয়াছে। কিন্তু প্রয়োজনের অনুপাতে ইহা অতি সামান্য। এক্ষেত্রেও সরকারি ও বেসরকারি প্রচেষ্টার মধ্যে সংযোগের অভাব নহিঁয়াছে। ইহা বাস্তবিকই শোচনীয়। এ বিষয়ে গবর্নমেন্টের চেষ্টা অতিশয় মন্থ ও সীমাবদ্ধ।

আব একটি প্রধান আবশ্যক-দ্রব্য হইতেছে কাপড়। শীত আসিয়া পড়িল, এখন কাপড়ের প্রয়োজনীয়তা আবও বাড়িবে। শিশুদের অবস্থা অতিশয় মর্মস্পর্শী; তাহাদিগকে বাঁচাইবার জন্য মুকলিত ব্যবস্থা প্রয়োজন। তাহাদিগেব আশ্রয়-স্থান আবশ্যক; যতদিন স্বাভাবিক অবস্থা না আসে, ততদিন তাহাদের সেখানে রাখিয়া খাওয়াইয়া পরাইয়া রাখা কবিতে হইবে।

অবস্থা অত্যন্ত নৈরাশ্রজনক। তবু আমি ঐকান্তিকভাবে সহিত বলিতেছি, এই দুর্দৈবকে এমন পন্থায় ফিরানো যাইতে পারে, যাহাব ফলে আমাদের বাংলাভূমির আর্থিক ও সামাজিক ব্যবস্থা নবরূপ পরিগ্রহ করিবে। সাধারণ বাঙালির অবস্থা স্বভাবতই অতি শোচনীয়; তাহার উপর যত্নশূন্য এই দুর্ভিক্ষের আঘাত বাঙালিকে নিষ্পিষ্ট করিয়া গিয়াছে। কয়েকটি করিয়া গ্রাম লইয়া আমাদের সমবায়-প্রতিষ্ঠান গড়িয়া তুলিতে হইবে। নিম্নের বিষয়গুলি সম্পর্কে আমরা একান্ত অবহিত হইব—

(ক) স্থানীয় ও বাহিরের অঞ্চল হইতে খাদ্যশস্য সংগ্রহ ও বণ্টন করিতে হইবে।

(খ) অধিক-খাদ্য উৎপাদনেব আন্দোলন চালাইতে হইবে।



(গ) স্বাস্থ্য, অর্থনীতি ও শিক্ষা সম্পর্কিত পুনর্গঠনের ব্যবস্থা করিতে হইবে।

সাবধানে একটি পূর্ণ কার্যক্রম তৈয়ারি করিয়া যত শীঘ্র সম্ভব কাজ আৰম্ভ কবিত্তে হইবে। কারণ বাংলাদেশ দ্রুত ধ্বংসের পথে চলিয়াছে। আঞ্জিকার সঙ্কট-মুহুর্তে সরকারি বিধি-ব্যবস্থা সম্পূর্ণ ব্যর্থ হইয়াছে। ভবিষ্যতেও এইরূপ ব্যর্থ হইবে, যদি না জনপ্রচেষ্টার সহিত সরকারি প্রচেষ্টার সংযোগ সাধিত হয়। দলগত রাজনীতির প্রশ্ন উত্থাপন করা আমার উদ্দেশ্য নহ। কিছু বাংলাকে ধ্বংস হইতে বাঁচাইতে হইলে বাঙ্গালীরা দলদলি একেবারে বন্ধ কবিত্তে হইবে। এমন আবহাওয়ার সৃষ্টি কবিত্তে হইবে, যাহাতে আমাদের ঐক্যপ্রচেষ্টা বাস্তব রূপ গ্রহণ করিতে পারে। মন্ত্রিমণ্ডলী কর্তব্য-পালনে অক্ষমতা দেখাইয়াছেন, তাই তাঁহারা আজ সাধারণের শ্রদ্ধা ও বিশ্বাস হারাইয়াছেন। জনসাধারণ ও সরকারের মধ্যে প্রকাণ্ড ব্যবধান বিদ্যমান। কি ভাবে এই ব্যবধান দূর করা যায়? বৃটিশ-সরকারের যে সকল প্রতিনিধি ক্ষমতা আঁকড়াইয়া আছেন, এই দারুণ সঙ্কট-সময়েও দমননীতি ত্যাগ করেন নাই, জনসাধারণকে বিশ্বাস করিতে পারেন না—তাঁহাদিগকেই এই প্রশ্নের জবাব দিতে হইবে। আজ বাংলায় যাহা ঘটতেছে, তাহা বৃটিশ-গবর্নমেন্টের তো বটেই—সম্মিলিত জাতিবর্গের পক্ষেও কলঙ্কের বিষয়। কারণ, পৃথিবী হইতে দুর্গতি ও অত্যাচার সমূলে উচ্ছেদ কবিত্তে হইবে নাকি তাঁহারা ঐক্যবন্ধ হইয়াছেন!

## মন্ত্রস্তর কি আবার আসিবে ?

বাংলাদেশ সঙ্কট কাটাইয়া উঠিযাছে, ধীরে ধীরে স্বাভাবিক অবস্থার ফিবিয়া আসিতেছে, অনেকের এইকপ ধাবণা। অবস্থা যাহাই হউক, এখন যে ধবণেব সরকারি কর্তৃত্ব চলিতেছে, উহা চলিতে দিলে আবার বিপর্যয় ঘটিবাব আশঙ্কা আছে। এই বিষয়ে বিশেষ সাবধানতার প্রয়োজন।

বাংলাকে বাঁচাইবাব জন্য ব্যাপক চিকিৎসাব্যবস্থাব আশু প্রয়োজন। ঐ সঙ্গে সামাজিক ও অর্থনীতিক সংস্থা পুনরুদ্ধাবেব জন্য দৃঢ়-প্রযত্ন হইতে হইবে। একান্ত সতর্কতা অবলম্বন করিতে হইবে, যেন কোনক্রমে বর্তমান বর্ষের মতো খাদ্যসঙ্কট আবার না ঘটিতে পাবে। গত ছয় মাস কাল অন্নের অভাবে ধাবণাতীত লোকক্ষয় হইয়াছে। যাহাবা কোনক্রমে বাঁচিয়া গিয়াছে, তাহাদের মধ্যে লক্ষ লক্ষ রোগেব কবলে পড়িতেছে। মানুষের জীবনী-শক্তি একেবাবে নষ্ট হইয়া গিয়াছে, সেইজন্যই সর্বত্র বোগেব প্রকোপ এমন ভয়ঙ্কর। ইহার উপর কাপড়-চোপড়ের অভাব, ঔষধ পাওয়া যায় না, পীড়িতের উপযুক্ত পথ্যাদিও একেবারে দুর্লভ। তাই দেশবাসীব দুর্গতির আবার সীমা নাই।

লক্ষ লক্ষ পরিবার উপার্জন-ক্ষমতা হারাইয়াছে। চাউলের মন এখন যদি দশ বা আট টাকাতেও নামে, তবু লোকে ভরণপোষণ চালাইতে পারিবে না। দেশের সকল অঞ্চল হইতে দুঃখ-কষ্টেব সর্বাঙ্গিক বিবরণ আসিতেছে। দুর্গতদের মধ্যে অনেকে দৈনিক সামর্থ্য হারাইয়াছে; আবার সামর্থ্য থাকিলেও অনেকে কাজ জুটাইতে

পাবিতেছে না। সকল বয়সেব সকল সম্প্রদায়ের অসংখ্য নরনারীই এই শোচনীয় অবস্থা। আরও একদল আছে—ইহাদের মধ্যে নারী ও শিশুই অধিক—নিজ নিজ পবিবাব হইতে বিচ্ছিন্ন হইয়া ইহারা শহরে ও গ্রামে সঞ্চরণ করিয়া বেড়াইতেছে; ধীরে ধীরে ইহারা পুরাপুরি ভিক্ষুক হইয়া বাইতেছে। সমাজের অর্থনীতিক বনিয়াদ চুরমার হইয়া গিয়াছে। শুধু সস্তা দামে খাদ্য-সবববাহ করিলে হইবে না, সমাজ-জীবনের পুনর্গঠনে অবিলম্বে আত্মনিয়োগ করিতে হইবে। দুঃস্থদের খাওয়াইয়া, এবং কাপড়-চোপড় টাকা-পয়সা দিয়া সঙ্কটের স্থায়ী সমাধান হইতে পাবে না। পেটের দারে মানুষ ভিক্ষুক-বৃত্তি গ্রহণ করিতেছে। ইহার ফলে, একটা সমগ্র জাতির মধ্য হইতে আত্মবিশ্বাস ও আত্মসম্মানবোধ বিনুপ্ত হইতে চলিয়াছে।

সকলের চেষ্টা-যত্ন ও সহযোগিতায় একটি সুস্থ সাহায্য-পরিকল্পনা করিতে হইবে, স্থানিক অবস্থা বিবেচনা করিয়া বিভিন্ন অঞ্চলে উহা প্রযুক্ত হইবে। কয়েকটি গ্রাম লইয়া এক একটি দরিদ্রাবাস গড়িতে হইবে। যাহারা গৃহহীন ও একেবারে অশক্ত, ঐ সকল দরিদ্রাবাসে তাহাদের খাদ্য ও আশ্রয় দেওয়া হইবে। বাকি লোকের জন্ম কালের যোগাড় করিয়া দিতে হইবে। শ্রম-মূল্যে তাহাদিগকে টাকাপয়সা ও খাদ্যাদি দেওয়া হইবে।

কারু ও শিল্পী-শ্রেণী একেবারে নিঃশ্ব হইয়া পড়িয়াছে। ইহাদের নিজ নিজ বৃত্তিতে সংস্থাপিত করিবার চেষ্টাও সঙ্গে সঙ্গে করিতে হইবে। মধ্যবিত্ত সম্প্রদায়েও লক্ষ লক্ষ পরিবার আছেন—যাহারা উপার্জনহীন অবস্থায় অথবা ষৎসামান্ত আয়ে ধীরে ধীরে মৃত্যু-কবলিত হইতেছেন। এই মধ্যবিত্তরাই বাংলার সাংস্কৃতিক ও অর্থনীতিক জীবনে সর্বাধিক দান করিয়াছেন। ইহাদের বক্ষা করা সবকারেব প্রধান দায়িত্ব।

অর্থনীতিক সংস্কার উদ্ধার এবং সমাজ-জীবনে মানুষকে পুনঃ  
সংস্থাপন—এই সম্পর্কে আর অবহেলা হইলে মন্বন্তর আবার প্রকট  
হইয়া উঠিবে, এরূপ সম্ভাবনা রহিয়াছে। যাহারা ঘটনা-পরম্পরা লক্ষ্য  
করিয়াছেন, তাঁহারা একবাক্যে বলিবেন, ১৯৪৩ অব্দে বাংলা যে  
সীমাহীন দুঃখভোগ কবিয়াছে তাহার মূলে ছিল সরকারি কর্মচারীদের  
অকর্মণ্যতা, অব্যবস্থা ও দুর্নীতি। সত্য-গোপনের জন্য সরকারি তরফ  
হইতে প্রচুর চেষ্টা হইয়াছে। ঘটনাকে বিকৃত করিয়া দেখাইতে  
আমেরি সাহেবের জুড়ি নাই। ইহা সত্ত্বেও বাংলার দুর্গতির বৃত্তান্ত  
সর্বত্র ছড়াইয়া পড়িয়াছে; এই ব্যাপারে সরকারি ইজ্জতও খুব বা  
ধাইয়াছে।

বাংলাব অগণ্য লোকস্বয়ের জন্য বর্তমান মন্ত্রিমণ্ডলী কতটা দায়ী,  
সে আলোচনা আমি এখন কবিত্তে চাই না। আশা করিতেছি, একদা  
এ বিষয়ে নিরপেক্ষ তদন্ত হইবে। তখন সম্পূর্ণ সত্য উল্ঘাটিত হইবে।  
কিন্তু একটি বিষয়ে আমি সকলের মনোযোগ আকর্ষণ করি। ফজলুল  
হক সাহেবের যত ক্রটি থাকুক, তাঁহার মন্ত্রিসভা ১৯৪৩ অব্দের মার্চ  
মাসে বিশ্ববাসীর সমক্ষে প্রচার করিয়াছিলেন, বাংলার ভয়াবহ খাদ্য-  
সঙ্কট প্রত্যাসন্ন; বাংলাকে বাঁচাইতে হইলে বাহির হইতে খাদ্য-সন্তান  
আমদানি করিতে হইবে। ইহারই কয়েক সপ্তাহ পরে কোন কোন  
পদস্থ-মহলের বড়বড়ের ফলে ঐ মন্ত্রিসভা অপসানিত হইল। শুব  
নাঞ্জিমউদ্দিনের মন্ত্রিসভা প্রতিষ্ঠা-সময় হইতেই কয়েক মাস উপরূপরি  
অসত্য বিবৃতি দিতে লাগিলেন যে, বাংলার খাদ্যশক্তির অপ্রতুলতা  
নাই; কতকগুলি লোক প্রচুর পরিমাণে মজুত করিয়া রাখিয়াছে,  
তাহারই ফলে এই সঙ্কট। মজুত খাদ্যশক্ত বাহির করিবার জন্য জুন  
মাসে মন্ত্রিসভা খুব তোড়জোড় করিয়া খাদ্য-অভিযান করিলেন। এই

অভিযান শোচনীয়ভাবে ব্যর্থ হইয়াছে। মন্ত্রীরা অত্যাধিক অভিযানের ফলাফল প্রকাশ করিতে সাহসী হন নাই।

মন্ত্রিসভা অল্পগৃহীত ব্যবসায়ীদের চাউল কিনিতে উৎসাহ দিলেন। ফলে গ্রাম-অঞ্চল একেবারে চাউল-শূণ্য হইয়া গেল; মূল্যের স্বাভাবিক মান বিপর্যস্ত হইল; লোকে সরকারি ব্যবস্থা সম্পর্কে আস্থাশূন্য হইল। লণ্ডনে বসিয়া তখন আমেরি সাহেব বিবৃতির পর বিবৃতি দিতেছেন, বাংলার ভাল অবস্থা, কোনরকম গোলমাল নাই। আর বাংলাদেশে ও বর্হিভাবতে যো-ছকুম দল ঐ ধনিবই আবৃত্তি ও পুনরাবৃত্তি করিতে লাগিল।

বর্তমান মন্ত্রিসভার বিরুদ্ধে আমার অভিযোগ, তাহা ১৯৪৩ অক্টোবর এপ্রিল হইতে অতি মূল্যবান সময়ের মারাত্মক অপব্যয় করিয়াছেন। ফজলুল হক সাহেব মার্চ মাসে চাউলের অভাবের কথা উচ্চকণ্ঠে প্রকাশ করেন; ইহারাও যদি ঐ পথ অনুসরণ করিতেন তবে বাংলায় এরূপ ভয়াবহ অবস্থা ঘটতে পারিত না। সামরিক ও বেসামরিক কর্তারা মুমূর্ষুদের জন্য খাদ্য সংগ্রহ ও বিতরণ সম্পর্কে গত দুই তিন মাস খুব কর্মিষ্ঠতা দেখাইয়াছেন। কেন এপ্রিল হইতে এই অধ্যবসায় শুরু হয় নাই? নূতন মন্ত্রীরা তখন নিজেরাই কেবল ভালগোল পাকাইতেছিলেন, তাহা নয়—আসন্ন সঙ্কট উপলক্ষি করিয়া যাহারা এসম্পর্কে অবহিত হইবার জন্য সতর্কবাণী উচ্চারণ করিতেছিল, তাহাদিগকে পর্যন্ত দাবাইয়া রাখিয়াছিলেন। বেসরকারি তরফ হইতে সাহায্য-প্রচেষ্টা না হইলে বাংলার দুঃখ-ভুর্দশা সম্পর্কে আরও দীর্ঘকাল বাহিরের লোক জানিতে পারিত না; বহু বিলম্বে সরকারি কর্তাদের টনক নড়িত।

এবার প্রচুর আমন ধান ফলিয়াছে। ইহা সত্ত্বেও বহুমানের ধারণা,

যদি মজুমদারী বর্তমান অপকৃষ্ট শাসন-নীতি চালাইতে দেওয়া হয়, বাংলার আবার মন্বন্তর দেখা দিবে। বৃটিশ গবর্নমেন্ট ও ভারত গবর্নমেন্ট পূর্ণ দায়িত্ব লইয়াছেন, যাহাতে ১৯৪৩ অব্দের কলঙ্কিত দুর্দৈবেব আর পুনরাবৃত্তি না ঘটিতে পারে। অতএব তথাকথিত প্রাদেশিক আত্মকর্তৃত্বের দোহাই পাড়িয়া এবার আমেরি সাহেব নিস্তার পাইবেন না। দুর্ভিক্ষের সময় চাউলের যে দাম ছিল, এখন অবশ্য তাহার চেয়ে দাম কমিয়াছে। কিন্তু বাংলার সর্বত্র দাম আবার বাড়িয়াই চলিয়াছে; সবকায় যে দর বাধিয়া দিয়াছেন, তাহার চেয়ে অনেক বেশি দামে চাউল বিক্রি হইতেছে। এই জানুয়ারি মাসে চাউলের এত প্রাচুর্য সত্ত্বেও গবর্নমেন্ট নিয়ন্ত্রিত-মূল্য বজায় রাখিতে পারিতেছেন না—ইহাতে শাসন-ব্যবস্থার গলদ ও মজুমদারী চূড়ান্ত অকর্মণ্যতাব পবিচয় পাওয়া যাইতেছে। খাদ্যশস্য সংগ্রহের জন্ত যে কার্যক্রম অনুষ্ঠিত হইতেছে, উহা এনোমেলো এবং নিতান্তই দায়সারা গোছের। গণকল্যাণ এবং ব্যবসায়ী ও জনসাধারণের মধ্যে আস্থা-সঞ্চারের উদ্দেশ্যে উহা প্রযুক্ত হইতেছে না।

গণচিত্তে আস্থা-সঞ্চাবের জন্ত এবং দেশব্যাপ্ত সঙ্কটের বিরুদ্ধে সংগ্রামের জন্ত গত চারি মাস ধরিয়া আমি বলিয়া আসিতেছি, গবর্নমেন্ট কতকগুলি গ্রাম লইয়া এক একটি শস্তভাণ্ডার খুলিবেন। চিরচরিত ব্যবসা-বাণিজ্যের ধারা যতদূর সম্ভব অব্যাহত রাখিতে হইবে। দুর্দিনের জন্ত শস্ত-সঞ্চয় রহিয়াছে, চোখের সামনে এইরূপ দেখিলে লোকের মনে আস্থা ফিরিয়া আসিবে। বাংলার সমস্ত অঞ্চল জুড়িয়া এই ব্যবস্থা করিতে হইবে। ইহার জন্ত গবর্নমেন্টের সহিত জনসাধারণের সহিত পূর্ণ সহযোগিতা আবশ্যিক। সকলের স্বার্থ সম্পূর্ণ একীভূত হইলে তবেই এরূপ কার্যক্রম সাফল্যমণ্ডিত হইবে। কিন্তু আজ অবধি

এরূপ কোন ব্যবস্থাই হয় নাই। বরঞ্চ কয়েকটি পেয়ারের ব্যবসাদার মাবফতে যদৃচ্ছা চাউল কিনিয়া ঐক্য-চেষ্টা শ্রম করা হইতেছে; সম-ব্যবসায়ীদের মধ্যে ইহাতে ঈর্ষ্যার উদ্রেক হইতেছে। দুর্গত অঞ্চলে তৎপরতার সহিত খাদ্য-সববন্দাহ কবিবার জন্য প্রণালীবদ্ধ কোন ব্যবস্থা নাই। বাংলা আজ যে বিবাত সঙ্কটে মুগ্ধমান, এইরূপ ব্যবস্থায় তাহার প্রতিকার হইতে পারে না।

কলিকাতা ও পার্শ্ববর্তী শিল্পাঞ্চলে তিবিধ লকেরও বেশি লোককে খাওয়াইবার ভার ভারত-গবর্নমেন্ট লইয়াছেন। এই রেশনিং-এর বন্দোবস্ত করিতে গিয়াও বাংলার মল্লিমগুলী গওগোল পাকাইতেছেন। তাঁহাদের উদ্দেশ্য জনসেবা নয়—রাজনীতিক ও সাম্প্রদায়িক যে দল তাঁহারা খাড়া করিয়াছেন, বর্তমান দুর্দৈবের সুযোগ লইয়া তাঁহারা ঐ দলের শক্তি বৃদ্ধি কবিতে চান। মল্লিমগুলীব মতলব ছিল, চলতি দোকান-পশার একেবারে উৎঘাত কবিয়া প্রসাদ-পুট্ট সরকারি দোকান-গুলির মাবফতে রেশনিং প্রবর্তিত করা। ভারত-গবর্নমেন্ট তাঁহাদের এই অযৌক্তিক কার্যক্রমেব বদবদল কবিয়াছেন। গ্রেগরি-রিপোর্ট ঐ কার্যক্রমের সম্পূর্ণ বিপরীত হওয়া সত্ত্বেও কোন যুক্তিব বলে জানি না—মল্লিমগুলী নিজেদের দাবি বজায় রাখিবার জন্য বারম্বার জেদ দেখাইয়াছেন। ভারত-গবর্নমেন্ট নির্দেশ দিরাছেন, শতকরা পঞ্চাশটি দোকান সরকারি নিয়ন্ত্রণাধীন থাকিবে, এবং পয়তাল্লিশটি সাধারণ ব্যবসাদারদের হাতে থাকিবে। কিন্তু সরকারি দোকানে অনেক বেশি খবিকাব চুকাইবার ব্যবস্থা করিয়া ভারত-গবর্নমেন্টের নির্দেশ প্রকারান্তবে ব্যাহত করা হইয়াছে। রেশনিং-ব্যবস্থাও যদি জায়-নীতি অনুসারে না হইয়া এই প্রকার দলীয় স্বার্থের ভিত্তিতে পবিচালিত হয়, তাহা হইলে প্রশ্ন করিব, খাদ্য-ব্যাপাবে রাজনীতির আনদানি কবিতেছে কাহারা ?

কলিকাতায় হটক অথবা দূরতম পল্লী-অঞ্চলেই হটক—বাংলা-গবর্নমেন্ট এবং বেসরকারি জনসাধারণের মধ্যে কোনরূপ যোগাযোগ নাই। ভারত-গবর্নমেন্ট কলিকাতা ও পার্শ্ববর্তী শিল্প-অঞ্চলকে খাওয়াইবাব ভাব লইয়াছেন; বাংলার অপরাপর অংশে প্রযোজনেব তুলনায় প্রচুর ফসল ফলিয়াছে। এই অবস্থাতেও কেন লোকে এখনও চুঃখ-ভোগ করিবে? ১৯৪৪ অব্দেও বাংলাদেশে কেন খাদ্য-সঙ্কটের আশঙ্কা থাকিবে? মন্ত্রিসভার অকর্মণ্যতা ও দুর্নীতির জন্য যদি সত্য সত্যই একরূপ ঘটে, তবে উহার দায়িত্ব ভারত-গবর্নমেন্টের উপর পড়িবে। একটি দলবিশেষেব মন্ত্রিসভা—যাঁহারা সাম্প্রদায়িক ভেদ-বুদ্ধির দ্বারা পরিচালিত—কখনই বৃহৎ জন-সমাজের বিশ্বাস অর্জন করিতে পারেন না। যাঁহাদের বিরুদ্ধে বিচারপ্রণেতার এত নিদারুণ অভিযোগ রহিয়াছে, লক্ষ লক্ষ জীবন লইয়া তাঁহাদিগকে ছিনিমিনি খেলিতে দেওয়া কখনই চলিবে না।

বাংলার লোক শিক্ষা চায় না; বাঁচিয়া থাকিবার যে অধিকার মানুষের আছে, তাহাবই দাবি করিতেছে। যে-কোন সত্য নামধেয় গবর্নমেন্টেব ইহা প্রাথমিক কর্তব্য। লর্ড ওয়াভেল ও মিঃ কেসি নিরাসক্ত অপক্ষপাত দৃষ্টিতে বাংলার সমস্তা অসুধাবন করুন, এমন অবস্থার সৃজন করুন, যাঁহাতে গবর্নমেন্ট ও জনসাধারণের মধ্যে স্বতঃ-উৎসারিত সহযোগ-প্রবৃত্তি জাগিয়া উঠে, রাজনীতিক বা সাম্প্রদায়িক—কোন বিবেচনাই যেন গণ-মঙ্গলকে ছাপাইয়া না উঠিতে পারে। তবেই বাংলাদেশের সঙ্কট-মুক্তি ঘটবে।

দিন, ০৪শে জানুয়ারি, ১৯৪৪



## ঐক্য চাই

মন্ত্রিগণলী গতবৎসর মূল্যবান সময়ের গর্হিত অপব্যয় করিয়া-  
ছিলেন। নহিলে সঙ্কট অত নিদারুণ হইত না। আজ ১৯৪৪ অক্টো  
প্রায় সেই অবস্থা। যে সব বিবৃতি বাহির হইতেছে, তাহা গত  
বৎসবেই মতো আখ্যাসেব ফাঁকা বুলি। উভয় বৎসবের বিবৃতিগুলি  
পাশাপাশি মিলাইয়া দেখিলে বোঝা যাইবে, ঘটনাব পুনরাবৃত্তি  
চলিয়াছে।

মন্ত্রীরা চেষ্টা করিয়াছিলেন বাংলাব সঙ্কট-বার্তা যাহাতে বাহিবে  
না যাইতে পাবে। বেসরকারি তরফ হইতেই প্রথম সাহায্য-চেষ্টা  
শুরু হইয়াছিল। বাংলাষ ও বাংলাব বাহিরে সাহায্যের জন্ত আবেদন  
জানানো হয়। সেই আবেদন ও বিবৃতির অনেকগুলি ভারত-রক্ষা  
আইনের বেডাজালে আটকাইবার চেষ্টা হইয়াছিল। কিন্তু শেষ পর্যন্ত  
অবস্থা গোপন রহিল না। জনমত জাগ্রত হইল। কতকগুলি  
সংবাদপত্র—বিশেষ করিয়া স্টেটসম্যান—সঙ্কটের কথা সর্বজনগোচর  
কবিত্তে লাগিলেন। একুপ না হইলে আরও বহু বিলম্বে সরকারি  
কর্তাদের ঘুম ভাঙিত।

বেঙ্গল রিলিফ কমিটি ও হিন্দু মহাসভা বিলিফ কমিটি—এই দুইটি  
বেসরকারি সেবা-প্রতিষ্ঠানের সঙ্গে আমি নিবিড় ভাবে সংশ্লিষ্ট।  
তাঁহারা দুর্গতের সেবায় লক্ষ লক্ষ টাকা ব্যয় কবিয়াছেন। উহাব  
শতকরা নিরানব্বুই ভাগই অ-মুসলমানের দান। কিন্তু সাহায্য-কার্য  
জাতিবর্ণ নির্বিশেষে হইয়াছে। আমার কাছে কাগজপত্র আছে,

তাহাতে নিঃসংশয়ে ইহা প্রমাণিত হইবে। গবর্নমেন্টের তরফ হইতে কিছু গোপন সাকুলার গিয়াছিল, তাহাদের সাহায্য-কমিটীগুলিতে মুসলমানদের মধ্যে কেবল মুসলিম লীগেরই লোক লইতে হইবে। গবর্নমেন্টের টাকা আসে সর্বশ্রেণীর নিকট হইতে। মুসলিম লীগ-দল আজ বাংলায় প্রভুত্ব করিতেছেন, কিন্তু টাকাটা লীগের নয়, মন্ত্রীদের নিজস্বও নয়। অথচ সাহায্য বিতরণ ও পরিচালনাব ব্যাপারে বৈষম্যের সৃষ্টি করা হইয়াছিল।

বিগত বর্ষের এইসব তিক্ত ঘটনা অধিক আলোচনা করিবার লাভ নাই। আজিকার প্রধান কর্তব্য, ১৯৪৪ অব্দে মঙ্গলবের সাহায্যে পুনরাবির্ভাব না ঘটে, সর্বপ্রথমে তাহার উপায় নির্ধারণ করা। একদিক দিয়া অবশ্য পুনরাবির্ভাবের কথাই উঠে না; মঙ্গলব এখনও চলিতেছে। চাউলের দাম পূর্বে কি ছিল আর এখন কি হইয়াছে? গবর্নমেন্টের হিসাব মতোই প্রতি মন পনের বোল টাকার কম নয়। ইহা তো দুর্ভিক্ষেরই অবস্থা।

খাদ্যনীতি সম্পর্কে চূড়ান্ত দায়িত্ব মন্ত্রীদের। বর্তমান মন্ত্রীরা দল-বিশেষের প্রতিনিধি—সর্বসাধারণের নয়; ইহাদের কর্মিষ্ঠতা ও শাসন নীতির উপর সংখ্যাভীত দেশবাসীর অপ্রত্যয় জন্মিয়াছে। জন-সাধারণের মনে আস্থার সঞ্চার না হইলে সঙ্কট-মোচন হইতে পাবে না। বর্তমান মন্ত্রীদের দ্বারা উহা কোনক্রমে সম্ভব নয়।

এসোসিয়েটেড প্রেস ২২শে মার্চ (১৯৪৪) তারিখে বগুড়ার খবর দিতেছেন। ভগ্ন-স্বাস্থ্য ভূর্গতেরা আবার দলে দলে শহর মুখো ধাওয়া করিয়াছে। রংপুর বোডের উপর একটি মৃতদেহ কয়েক ঘণ্টা পড়িয়াছিল; স্টেশনের সামনেব রাস্তায় দেখা গেল, আঁব একটাকে শিয়ালে-শকনে ধাইতেছে।

চট্টগ্রামে শতকবা পনের জনের মতো খাদ্যশস্য অসুযোগিত্ত দোকানের মারফত সরবরাহ করা হইতেছে। চাউলের নিয়ন্ত্রিত-মূল্য সেখানে ষোল টাকা। হাজার হাজার লোকের ঐ দামে চাউল কিনিয়া খাইবার সজ্জতি নাই। আর, ইহাও কেবল শতকবা পনের জনের সম্পর্কে; বাকি পঁচাশি জনকে অদৃষ্টেব উপব ছাড়িয়া দেওয়া হইয়াছে। তাহাদেব চাউল কিনিতে হইতেছে বাইশ চব্বিশ টাকা দবে।

কলিকাতা গেজেটে (১৬/৩/৪৪) ৮ই মার্চ তারিখ পর্যন্ত বাংলার বিভিন্ন জেলা ও মহকুমা সম্পর্কে বিবরণ বাহিব হইয়াছে। ৮৯টি জেলা ও মহকুমার মধ্যে ২৯টির সম্বন্ধে সরকারি তরফ হইতেই স্বীকার করা হইতেছে যে, ঐ সব অঞ্চলে চোরা-বাজার চলিতেছে; বাজাবের সাধারণ অবস্থা সম্বন্ধে কোন খবরাখবব নাই। ত্রিপুরা, চট্টগ্রাম, ঢাকা প্রভৃতি এই বর্ণনার অন্তর্ভুক্ত। ভারতের সর্বত্র এবং নিখিল পৃথিবীতে আমবা ঢাক পিটাইয়াছি, বাংলার এবাব প্রচুব ধান ফলিয়াছে। ইহা সত্ত্বেও এই মার্চ মাসেই দেশের লোকের এইরূপ অবস্থা। জনমত অগ্রাহ্য করা যায়, বিরুদ্ধবাদীদের মুখ জোর করিয়া বন্ধ করা যায়, কিন্তু তাহাতে মানুষ বাঁচানো যায় না। গত বৎসব ঠিক এই পস্থা অবলম্বিত হইয়াছিল; সমগ্র দেশ জুড়িয়া তাই এত বড সর্বনাশ ঘটয়া গেল।

বাকুডার পুলিশ সুপারিন্টেণ্ডেন্ট বর্ধমান বেঞ্জব ডেপুটি ইনস্পেক্টর জেনারেল অব পুলিশকে কিছুদিন আগে জানাইয়াছেন, চাউল ও খুচরা-মুদ্রার অবস্থা অবিকল গত বৎসরের মতো হইয়া উঠিয়াছে। চাউলের দাম চড়িতেছে, বাজার হইতে চাউল ও খুচরা-ভাঙানি অদৃষ্ট হইয়া যাইতেছে। পুলিশেব লোকে গবর্নমেন্টের স্টোর হইতে যে চাউল পাইতেছে, তাহা একেবারে অখাণ্ড। চারি বকমের চাউল একত্র মিশানো, সঙ্গে প্রচুর পাথরের কুচি। উহা খাইয়া সকলে পেটের

পীড়ার ভুগিতেছে। এইরূপ চাউল সরবরাহ হইতে থাকিলে পুলিশদল কাজের শক্তি হাবাইবে।

সুরাবদি সাহেব বাবদ্বার বলিয়াছেন, বাংলায় খারাপ চাউল সরবরাহ হইয়াছে, ইহার জন্ত দায়ী কেন্দ্রীয় সরকার। কেন্দ্রীয় সরকার দৃঢ়কণ্ঠে ইহা প্রতিবাদ করিলেন। নয়া-দিল্লির ভাড়া খাইয়া সুরাবদি সাহেব তখন সুর বদলাইয়া, বলিতে লাগিলেন, উড়িষ্যা-গবর্নমেন্টের দোষেই কাণ্ডটা ঘটয়াছে। ২৪ মার্চ (১৯৪৪) তারিখে উড়িষ্যা-গবর্নমেন্টের বিবৃতি বাহির হইয়াছে। দেখা যাইতেছে, তাঁহাদের উপরেও মিথ্যা দোষারোপ হইয়াছে; এই ব্যাপারে উড়িষ্যা-গবর্নমেন্টের বিন্দু-মাত্র দায়িত্ব নাই। দোষ তবে কাহান? অপকৃষ্ট চাউল আমদানির জন্ত কাহাকে দায়ী করিতে হইবে? সরবরাহ-সচিব কলিকাতায় বসিয়া এক কথা বলেন, আবাব অন্ত্র গিয়া অপর এক প্রাদেশিক গবর্নমেন্টের উপর দোষ চাপান। এইসব করিয়াই মল্লিমণ্ডলী জন-সাধাবণের আস্থা হাবাইয়াছেন।

আমরা অভিযোগ করিয়াছিলাম, হাজার হাজার মন ধান যশোহর স্টেশনে পড়িয়া নষ্ট হইতেছে। সুরাবদি সাহেব তখন বলেন, উপায় কি? যানবাহনের জোগাড় হইতেছে না। দিল্লি হইতে সুর এড-ওয়ার্ড বেঙ্গল ইহার জবাব দিয়াছেন। তিনি হিন্দু নহেন, মুসলমানও নহেন—বিরোধী পক্ষের সঙ্গে তাঁহার যোগাযোগ নাই। তিনি বলিতেছেন, বাংলা-সরকারের নির্ধারিত কার্যক্রম অনুসারেই কেন্দ্রীয় সরকার যানবাহনের ব্যবস্থা করিয়াছেন। যে কার্যক্রম ইহা পাঠাইয়াছিলেন, উহাতে যশোহরের এই মজুত ধানের প্রসঙ্গ মাত্র নাই। লক্ষ লক্ষ মানুষের জীবন-মরণের ব্যাপারে এইরূপ মর্মান্তিক অবহেলা করিয়া ইহার সঙ্কট বাড়াইয়া তোলেম।

নির্দাক্ষণ দুঃসময়েও গবর্নমেন্টের লাভের কারবার চলিয়াছে। অল্প প্রদেশ হইতে সম্ভায় গম কিনিয়া বাংলার মুমূর্ষুদের কাছে উহা উচ্চ-মূল্যে বিক্রয় করা হইয়াছে। ইহাতে লক্ষ লক্ষ টাকা লাভ হইয়াছে। সুরাবর্দি সাহেব বলিতে চান, সে ব্যাপার তো চুকিয়া গিয়াছে—আবার কেন? কিন্তু ২১শে ফেব্রুয়ারি মিস্টার বি. আর. সেন কাউন্সিল অব স্টেটের বক্তৃতায় বলিয়াছেন, ইদানীং কয়েক মাস ধরিবাও ঐ কারবার চলিতেছে। সুরাবর্দি সাহেব ও মন্ত্রীরা অস্বীকার করিতেছেন, কিন্তু লোকের আঁব বিশ্বাস থাকিতেছে না।

আমরা ঐকান্তিক ভাবে চাই, বর্তমান বর্ষে যেন গত বৎসরের অবস্থা না ঘটে। গবর্নমেন্টের সম্পর্কে জনসাধারণের নষ্ট আস্থা ফিরিয়া না আসা পর্যন্ত এ বিষয়ে নিঃসংশয় হইতে পারিতেছি না। কেন্দ্রীয় পরিষদে এক অপক্লপ প্রচেষ্টা দেখিলাম, জনস্বার্থের জগ্ন সেখানে মুসলিম লীগ-দল অন্ত্যাত্ত দলের সহিত হাত মিলাইয়াছেন। দেশেব ভবিষ্যৎ ভাবিয়া বাংলার মুসলিম লীগ-দলও কি ঐরূপ সাহস ও দূর-দৃষ্টির পরিচয় দিবেন? দলাদলি ভুলিয়া সকলে আজ ঐক্যবদ্ধ না হইলে বাংলার ভবিষ্যৎ অন্ধকারাচ্ছন্ন হইবে, খাণ্ড-সঙ্কটের স্থায়ী সমাধান কোন ক্রমে সম্ভব হইবে না।

ইতিমধ্যে ব্যবস্থা-পরিষদে একদিন সুরাবর্দি সাহেব বলিয়াছেন, আমি নাকি ইউরোপীয় দলের সাহায্য চাহিতে গিয়াছিলাম। সেদিন আমি উপস্থিত ছিলাম না, তাই জবাব দিতে পারি নাই। ইউরোপীয় দলের সহিত আমার ও অপর দুই বন্ধুর কিছু কথাবার্তা হইয়াছিল। কোন দলীয় স্বার্থে আমরা তাঁহাদের সাহায্য চাহি নাই। বাংলার ব্যবস্থা-পরিষদে ভারতীয় সদস্যেরা দুইটি দলে ভাগ হইয়াছেন। হিন্দু ও মুসলমান প্রায় একশ জন আমরা বিরোধী দলভুক্ত। আরও দশজন

কারাগারে বন্দী রহিয়াছেন, তাঁহারাও আমাদের দলে। সরকারি দলেও হিন্দু-মুসলমানে একশ দশ বা একশ পনের জন হইবেন। আর আছেন জন ত্রিশেক—তাঁহারা হিন্দু নহেন, মুসলমানও নহেন। ইহারাই গবর্নমেন্টের দল ভারি কবিয়া তাঁহাদের উপর প্রভাব বিস্তার করেন। ইউরোপীয়দের বলিয়াছিলাম, আমরা বিরোধী দল দেশের এই সঙ্কট-সময়ে সরকারি দলের সঙ্গে মিলিয়া মিশিয়া খাণ্ড-সমস্তার সমাধান করিতে চাই। আপনাবাই দলাদলি জিয়াইয়া রাখিতেছেন। মিলিত-প্রচেষ্টা ছাড়া আমাদের বন্ধাব উপায় নাই, কিন্তু আপনাবাই মিলনে বাধার সৃষ্টি কবিতেছেন।

হাইকোর্টের প্রধান বিচারপতির একটা অতি-সাম্প্রতিক রায়েব সম্পর্কে উল্লেখ করিব। তিনি বিরোধীদলের কেহ নহেন, তাঁহার কলম ও মতামতের উপর বিরোধী দলের কিছুমাত্র প্রভাব নাই। পরিষদের একজন সদস্য বিবোধী দলভুক্ত ছিলেন। ইহার বিকল্পে ফৌজদারি চলিতেছিল। ইহাকে লোভ দেখানো হইল, সরকারি দলে গেলে ফৌজদারি মামলা প্রত্যাহত হইবে। সবকারের কোন এক বিভাগীয় সেক্রেটারিকে আদেশ দেওয়া হইল, (কে আদেশ দিয়াছে, তাহার নাম প্রকাশ নাই) জেলা-ম্যাজিস্ট্রেটের কাছে গিয়া ঐ মামলার দীর্ঘ সাবকাশ লইতে হইবে। প্রধান বিচারপতি চিঠি ও কাগজপত্র দেখিয়া ঘটনাটির সম্বন্ধে সম্পূর্ণ নিঃসংশয় হইয়াছেন।

ইহা একটিমাত্র দৃষ্টান্ত। এইরূপ শত শত দেওয়া বাইতে পারে। ইহার ফলেই লোকে মজ্জিমঞ্জীর প্রতি আস্থা হারাইয়াছে।

আমরা চাই, এই চরম দুঃসময়ে যথার্থ শক্তিশালী গবর্নমেন্ট গঠিত হউক। শাসন-কার্যে যোগ দিতে চাই এইরূপ সকল দলেরই প্রতি-নিধি যেন উহাতে স্থান হয়। তাহা হইলেই সঙ্কটের অবসান হইবে।

আমরা আন্তরিকতার সহিত সহযোগিতার হাত বাড়াইতেছি। যে দলটি আজ মস্জিদগুলিকে কার্ঘ্যত বাঁচাইয়া রাখিতেছেন, ভয়সা করি, এই আস্থানে তাঁহারা সাড়া দিবেন। খাশ্বের এই অবস্থা, দেশবাসী মনের সাহস ও উত্তম হারাইয়া ফেলিতেছে, বুদ্ধের গতি ক্রমত পরিবর্তিত হইতেছে। এ অবস্থায় গতানুগতিক শাসন-ব্যবস্থা চলিতে দিলে মারাত্মক ভুল হইবে।

বিপদের সম্মুখে আমরা ঐক্যপন্থা গ্রহণ করিব। উত্তর-পুরুষেরা যেন বলিতে পারে, আমরা বিবাদ-বিসম্বাদ করিয়াছি, কিন্তু জাতির দুঃসময়ে মিলিত শক্তিতে ছুঁবার হইয়াছি। হিন্দু-মুসলমান-খৃস্টান—সকলের পরমপ্রিয় মাতৃভূমি রক্ষার জন্ত প্রত্যেকেই আমরা ব্যক্তিগত লাভ-ক্ষতি দল-বৈষম্য ও সাম্প্রদায়িকতা পরিহার করিয়া এই পরম মুহূর্তে সংহত ঐক্যবদ্ধ মহাজাতি রূপে দাঁড়াইব।\*

\*২০শে মার্চ, ১৯৪৪ তারিখে বঙ্গীয় ব্যবস্থা-পরিষদে

প্রদত্ত বক্তৃতার সারসর্ম।

# পরিশিষ্ট

## বেঙ্গল রিলিফ কমিটি

কমিটি নগদ ২৭,৪২,৩৬৩/৪ পাই এবং নিম্নলিখিত জিনিষপত্র সংগ্রহ করিয়াছেন—

খাদ্যশস্য	৫৪,৪৪৭ মন ৫ সের	গেঞ্জি	৪,৫২৬ ডজন
ধূতি ও শাড়ি	৮,৭৩৭ জোড়া	ব্রাউস	৫৪টি
মাকিন	২০০ খান	পুরানো কাপড়	২৭ গাঁইট
হুজনি	৭,১৭৮ খানা	হুধ	১,৬৩২ পাউণ্ড
কম্বল	৩,৪৫০ খানা	বিস্কুট	১৩ থলিয়া

নিম্নলিখিত পবিমাণ জিনিষপত্র দিয়া কমিটি দুর্গতদের সাহায্য করিয়াছেন—

খাদ্যশস্য	১,৪৩,৮৬৩ মন ৫ সের	পুরানো কাপড়	৫৪ গাঁইট
ধূতি ও শাড়ি	১,৫৪,৮০৪ খানা	হুধ	১,৬৩২ পাউণ্ড
মাকিন	১,৭৭০ খান	বিস্কুট	১৩ থলিয়া
হুজনি	৭,১৭৮ খানা	সুড়	২,২১৩ মন ১১৪.০ সের
কম্বল	৬৮,৫৩২ খানা	হাক-প্যাট	২,৭৬০টি
গেঞ্জি	৬১,৬২২ খানা	কামিজ	১০,০০০টি
	ব্রাউস	৪,৭৫৪টি	

দাতারা যে খাদ্যশস্য পাঠাইয়াছেন এবং কলিকাতায় যাহা কেনা হইয়াছে, উপরের হিসাবে মাত্র তাহাই ধরা হইয়াছে। ইহা ভিন্ন কমিটির বিভিন্ন মফস্বল কেন্দ্রে বিতরণ ও কম দামে বিক্রয়ের জন্য বহু পরিমাণ খাদ্যশস্য কেনা হইয়াছে। তাহার হিসাব এখনও পাওয়া যায় নাই।

কমিটি বিভিন্ন খাতে নিম্নলিখিত রূপ ব্যয় করিয়াছেন—

খাদ্যশস্য-বিতরণ, কম দামে লোকসান করিয়া	খাদ্যশস্য-বিক্রয় এবং হুধ বিতরণ	সংস্কৃত-পণ্ডিত ও ছাত্রদের সাহায্য (দাতার ইচ্ছাক্রমে)	৫৫,২৬৩/০ আনা
	১১,১৭,৪৫৩/৬ পাই	পুনর্গঠন পরিকল্পনা	২০,৪০৭/০ আনা



কাপড়	৪,১০,৮৩৪৮/০ আনা	কতকগুলি সেবা-সমিতিতে অর্ধ-
চিকিৎসা	১,১২,৪০৬৮/২ পাই	সাহায্য
ছাত্রদের সাহায্য দান	৬,০০৩।০ আনা	যাতায়াতের গাড়িভাড়া, লোকজনের
শিশু-নিবাস	৩৬,১০৫।৮ আনা	মাহিনা, প্রচার-ব্যয়, ডাকটিকিট,
কৃষকদের বীজ ও মার সরবরাহ		টেলিগ্রাম ও টেলিফোনের খরচ
	৫,১২২।/৬ পাই	ইত্যাদি
ছাত্র-নিবাস	১৮,৪৬১৮৬ পাই	মজুত
		১২,৬২৪।০ আনা
		১,৬২,১১৮।/১০ পাই

## বঙ্গীয় প্রাদেশিক হিন্দু-মহাসভা রিলিফ কমিটি

কমিটি ২৯শে ফেব্রুয়ারি (১৯৪৪) তারিখ পর্যন্ত মোট ১,৬১,০৩৫।/২ পাই সংগ্রহ করিয়াছেন। ব্যয় করিয়াছেন ৬,৩৮,১৩৬।/৪ পাই। নিম্নের বিভিন্ন খাতে এই টাকা ব্যয় হইয়াছে—

খাদ্যশস্য-ক্রয়	২,২২,৬১২।/০ আনা	মৃত্যু ইত্যাদি ক্রয়	২,৪৪৯।
কাপড় কবল প্রভৃতি ক্রয়	৬৪,২৪৭।/১০ পাই	মুদ্রণ ও ব্যাক-খরচ	২,০৭৮।
শিক্ষক, টোলের পণ্ডিত ও		শ্রমিক ভাড়া	২৫।
মধ্যস্থিত সম্প্রদায়কে সাহায্য	১২,৬৬৮।	পরিদর্শন প্রভৃতি বাবদ	২,৫০০।
ব্যক্তিগত সাহায্য	১,৬৫০।	বিভিন্ন সেবা-সমিতিতে সাহায্য	
রাজবন্দীদের সাহায্য	৩৫,১১২।/০		১,১০,২১২।/৬ পাই

৩১শে মার্চ (১৯৪৪) তারিখ পর্যন্ত নিম্নলিখিত পরিমাণ খাদ্যশস্য সংগ্রহ ও ব্যয় করা হইয়াছে—

কেনা হইয়াছে—	১৩,৩৮৭ মন ( ৫১৩৯ বস্তা )
সাহায্য হিসাবে পাওয়া গিয়াছে—	২২,২৮৯ মন ( ৮৮৯১ বস্তা )
মোট	৩৫,৬৭৬ মন ( ১৪০৩০ বস্তা )
বিলি হইয়াছে	৩২,৪৪৫ মন ( ১২,১১৭ বস্তা )
মজুত	৩,২৩১ মন ( ১,২৫৩ বস্তা )

## শ্রীযুত হৃদয়নাথ কুঞ্জরুর বিরতি

ঢাকা, নারায়ণগঞ্জ, মুন্সীগঞ্জ, ব্রাহ্মণবাড়িয়া ও চাঁদপুর পরিদর্শন করিয়া আসিয়া ২২শে অক্টোবর, ১৯৪৩ তারিখে কুঞ্জরু মহাশয় যে বিরতি দেন, তাহার সাবমত। ভিন্ন প্রদেশের একজন নিৰপেক্ষ বিশিষ্ট ব্যক্তি বাংলাব মনস্তব কি ভাবে দেখিয়াছেন, ইহাতে তাহার পরিচয় পাওয়া নাইবে।

সর্বত্রই দুর্বস্থা এমন ভয়াবহ যে, চোখে না দেখিলে বিশ্বাস করা কঠিন। শহর ও পল্লীঅঞ্চলে অনাহারে থাকাই ইদানীং লোকের ভাগ্য হইয়া দাঁড়াইয়াছে। শহর অপেক্ষা পল্লীঅঞ্চলেই অবস্থা অধিকতর শোচনীয়। গ্রামবাসীদের—বিশেষত নারী ও শিশুদের দুর্গতি দেখিয়া চোখে জল আসে। মাতাপিতা সম্বন্ধে ত্যাগ করিতেছে, স্বামী স্ত্রী ত্যাগ করিতেছে—এইরূপ ঘটনা দিন দিন বাড়িয়াই চলিয়াছে। সামান্য চাষী ও ভূমিহীন শ্রমিকেরা আহার্য কিনিবাব জন্ত নাম মাত্র মূল্যে জমি ও ধরবাড় বেচিতেছে। অনাহারক্রিষ্ট গ্রামবাসীরা ঘরের চালের টিন খুলিয়া বেচিতেছে, নারায়ণগঞ্জে এইরূপ দৃশ্য দেখা গেল।

গৃহহীন এই সকল লোক সম্পূর্ণ রিক্ত অবস্থায় শহরে চলিয়া আসে, ও লক্ষবধানায়ার ভিড় জমায়ে রবকেবা চাউল মজুত করিয়া রাখিয়াছে, এই অভিযোগ বর্তমান অবস্থায় সম্পূর্ণ মিথ্যা বলিয়া প্রতিপন্ন হইল। গ্রামবাসী অনাহারে মরিয়া যাইতেছে; তাহাদের বিকল্পে খাদ্য মজুত করিবার অভিযোগ আনা অতিশয় নিষ্ঠুরতার কার্য। আমি গ্রামের হাটে খুবই সামান্য পরিমাণ চাউল বিক্রয় হইতে দেখিয়াছি। এই চাউলের মূল্য কোথায়ও প্রতি মন পঞ্চাশ টাকার কম নয়। শহরে মূল্য আরও অনেক বেশি। চাউলের মূল্য-নিয়ন্ত্রণ আদেশ যখন ফলপ্রসূ হইল না—আমার মনে হয়, ঐ আদেশ প্রত্যাহার করিলে মফস্বলের বাজারে কিছু চাউল

আমদানি হইতে পারে। এই সম্পর্কে কেবল বেসরকারি লোক নয়— অনেক সরকারি কর্মচারীর সঙ্গেও আমার সংস্পর্কের সুযোগ হইয়াছে। তাঁহারা আমাকে বলিয়াছেন, ঐরূপ ব্যবস্থাতেও যথেষ্ট পরিমাণ চাউল মিলিবে না।

ঢাকা, চাঁদপুর, নাবারগঞ্জ প্রভৃতি কয়েক জায়গায় আশ্রয়-কেন্দ্র খোলা হইয়াছে। যে সব লোক বাস্তব পড়িয়া মারা যায়, তাহাদিগকে এখানে আনা হয়। ম্যালেরিয়া, আমাশয়, পেটের পীড়া ও অন্যান্য বোগগ্রস্ত অনাহারক্লিষ্ট লোকেব জন্ম এমার্জেন্সি হাসপাতাল খোলা হইয়াছে। তবু পথের ধারে যেখানে সেখানে মৃতদেহ ও যুগ্ম মানুষ দেখিতে পাওয়া যায়। অনাহারক্লিষ্ট নবনাবীদের বাস্তব উপব চলন্ত শবের স্তায় দেখায়। ইহারা শেষ পর্যন্ত যদি প্রাণে বাঁচিয়া থাকে, তাহা দৈব ঘটনা মনে কবিত হইবে। আশ্রয়-স্থান ও এমার্জেন্সি হাসপাতালে, তাহাদিগকে স্থান দেওয়া হইয়াছে, তাহাদের সম্বন্ধেও অবিকল এই কথা বলা যায়।

কমন্স-সভায় মিঃ আমেরি বাংলাদেশে বোগেব ব্যাপকতা ও ঔষধ-সরবরাহের অভাব একেবারে অস্বীকার করিয়াছেন। তাঁহার এই উক্তি বাস্তব ঘটনার সম্পূর্ণ বিপরীত। ঔষধেব বিশেষ অভাব; কুইনাইন একরূপ অমিল বলিলেই চলে। নবনাবী জীবনীশক্তি হারাইয়াছেন, সেজন্য রোগ দেশব্যাপ্ত হইয়া পড়িয়াছে।

সরকারি ও বেসরকারি লজরখানা হইতে প্রচুর সাহায্য-কার্য হইতেছে। কিন্তু সেগুলির সংখ্যা অত্যন্ত অল্প; খাদ্যবস্তুর অভাবে তাহাও আবার মাঝে মাঝে বন্ধ রাখিতে হইতেছে। এই সকল লজরখানায় জনপ্রতি দুই হইতে আড়াই ছটাক পরিমাণ খিচুড়ি দেওয়া হয়। প্রদত্ত খাদ্যের পরিমাণ সর্বত্রই অতি অল্প। ঢাকা সেন্ট্রাল

রিলিফ কমিটি ঢাকা শহরে সরবরাহ-ব্যবস্থা পরিচালনা করিতেছেন ; দায়রা জজ মিঃ দে কমিটির সভাপতি । শুনিতে পাইলাম, মহলা-কমিটিগুলি জনপিছু মাসিক বারো ছটাক চাউল ও কুড়ি ছটাক আটা প্রদান করিয়াছে । সর্বত্রই শুধু চাউল নয়—সর্বপ্রকার খাদ্যবস্তুর অভাব । নিম্ন-মধ্যবিত্ত শ্রেণীর লোকেরাই সর্বাধিক বিপন্ন ।

বাংলাদেশে আসিবার পূর্বে আমার ধারণা ছিল, বাংলা-সরকারকে অসঙ্গত রূপে আক্রমণ করিবার জন্য বাঙ্গালীরা প্রতিদ্বন্দ্বীরা অবস্থার অতিরঞ্জিত বিবরণ দিতেছেন । কিন্তু এখন আমি দেখিতেছি, বাংলার নেতারা যাহা বলিয়াছেন, তাহার প্রতিটি বর্ণ সত্য ; ভারতবাসী ও বৃটিশ জনসাধারণের নিকট সত্য বিবরণ প্রকাশ করিয়া তাঁহারা দেশের বড় কাজ করিয়াছেন । বস্ত্রের অভাবও খাদ্যের অভাবের তুল্য । কেবল খুঁটি-শাড়ি নয়—এখন গবম-কাপড়েরও একান্ত প্রয়োজন ।

মিঃ আমেরি বলিয়াছেন, সপ্তাহে প্রায় এক হাজার লোক মারা যাইতেছে । কিন্তু আমার ধারণা, মৃত্যু-সংখ্যা অনেক অধিক । একটি মহকুমা সম্পর্কে আমাকে বলা হয়, প্রতি সপ্তাহে সাড়ে সাতশত হইতে এক হাজার লোক মারা যাইতেছে । শহরেও মৃত্যুর হার অত্যধিক ।

আমর ধান সম্পর্কে সরকার কি নীতি অবলম্বন করিবেন, সে সম্বন্ধে লোকে বিশেষ উদ্বেগের মধ্যে আছে । তাহারা মনে করে, সরকার সমগ্র শস্ত ক্রয় করিলে ফল শোচনীয় হইবে ।

সরকারের বিরুদ্ধে আরও অভিযোগ, তাঁহারা কলিকাতাবাসীদেরই প্রাণ বাঁচাইতে ব্যস্ত ; মফস্বলের কথা তাঁহারা চিন্তাও করেন না ।

অবস্থার গুরুত্ব সম্বন্ধে সকলেরই অবহিত হওয়া উচিত । এ বিষয়ে কেন্দ্রীয় সরকারের দায়িত্ব অত্যধিক । লর্ড ওয়াভেলের কার্যকারিতার উপর বাংলার ভবিষ্যৎ যথেষ্ট পরিমাণে নির্ভর করিতেছে ।











